

MOLIMO O IPATA KA

HO NYATSEHA, A NTANO

ITŠENOLA KA HO TŠOANA

 Kea u leboha, Moena Neville. Morena a u hlohonolofatse. Malume hoseng hona, metsoalle. Ruri ke nka sena e le se seng sa lihlohlolo tsa bophelo ba ka, ho ba kahara tabernakele hape hoseng hona, ho bona moaho o motle oa eona, le boitšoaro ba bana ba Molimo ka tlung ea Hae kajeno.

² Ke ne ke hloletsoe haholo ha ke fihla mona maobane ke bona sebopheho sa moaho. Ha kea o lora o ka ba tjena. Ke bone lipolane, mohla ba neng ba takile lipolane, ke bone feela phaposinyana e 'ngoe e hlonngoeng ka thoko, empa joale ke e fumana e le e—e tulo e ntle. 'Me re motlotlo ho Eamatlaohle ka nqalo e ntle ena. 'Me rea . . .

³ Hoseng hona, ke le tlisetsa, litumeliso tse tsoang ho mohatsa ka le bana, ba lakalitse ho ba koano nakong ena ea tšebeletso ea khethelo, le veke ena ea boineelo ho Kreste. Empa bana ba sekolong, 'me ho thata ho tloha. 'Me ba se ba batla ba shoele ke tlholohelo ea ntlu, empa re ke ke ra khathatsoa ke maikutlo a lōna batho ting. Ha u ke u khathatsoa ke eona. Ntho e teng e kang ho ba le metsoalle. 'Me ke—ke ananela metsoalle, hohle, empa ntho e teng ka metsoalle ea khale. Leha u ka etsa metsoalle e mecha nqa e 'ngoe, e sa ntse e se ea khale.

⁴ Leha nka tsamaea hohle, setša sena se tla lula se khethehile. Hoba, lilemo tse ka bang mashome a mararō tse fetileng, kahara letša le seretse, ka na ka khethela setša sena sa mobu ho Jesu Kreste mohlang e—e le bethe ea seretse feela. Ntho eohle mona e ne e le letša. Ke ka baka leo seterata se tsoile fapohileng mono, e—e tsela e ne e lokele ho koekoetla, ho qoba letša mono. 'Me ka mona, keha ho metse mehalalitoe, ho runtse mehalalitoe ea matša.

⁵ 'Me e—e mohalalitoe ke palesa e hlollang haholo. Leha koana o tsoalloa seretseng, o tlameha ho fohra seretse, le ho phutla metsi le tšila, ho hlahella kaholimo, ho khaba ka botle ba oona.

⁶ 'Me ke—ke nahana, hoseng hona, haholo e le sona se hlahleng mona. Ke hore, ho tloha mohlang oo, mohalalitoe o monyenyane oa matša o runtse; 'me hoba o hlahelle kaholima metsi, oa ala liphuka tsa oona, lihaba tsa oona li namme, 'me o halimisitse Mohalalitoe oa Phula. A o ke o eme halelele! E be ntlu e khethetsoeng Molimo ka botlalo!

⁷ Tabernakele boeona e ne e khakoloe ka 1933. Empa eaba kea nahana, hoseng hona, e ka ba e—e bottle ho tšoara e—e tšebeletso e nyenyane ea khethelo hape, haholo ho batho, bao ka lerato la bona le ka boinehelo ho Kreste, ba nyehetseng khonahalo ena. 'Me ke batla ho leboha mang le mang oa lōna ka menehelo ea lōna, le ka lintho, tseo le li ntšitseng ho khethela kereke ena ho Kreste.

⁸ Ke ananela haholo, ke leboha phutheho, ho bua mantsoe ana bakeng sa baena beso ba lokileng ba kereke mona, ba nehetseng tšebetso tsa bona. Moena Banks Wood, moena oa rōna ea khabane; Moena Roy Roberson, moena oa rōna ea khabane; le ba bangata bao, ba sa kang ba ikhopolela 'me ka pelō e le 'ngoe, ba sebetsa likhoeli kahong ea nqalo ena, ba lula mona ho bona hore e hahiloe ka tšoanelo.

⁹ 'Me ha ke kena, ke bona pulepiti ena, esale ke e batlile mofuta oo, bophelo ba ka bohle! Kea... Moena Wood o tsebile seo ke se ratang. O ne a sa re o tla e haha, empa o e hahile.

¹⁰ Ke bone mohaho le kaho, ke feela, oh, o a babatseha. 'Me joale mantsoe a ntšita ho hhalosa maikutlo a ka. Ha ho mokhoa oa ho etsa joalo, lea bona. 'Me, empa, Molimo o a utloisia. 'Me mang le mang a sitsetsoe liabo tsa lōna le kabelo ea lōna eohle ho fetola nqalo ena seo e leng sona, moaho ona, ho ba ntlu ea Morena. 'Me joale ke—ke batla ho bua mantsoe ana. Joale, moaho, leha koana o le motle, kahare le kantle...

¹¹ Sebare sa ka, Junior Weber, o behile litene. Ha ke bone kamoo o neng o ka feta mona, ke mosebetsi o makhethe.

¹² Moena e mong mona, ha ke eso kopane le monna eo, o noketse morero oa melumo. Empa ke eleletsoe esita le kahara moaho o bataletseng tjena, ke khona feela... Melumo ha e tlallane. Li aheletsoe siling mona, ka mekhoa e fapaneng. Ho sa tsotelehe na ke eme kae, ho a itšoanelo, lea bona. 'Me phaposi efe le efe e—e hahiloe, e noketsoe lipikara kahare, 'me le ka utloa ka mokhoa ofe le ofe. Ke, kea lumela hore letsoho la Molimo o Matlaohle le entse lintho tsena. Joale efèla...

¹³ Haeba Morena oa rōna a re file moaho ona ho Mo rapela kahare, lilemo li ka feta, mashome a mararō. Re qalile ka mokato o litsoeng ka mobu, lerôle la patsi, re ikomosa ka setofo sa khale sa mashala. 'Me rakontraka, Moena Wood, e mong oa bona, le Moena Roberson, ba mpoleletse hore lipilara, moo litofo li neng li kentsoe kahara liraftara tseo tse tšekallang, li kile tsa tuka tsa cha, maoto a mabeli kapa a mararō. Hobaneng e sa cha lore, e ne e tšeheletsoe ke Molimo feela. 'Me hoba e che, e bereletsoe joalo ke boima bohle ba tabernakele, horeng e sa hohlomela kahare, ke letsoho la Molimo feela. Joale e natlafalitsoe ka setala e theiloe holima mobu, e hahiloe e tsetletse ka matla.

¹⁴ Joale ke nahana e le tšoanelo ea rōna ho hlophisa bokahare, ka mohau oa Molimo, ho leboha Molimo hoo rōna . . . Ho se kene moahong o motle feela, empa mang le mang ea kenang kahare a bone semelo se setle sa Jesu Kreste ka ho motho ofe le ofe ea kenang. Ebe nqalo e khethetsoeng Morena oa rōna, ebe batho ba ikhethetseng hona. Hoba, leha koana moaho o le motle, re hlile rea o ananela, botle ba kereke ke boitšoaro ba batho. Kea kholoa e tla lula e le ntlu ea Molimo, ea bottle.

¹⁵ Joale, tšebeletsong ea khethelo mohla ho ne ho hlongoa lejoe la motheo sethatong, ho lhlahile pono e khōlō. E ngotsoe holima lejoe la motheo, mohla ke e khakolang hoseng hoo.

¹⁶ 'Me koana le ipotsitse, metsotso e 'maloa e fetileng, hobaneng ke liehile ho tsoa. Tšoanelo ea ka ea pele, ha ke kena kahara kereke e ncha, ke chatisitse mohlankana le mosetsana ka ofising. E be papiso, hore ke tla ba mosebeletsi ea tšepehang ho Kreste, ho hlophisetsa Monyaluoa mokete oa Letsatsi leo.

¹⁷ Joale ha re etsiseng qalong. Ha re qala khakolong ea kereke ea pele, ke le monna e mocha 'me, khele, a ka bang mashomepeli-'ngoe, mashopeli-peli mohla re hlomang lejoe la motheo. Ke pele ke chata. 'Me haesale ke batlile nqalo e makhethe, ho Molimo . . . ea Molimo ho rapela, lea bona, 'moho le batho ba Hae. 'Me hoo re ka ho finyella feela, e seng ka moaho o motle, empa re ka e finyella ka bophelo bo inehetseng.

¹⁸ 'Me joale, pele re khakola, re etsa thapelo ea khethelo, re bala Mangolo a 'maloa, ho boela re khutlisetsa kereke ho Molimo. 'Me hape ke tšoere linthoana . . . Ke tšoere Molaetsa oa evangeli, hoseng hona, ho hahela Molaetsa oa ka o tlang.

¹⁹ 'Me, bosiuung bona, ke batla ho nka khaolo ea 5 ea Tšenolo, eona e lohana 'moho, ho tloha ho—ho tloha ho mengoaha e supileng ea kereke, ho fihla ho Litiiso tse Supileng. Hoo ke . . . Ebe moo re tlang ho ba le . . .

²⁰ Mantaha bosiu e tla ba mokalli oa pere e tšoeu. Labobelio bosiu . . . Mokalli oa pere e ntšo, ho theoha joalo, bakalli ba lipere tse 'ne. Le pulo ea Tiiso ea Botšeleta.

²¹ 'Me hoseng ha Sontaha, hoseng ha Sontaha se tlang, ha Morena a ratile . . . Re tla bona hamorao, e tla tsebisoa hamorao. Mohlomong, hoseng ha Sontaha se tlang, ho tšoaroe tšebeletso ea ho rapella bakuli moahong.

²² 'Me hape Sontaha bosiu, re phethela ka . . . Morena a re thusé ho bula Tiiso ea Bosupa, ke temana e khutšoane feela. 'Me E re, "Eaba ho khutsa Leholidōng sebaka se ka etsang bohare ba hora," ea khutso eo.

²³ Joale, ha ke tsebe seo Litiiso tsena li se lekanyang. Bohlale ba ka bo fellá mona, ka tsona, joaloka lōna mohlomong hoseng hona. Re fumana motho a fepetsoe mehopolo ea tšebeletso ea bolisa, empa e ke ke ea Se ama

ho hang. 'Me haeba le ka bona, E tlameha ho tlisoa ka tšusumetso. Eka khona e be Molimo, ka Sebele, ke Eèna Ea ka e phethisang, Konyana.

'Me bosiusing bona ke Buka eo ea Topollo.

²⁴ Joale, tabeng ena, lebaka leo ke sa tsebiseng likopano tsa thapello ea bakuli, kapa lintho tse joalo, ke hobane kea... Ke lula le metsoalle e itseng, 'me motsotso o mong le o mong oa ka ke o nehela ho bala le thapelo. 'Me le tseba pono ea ka pejana ke fallela koana bophirimela, ea Mangeloi a supileng ao a tlileng a fofa. Ka hona, le tla e utloisia hamorao.

²⁵ Ka hona joale, joale, kahara moaho, ke hopola re tlamehile, kahara oona, haeba o khakoleloa morero, kapa o tla khakoloa metsotsong e 'maloa, ho khumamela Molimo, re tlameha ho o tšoara joalo. Ha rea tlameha ho reka kapa ho rekisa kahara moaho. Ha rea tlameha ho tsamaisa khoebo efe kahara odotoriamo mona. Ho se ke ha etsoa ka mona, ke hore, ntho e kang ho lumella bareri ho kena ba rekisa libuka le ntho efe. Leha ekaba eng, li teng libaka tsa ho etsa joalo. Hoba, ha rea—rea tšoanelia ho reka le ho rekisa ka ntlung ea Morena oa rôna. Eka khona ebe nqalo ea—ea ho khumama; e halalelang, e khethetsoeng morero oo. Lea bona? Joale, O re file nqalo e ntle. Ha re e khetheleng Eèna, le rôna re ikhethele, le eona, ho Eèna.

²⁶ 'Me joale ekare e batla e khohlahetse, empa, ha se nqalo ea ho etelana. Ke nqalo ea ho khumama. Ha rea tlameha le ho hoeshetsa lentsoe ka mona, haese ho khumama, e mong ho e mong, ntle leha ho hlokeha. Lea bona? Ha rea tšoanelia ho ema ka lihlopha. Ha rea tšoanelia ho matha hara moaho, kapa ho lumella bana ba rôna ho matha hara moaho. 'Me ka ketso ena, maikutlo a ka nakoana e fetileng, ka ho etsa sena, re o hahile ho o hllokomba kaofela ha oona. Joale, re o hlomile mona. Ehlide, batho ba bangata ke baeti. Batho ba tabernakele ba tseba sena, hore moaho o tlil'o khetheloa tšebeletso ea Eamatlaohle. Ka baka leo, ha re inehela, re hopole, ha re kena sanchuarling, khutse, nqa e mong, 'me le rapele Molimo.

²⁷ Ha re batla ho chakelana, li teng libaka tsa ho chakelana. Empa, le ka mohla, ho phethesela, u sa khone le ho ikutloa ha u nahana, 'me batho ba kena 'me ha ba tsebe le seo ba ka se etsang, lea bona, ke lerata le le ngata le lintho. Ke botho feela, 'me ke e bone likerekeng ka utloa bohloko haholo. Hobane, ha tle sanchuarling ea Morena ho chakelana. Mona re tlide ho rapela Molimo, re ntano ea malapeng a rôna. Sanchuari ena e khethetsoe ho rapela. Athé... U ka kantle mono, ua bua eng le eng, ha feela e lokile 'me e halalela. Le etelane malapeng a lôna. Le chakelane libakeng tse ling. Empa ha u kena monyako oo, u khutse.

²⁸ U tlide koano ho buisana le Eèna, lea bona, le ho Mo lumella ho boela a bua le uena. Bothata ke hore, re bua haholo, 'me ha re mamele ho lekana. Hape, ha re kena ka mona, le Mo emele.

²⁹ Joale, tabernakeleng ea khale, mohlomong ha ho motho le a mong mona ea neng a le teng hoseng ha letsatsi la khethelo, mohla Majoro Ulrich a neng a lets'a 'mino. 'Me 'na ke eme ka morao ho lifapano tse tharō mona, ho khethela nqalo ena. Ke ne ke sa lumelle mang... Keha liashara li eme monyako, ho bona hore ha ho motho ea buang. Haeba, u qetile ho bua kantle. O a kena. Haeba u lakatsa, ka khutso, o tle aletareng u rapele ka khutso. U khuttlele setulong sa hao, u phetle Bibele ea hao. Seo moahisane oa hao a se etsang, ke taba ea hae. Ha u bue letho. Ha u batla ho qoqa le eèna, e re, "Ke tla 'mona kantle. Ka mona ke til'o rapela Morena." U bala Lentsoe la Hae, kapa u lule ka khutso.

³⁰ 'Me, hape, 'mino. Khaitseli Gertie, ha ke tsebe le haeba a le teng mona hoseng hona, kapa che, Khaitseli Gibbs. Piano ea khale, kea kholoa, keha e eme koung ena, haeba ke hopola hantle. Ebe o letsetsa tlase, "'Moloki oa me o shoetse tlase sefapanong," 'mino o monate haholo, o iketlileng, 'me—'me, hape, hofihlela tšebeletso e qala. 'Me moetelli oa lifela a eme a etelle phutheho ka lifela tse 'maloa. 'Me haeba solo e ikhethileng e le teng, ba e bine. Empa, le ka mohla e se be khahlakhahla ea boitšaro boo. 'Me ebe 'mino o tsoelapele ho letsoa. Ha ke e utloa, ke tsebe e le nako ea ka ea ho tsoa.

³¹ Ha moreri a kena phuthehong ea batho ba rapelang, le ka tlolo ea Moea, le tlamehile ho utloa ho tsoa Leholimōng. Ke phetho. Ha ho mokhoa oa ho e thibela. Empa ha u kena hara pherekano, ke moo le uena—uena...u—u ferekane hona, le Moea o soabile; 'me ha re batle hoo, che. Re batla ho tla koano ho rapela. Re na le malapa a matle, ao ke tla bua ka oona, motsotsong feela, le lintho tse joalo; lapeng, moo re etelang metsoalle ea rōna re ba isa teng. Ena ke ntlu ea Morena.

³² Joale, bana ba teng, joale, masea a manyenyane. Joale, ha ba tsebe letho. Bao, ba fumana seo ba se batlang, feela ka ho se llela. 'Me nako tse ling ba batla metsi, nako tse ling ba hloka ho eloa hloko. 'Me ka baka leo, ka mohau oa Molimo, re hahile phaposi ea morero oo. Lenaneong, e ne e bitsoa, "phaposi ea lillo," empa e ka pel'a ka hantle. Eona, ka mantsoe a mang, ke nqalo eo bommè ba isang masea a bona.

³³ Joale, 'na ha ke tšoonyehe le ka mohla, mohlomong, 'na mona sefaleng. Nka tšoha ke sa hlokomele, tlasa tlolo. Empa batho ba teng ba lutseng haufi, e a ba hlopha, lea bona, 'me koano ba tlide ho utloa tšebeletso. Ka hona bommè ba... Lesea la hao ha le qala le tssetsela; u ka etsang. Khele, ehlide, ke e... U tlamehile, u tlamehile ho tla le lōna. 'Mè oa makhonthe o batla ho ea kerekeng le lesea la hae, 'me le tlamehile joalo.

³⁴ 'Me re na le phaposi moo u ka bonang k'hona efe le efe ea moaho, odotoriamo eohle; e kentsoe sepikara, u ka laola molumo kamoo u batlang; ho ahiloe le—le ntloana ntlheng e 'ngoe, le setšelo sa metsi, le ntho eohle ho bebofaletsa 'mè. E

kentsoe litulo le lintho, u ka lula fatše; nqalo ea ho omisa lesea la hao, haeba le hloka ho omisoa, ntho eohle e teng ka mono. E hlophositsoe eohle.

³⁵ 'Me hape, hangata, lōna bana le leng lilemong tsa bocha nako tse ling le batho ba holileng, ba tloaetse ho...Lea tseba, bacha ba ngollana, kapa ba keketeha, le eng hape, ka kerekeng. Joale, le holile ho lekaneng ho etsa joalo. Lea bona? Le tlamehile ho tseba hantle ho feta moo. Lea bona? Ha lea tšoanelia ho tla koano...Haeba u lebeletse ho ba monna tsatsi le leng, le ho holisetsa lelapa 'Musong oa Molimo, qala tšimolohong, u a bona, 'me—'me u itšoare hantle 'me u etse hantle, 'me joale, ehlide.

³⁶ Joale, liashara li ema likoung tsa meaho, le lintho tse joalo. 'Me ntho efe e hlahang, bao ba—bao ba thontsoe, ke mosebetsi oa bona, 'me literaseti li lula ka pele ka mona, ha motho a ka tšoha a sa itšoare hantle, ba hlometsoe ho khutsisa motho eo.

³⁷ Hape, haeba a sa hlomphe, ho molemo ho nea motho e mong setulo seo, hoba o teng motho ea batlang ho utloa. Motho e mong o tlie ka morero oo, ho utloa. 'Me re mona ka sepheo seo, ke ho utloa Lentsoe la Morena. 'Me mang le mang o batla ho Le utloa, 'me ba batla khutso e ka khonehang. Khutso eo ba ka e khonang; ke hore, e seng letomotomo la lerata le boitšoaro bo joalo.

³⁸ Ehlide, ho motho ea rapelang Morena, ho ka lebelloa seo. E loketse joalo. Le mona ka morero oo, ke ho rapela Morena. Feela ha u ikutloa ho rorisa Molimo, kapa ho hoeletsa, tsoelapele feela, u a bona, hoba ke morero oa hao mona, u a bona, empa, ke ho rapela Morena ka mokhoa oa hao oa ho rapela. Empa ha ho motho ea rapelang Morena a ntse a qoqa a ngola mangoloana, 'me u ntse u thusa motho e mong ho suthela hole le ho rapela Morena, u a bona, re utloa e tla be e le phoso. 'Me re batla ho e hloma e le molao kerekeng ea rōna, phuthehong ea rōna, ke hore, moahong ona, kereke ena e tla khetheloa 'Muso oa Molimo le therong ea Lentsoe. Ho rapela! Ho boka! Le tlameha ho tlela morero oo mona, ho rorisa, hape.

³⁹ 'Me ntho e 'ngoe, tšebeletso ha e tsoile, ka tloaelo batho likerekeng...Ha ke—ha ke kholoe mona, kaha...Ha ke eo ka mehla, u a bona, hoba ke ee ke tsamaee.

⁴⁰ Ka tloaelo, leha ke rera litšebeletsong tse ling, tlolo e a theoha, ho fihla lipono. 'Me ke khathetse, ebe ke kena phaposing. 'Me mohlomong Billy, kapa e mong oa banna mono, o nkisa lapeng, ho phomola nakoana, hofihlela ke iphumana, kaha e le khatello e matla haholo.

⁴¹ 'Me ebile ke bone likereke, le hona, bana ba lumelloa ho matha hohle ka hara sanchuari, 'me—'me batho ba holileng ba eme ba hoeletsana ka phaposing, e mong ho e mong. Ke hona ho senya tšebeletso ea hao e tla latela bosiu boo, kapa nako efe. Lea bona?

⁴² Hang ha tšebeletso e qhalana, tsoa odotoriamong. U qetile, ho khumama. Tsoa u qoqe le mang le mang, leha u batla ho etsa eng le eng. Ha u batla ho bolella motho taba, ho—ho ea ba etela, be, tsamaea le bona, kapa ba etele lapeng habona, leha e ka ba eng, empa u se ke ua e etsa kahara odotoriamo. Re ke re e khethele Molimo. Lea bona? Ena ke nqalo ea Hae ea kopanelo, moo re kopanang le Eèna. Lea bona? 'Me Molao o tsoa sanchuarung, ehlide. 'Me ke—ke lumela hoo ho tla khahla Ntata rôna oa Leholimō.

⁴³ 'Me ha le fihla moo, le bonang lineo li qala li tšeloa hara lôna... Joale, ka tloaelo e... Ke kholoa e sa tl'o etsahala mona; empa, batho ha ba fumana kereke e ncha, ntho ea pele lea tseba, phutheho e kena seteiseleng. Ruri ha le batle hoo. Ebile, ena ke nqalo ea ho rorisa. Ena ke ntlu ea Morena. 'Me ha lineo tsa moea li qala li theohela hara lôna...

⁴⁴ Ha ke utloisia, ho tloha ke tsamaile, batho ba teng ba keneng koano ba tsoa likarolong tse fapaneng tsa na, ho fetola lena lehae la bona. Kea leboha, ke motlotlo ho Molimo, ha e le moo, kea lumela ho re...

⁴⁵ Hoseng mohla ke ne ke khethela ke hloma lejoe leo la motheo mono, ke sa le mohlankana, ke e rapeletse ho ema hofihlala e bona ho Khutla ha Jesu Kreste. 'Me ha ke etsa joalo, keha ke namile likete tsa didolara, 'me ba... U ka phutha monehelo phuthehong e lekanang le ena u phuthe lisente tse mashome a mararo kapa tse mashome a mane, athe selekane sa rôna e ne e batla e le didolara tse lekholo le mashome a mahlano, tse makholo a mabeli ka khoeli. Ebe ke ne ke tla e khona joang? Ke ne ke tseba hore kea sebetsa, hore nka e lefa kaofela. Ke... Ke alositse lilemo tse leshome-supá ke sa nke le sente e le 'ngoe, empa ka nehela sohle, le 'na ka sebele, haese ho iphelisa; 'me tsohle tse kenang lebokosaneng le ka morao, tsa khetheloa 'Muso oa Molimo.

⁴⁶ 'Me batho ba porofeta ba lepa ho thoe nakong ea selemo e tla fetoha karache. Satane o lekile ho re khothotsa eona ka phoso, ka qoso ka molao. Monna o tlalehile a lemetse leoto a ntse a sebetsana le eona, a ntano e tlohela, 'me eaba... o qosa a batla ho ikhapela tabernakele. 'Me eaba ke ema temeng liveke. Empa hara lipherekano tsohle le bolepi, le seo ba se buileng, kajeno e eme e le e 'ngoe ea diodotoriamo tse ntle le likereke tse khabane United States. Ke hantle.

⁴⁷ Mona ho tsoile Lentsoe la Molimo o phelang, le tlohileng la pota lefatše, u a bona, lefatše ho pota; 'me esale Le potoloha pitikolo, ho ea sechabeng ka seng tlasa Leholimō, ho latela tsebo ea rôna, ho pota le ho pota lefatše. Re lebohe sena. Re be motlotlo ka sena.

⁴⁸ 'Me joale re fumane nqalo ea bolulo, marulelo tlasa hlooho ea rōna, ke kereke e hloekileng, e ntle ho lula kahara eona, re ke re ikhethele mosebetsi ka bocha, 'me re inhele ho Kreste.

⁴⁹ 'Me Moena Neville, moena oa rōna ea khabane, ke molisa oa makhonthe, mohlanka oa Molimo o phelang. Monna eo o boloka Molaetsa, kamoo a O tsebang, ka bokhoni ba hae bohle. Ke hantle. Ke motho ea mosa. O batla a tšaba ho . . . Kapa, ha a tšabe; ha ke rialo. Empa o tjena, o mosa haholo, ha a bue, lea tseba, joaloka ka ho—ho bua a kharuma kapa a khalema, kapa, "Lula fatše," kapa, "Khutsa u re tu!" Ke—ke lemohile seo, 'me ka mamela liteipi ka motšeо.

⁵⁰ Empa ekare 'na kea khona. Ka hona ke—ke . . . 'Me ke—ke batla le hopole mantsoe a ka, lea bona. 'Me taba ena eohle e a hatisoa, lea bona. Ntho efe le efe e a hatisoa. 'Me, motikone ofe le ofe a eme temeng ea hae, hleng, 'me le hopole hoba le tlasa thomo e tsoang ho Molimo, ho baballa tema eo ka khalalelo. Lea bona? Teraseti efe le efe, ho a tšoana. Molisa o tlameha ho hlahisa . . .

⁵¹ Ha se tšoanelo ea molisa ho rialo. Ke literaseti . . . kapa, ke bolela batikone, kaha e le mapolesa a kereke. Ke hore, ha bacha ba fihla ka ntle ba letsa lihutara, 'me, lea tseba, ka tloaelo ea bona, leha e ka ba ntho e kang eo, likopanong, kapa ba tsoela ka ntle mono. Athe 'mè o rometse ngoana oa hae koano, 'me ke eo o thoba le setlokotsebe sa moshanyana, ba mathaka mona ka koloi, athe 'maè o nahana hore o kerekeng, joalo. Motikone o tlameha ho e hlokomela. "U kena kahare ka mona u lula fatše, ho seng joalo ke tla u nka ka koloi ea ka ke u khutlisetse hae ho 'mè oa hao." Lea bona? Lōna, le tšoanelo ho etsa joalo.

⁵² Le hopole, lerato ke tokiso, lea bona, ka mehla. Lerato la makhonthe ke tokiso, u tlameha ho emela tokiso. 'Me, bommè, joale lea tseba hore nqalo ea masea a lōna e teng. Bana ba tseba hore ha ba tšoanelo ho matha hohle ka moahong. Lea bona? 'Me lōna batho ba holileng le tseba hantle ho se qoqe le meqoqo ea lōna ka hara odotoriamo. Lea bona? Le se ke la etsa joalo. Ho phoso. Ha e khahlise Molimo.

⁵³ Jesu o itse, "Ho ngoliloe ho thoe, ntlu ea Ka e tla etsoa ntlu ea thapelo, ho rapela. E bitsoa joang ntlu ea thapelo joalo, ke lichaba tsohle!" Athe ba ne ba reka ba rekisa, eaba O loha liphali a leleka batho a ba ntša odotoriamong. 'Me ruri ha re batle ho etsa joalo sanchuarung ena mona. Ka baka leo, ha re khetheleng maphelo a rōna, kereke ea rōna, litema tsa rōna, tšebetso ea rōna, le sohle sa rōna, 'Musong oa Molimo.

⁵⁴ Joale, joale ke batla ho bala Mangolo a 'maloa pele re hlahisa thapelo ea khethelo. 'Me—'me, ebile, ke khethelo bocha feela, hobane khethelo ea makhonthe e entsoe lilemo tse mashome a mararo tse fetileng. Joale ka hara e . . . Ebile, hape re—re bala Lengolo lena re bua ka Lona metsotso e 'maloa, ke tšepa Molimo a tla re theolela mahlohonolo a Hae.

⁵⁵ 'Me joale ke ne ke batlile ho bua taba e 'ngoe. E. Re ne re tloaetse ho hloma lihatisi, le lintho tse joalo, re na le phaposi ea tloaelo mono, ea bao ba batlang ho hatisa. Likhokahano tse ikhethang li teng, le ntho eohle mono, li tsoa maekrofonong oa sehlooho ka kotloloho, ka mono.

Liphaposi li teng, liaparo, ntho eohle e etselitsoeng tšebeletso ea kolobetso.

⁵⁶ 'Me ntho e 'ngoe, ke khopisitse batho ba bangata, batho ba bangata ba sa tsebeng Lengolo hantle, ka ho hloma sefapano ka hara kereke. Ke hopola mohla ho hlahileng ntho mona mabapi le hoo. Ke hlomme lifapano tse tharō, eaba moena o haroha letsoalo kaha a utloile bolumeli bo bong bo re sefapano se lekanya Katolike.

⁵⁷ Ke batla moithuti ea itseng, kapa motho, kapa Mokreste ea tsoetsoeng labobel, ea reng Makatolike a na le khetho holima sefapano. Sefapano sa Kreste ha se tšoantše Bokatolike. Se tšoantša Molimo, 'Muso. Joale, bahalaleli ba tšoantša Bokatolike. Re lumela ho "Muelli a le mong lipakeng tsa Molimo le motho, 'me ke Kreste." Empa Makatolike a lumela babuelli ba mefuta, likete tsa basali le banna, le ntho eohle; Mokatolike ofe ea lokileng, boholo, ea shoang, o fetoha moemeli. Joale, sefapano sa Kreste se tšoantša Jesu Kreste.

⁵⁸ Ana le tsebile hoba Bakreste ba tšimoloho, ho latela e—e histori ea khaleng ea kereke ea tšimoloho, ba ne ba jara lifapano mekokotlong ea bona, hohle moo ba eang teng, ho bontša le ho itšupa e le Bakreste? Joale, Makatolike a re e ne e le bona. Ehlide, ba ipitsa ba ho qala, empa esita le kereke ea Katolike e ne e eso hlaphisoe mohlang oo. Lea bona? Empa Bakreste ba ne ba jara lifapano holima... Le utloile batho ba re, "fapamokokotlo." Na ebe hoo le ho bitsa Katolike?

⁵⁹ Ke eona katolike ea makoma, Kereke ea Moea o Halalelang e ka lefatšeng lohle, ke 'nene. Rōna re katolike. Re katolike ea mantlha, katolike e lumelang Bibele. Lea bona? Bona ke bona kereke, Katolike, mokhatlo. Rōna re lokolotsoe mono. Rōna re ntšetsopele ea Thuto ea baapostola. Rōna re ntšetsopele ea kolobetso ea Moea o Halalelang le tsohle tseo Kereke ea tšimoloho e neng e li emetse, 'me kereke ea Katolike ha e na letho la tse joalo. Lea bona?

⁶⁰ Ka baka leo, ba hlomme sefapano mona, se tlisitsoeng, se renngoeng sefateng sa mohloaare seo Jesu a rapetseng tlasa sona. Ke sefapano se kileng lilemo, ke se filoe ke Moena Arganbright. 'Me ke batla ho se khakola le kereke ena 'moho.

⁶¹ 'Me se hlile sea tšoaneleha, ke hore, motho ea se fehileng mono. Ha ke mo tsebe, ea se fehileng ho la ka—la ka le letšehali. O tšoaretse sesenyi se letsohong la Hae le letona; ke 'na eo.

⁶² 'Me hape se lekanya sena, hlooho ea Hae e kebisitsoe, le bona mahlomola a Hae. Batho bafe feela ba...Se okametse aletare. 'Me O u emetse mona, moetsalibe, 'me O tla be a u shebile. Hamorao ba tla hloma leseli mona, etlere ha aletare e bitsoa, leseli le tla tšoelima holima sona, e tle re ha batho ba tlide koano ho...

⁶³ U re, "U se hloka kang? Ha u a tšoanelo ho hloma setšoantšo."

⁶⁴ Be, hape, oona Molimo o itseng, "U se ua iketsetsa litšoantšo tse betliloeng," ke Molimo o itseng, "U betle likerubime tse amanang ka mapheo, u li behe holima setulo sa mohau moo batho ba rapelang."

Lea bona, ke—ke, ka ho hloka kutloisiso. Lea bona?

⁶⁵ Ka hona, se susumelitsoe 'me se fanyehiloe malulong a sona a nèpileng. 'Me ke leboha haholo ho ba ea letsohong le letona. Kea khlooa O ntšoaretse, hoba 'na, mabapi le ho utsoa ntho efe, ho latela tsebo ea ka, ha ke eso etse joalo bophelong ba ka; empa ke sebelisitse nako ea Hae ka phoso 'me ke utsoitse ke hona. 'Me ke entse lintho tse sa ntšoanelang. 'Me ke motlotlo ho Molimo, hoseng hona, haele moo A ntšoaretse libe tsa ka.

⁶⁶ Joale ke batla ho bala Buka ea Pele ea Likronike 17, ke bue metsotso e ka bang mehlano feela ka tšebeletso ea khethelo, ho rapela, re ntano kena Molaetseng. Joale, ho Likronike tsa Pele, e—e khaolo ea 17.

Itseha Davida, a se a kene tlung ea hae, Davida a re ho moporofeta Nathane, Bona hle, 'na ke ahile tlung ea kedare, athe areka ea selekane sa MORENA e lutse tlasa masela.

Nathane a re hoDavida, Etsa ka tsohle tse ka pelōng ea hao; hobane MORENA o na le uena.

Bosiung bona boo, lentsoe la MORENA la tlela Nathane, la re,

Tsamaea u bolelle mohlanka oa ka Davida... Tsamaea u bolelle Davida mohlanka oa ka, (ke rialo), MORENA o re, Hase uena u tla nkhahela ntlu eo ke tla lula ho eona:

Athe ha ke eso lule tlung haesale ke nyolla Iseraele ho fihlela joale; ke mpa ke 'nile ka tsoa tenteng e 'ngoe ka kena ho e 'ngoe, ka tloha tulong se seng ka kena ho se seng.

Haele moo ke tsamaileng hammoho le Baiseraele bohle, na nkile ka bolela taba leha e le 'ngoe ho e mong oa baahloli ba Iseraele, bao ke ba laetseng ho lisa sechaba sa ka, ka re, Na ha le nkhahele ntlu...keng?

Joale bolella... Davida o re, Ho itsoe ke MORENA oa makhotla, ke ne ke u late merakeng, kamora linku, hore ke u bee motsamaisi oa sechaba sa ka sa Iseraele:

Ke 'nile ka ba le uena kae feels moo u tsamaileng teng, ke bile ka felisa lira... tsa hao pela hao, 'me ka u etsetsa lebitso le leholo le kang lebitso la... baholo ba leng teng lefatšeng.

⁶⁷ Ke rata ho bolela, tulong ena, hore—hore Davida o bone seo re se boneng. Davida o itse, “Hase hantle ha le nkahetse ntlu ea kedare, athe areka ea selekane sa Molimo oa ka esale e lutse tlasa masela.” E ne e le matlalo a rokiloeng hammoho, a linku le a liphoofolo. O itse, “Hase hantle hore ke fuoe ntlu e ntle, athe areka ea selekane sa Molimo oa ka le joale e lutse kahara tente.” Ka hona, eaba Molimo o bea pelöng ea hae ho haha tabernakele.

⁶⁸ Empa, Davida, e leng e—e monna oa—oa lerato le oa boineelo ho Molimo, koana o kile a tšolla mali a mangata. Eaba o re... Davida, a bolela taba tsena pontšeng ea moporofeta oa mongoaha oo, eëna e le Nathane. ’Me Nathane, o tsebile hore Molimo o ratile Davida, a re, “Davida, etsa tsohle tse pelöng ea hao, hobane Molimo o na le uena.” Polelo e kakang! “Etsa tsohle tse pelöng ea hao, hobane Molimo o na le uena.” Ka bona bosiu boo... Ho supa boineelo ba Davida nqa lerato la Molimo.

⁶⁹ ’Me hape ho bona, ka bona bosiu boo, o tsebile hore o phoso, hore ha a lumelloa hona, mohau oa Molimo oa lekana ho theoha a bua le Nathane. ’Me esale ke rata mantsoe ana, “Ea bolella Nathane oa Ka... Ea bolella Davida mohlanka oa Ka, o re, ‘Ke ne ke u late merakeng.’” Feela, e ne e se letho.

⁷⁰ ’Me ke—ke rata ho bapisa mona, motsotso feels. “Ke u latile u se letho, eaba Ke—Ke—Ke u etsetsa lebitso. Lebitso la hao le tšoana le banna ba baholo ba lefatše.” Ke rata ho e bapisa ka tsela—ka tsela e mofuthu, morero e le—e le ho taka ntlha e itseng. Ke ne ke nahanne... .

⁷¹ Lilemo tse ’maloa tse fetileng, mohla ke emeng tlase mona motseng, ke sa natsoe ke motho. Ke sa ratoe ke motho. Athé ke ne ke rata batho, feels ke sa ratoe ke motho, ka baka la motheo oa lelapa. Ha ke hlompholle ’mè le ntate baratuo bao ba ka.

⁷² Ke lakalitse hakakang hola ’mè a phela ’me a ka kena sanchuarung ena, hoseng hona. Mekaubere e mengata e thusitseng ho neela chelete ea bona ho e haha mona, mohlomong Molimo, hoseng hona, a ka ba lumella ho nyarela holima lerako.

⁷³ Empa lelapa la Branham le hlokile lebitso le letle tikolohong ena, ka baka la botahoa. Motho mang a sa batle ho amana le ’na. ’Me ke hopola ke bolella mohatsa nakoana e fetileng, ka hopola hore ke—ke ne ke sa khone ho qoqa le motho. Ke sa natsoe ke motho. ’Me joale ke tlameha ho ipata, ho phomola nakoana.

⁷⁴ 'Me joale Morena o re file tulo e ntle ena e khōlō, le—le lintho tse khōlō tsena tseo A li entseng. 'Me O mphile e . . . Kathoko ho e—e lebitso le lebe, O nketselitse lebitso le kang la banna ba bang ba baholo. 'Me O khaotse lira tsa ka hohle moo ke ileng teng. Ha ho letho le khonneng ho ema pela Lona, hohle moo Le ileng teng. Empa, 'me ke motlotlo hakakang kahoo.

⁷⁵ Ke tsebile joang; mohlang oo ke sa le moshanyana ea matamuke holimo mona, liboloko tse peli kapa tse tharō ho tloha mona, ke kena Ingramville School, ke fetotsoe motlae oa sekolo, ka baka la maharasoa, 'me ke thellisa letšeng la khale? Ke ne ke tla tseba joang hore tlasa letša leo ho robetse peō e ka thunyang hakana ea mohalalitoe? Ke tla tseba ka'ng, hore, koana leha motho a sa qoqe le 'na, empa O tla 'nketsetsa e—e lebitso le tla hlomphuoa hara batho ba Hae?

⁷⁶ 'Me, joale, Davida ha a ka a lumelloa ho haha tempele. O ne a ka sitoa. Empa O itse, "Ke tla hlaha Peō kamora hao, ke eona e tla haha tempele, 'me tempele eo e tla ba tempele ea kamehla. 'Me holima mora oa hao, mora oa Davida, ho tla theoa 'muso o sa feleng; o tla busa." Solomone, mora oa Davida ka nama, ea tsoang matleng a nama ea hae, o hahetse Morena ntlu, tempele.

⁷⁷ Empa mohla ho fihlileng Peō ea makoma ea Davida, Mora oa Davida, O itse ho bona nako ea tla eo ho sa tlo ho lesoa lejoe le leng holima le leng, la eona tempele eo. Empa eaba O leka ho ba supisa tempele e 'ngoe.

⁷⁸ Johanne, mosenoli, koana Bukeng ea Tšenolo, o bone Tabernakele ena. Tšenolo 21, o bone, "Ho hlaha Tempele e ncha, e theoha Leholimōng, a itokisitse joaloka monyalua ea itlhophiselitseng molekane oa hae. Puo ea tsoa Tempeleng, e re, 'Bonang, Tabernakele ea Molimo e hara batho, 'me Molimo o tla aha le bona, 'me ba tla hlakola meokho eohle mahlong a bona. Ha ho sa tla ba tlala, ha ho sa tla ba masoabi, ha ho sa tla ba bohloko kapa lona lefu; hobane tsa pele li fetile.'"

⁷⁹ Mora oa 'nete oa Davida, kamoo re tla bona lithutong tse tla latela vekeng ena, o tla tla Tempeleng ea Hae, e leng Tempele ea Molimo, Tabernakele ea 'nete eo A ileng ho e haha hona joale. Hobane, O boletse, ho Johanne 14, "Meaho e mengata ka Tlung ea Ntate oa Ka, 'me Ke tla ea . . ." O ne a lekanya eng ka hoo? E ne e reroepele. "Me Ke tla ea le lokisetsa Bolulo, ke khutle, ho tla le amohela ho 'Na." 'Me, ehlile, rea tseba oo e tla be e le Mongoaha o moholo o tlang. 'Me Peō ea 'nete ea Davida e tla lula Teroneng, e leng Jesu Kreste, 'me a buse Kereke, joaloka Monyalua oa Hae, 'moho le Eèna kahara Ntlu, le holima meloko e leshome le metso e 'meli ea Israele, ka Bosafeleng bohle.

⁸⁰ 'Me linqalo tse nyenyane tsena; joaloka Davida, ea sa khonang ho haha Tabernakele ea Molimo ea makhonthe, hoba

a ne a sa itokisetsa ho e etsa. A ke ke a etsa letho. E le motho ea shoang, a bile a tšolotse mali. Le kajeno ho a tšoana, ho rōna, ha rea hlophisetsoa ho haha Tabernakele ea Molimo ea makhonthe. O Mong feelsa ka e khonang, 'me E ntse E hahuoa hona joale.

⁸¹ Empa tabernakele e nyenyane ena, hammoho le tempele eo Salomone a Mo hahetseng eona, le tse ling, ke linqalo tsa ho rapela nakoana ho fihlela Tabernakele ea 'nete e hlongoa holima lefatše. "Me ba lokileng ba tla busa ho tloha sepakapakeng ho isa sepakapakeng seng. 'Me masoabi ha a sa tla ba teng." Ha ho sa tla reroa mapato kahara Tabernakele eo. Ha ho sa tla tšoaroa machato, hobane Lechato e tla ba Lechato le leholo la Bosafeleng. E tla ba nako e kakang eo!

⁸² Re mpe re ikemisetse pelōng ea rōna, kajeno, sehopotsong sa Tabernakele e khōlō eo re e emetseng ho hlaha, hore ka Moea oa Hae re tla ikahele semelo, hore re tla rapela nqalong ena eka hojane re le kahara Nqalo e 'ngoe eo, re sa emetse Nqalo eo ho fihla.

⁸³ Joale ha re emeng ka maoto a rōna, ke sa bala Mongolo o Halalelang.

*Eaba ke bona maholimo le lecha le lefatše le lecha:
hobane leholimo la pele le lefatše la pele a ne a fetile;
le lona leoatle a ne a se a le sieo.*

... 'na Johane ka bona motse o halalelang, eona Jerusalema e mocha, o theoha ho Molimo leholimōng, o itokisitse joaloka monyaluoa ea itlhophiselitseng monna oa hae.

*Ka utloa lona... lentsoe le phahamileng le etsoa
leholimōng le re, Bonang, tabernakele ea Molimo e
hara batho, 'me o ea lula le bona, e tla ba lichaba tsa
oona, 'me Molimo o tla ba le bona ka sebele sa oona, e
be Molimo oa bona.*

Ha re inamiseng lihlooho tsa rōna joale.

⁸⁴ Ntata rōna oa Leholidō, re eme re hloletsoe. Re eme ka hlompho le ka tšabo e Halalelang. 'Me rea U kopa, Morena, ho amohela mpho ea rōna, haele moo U re file mohau, chelete, ho U lokisetsa nqalo ea ho rapela. Ha ho letho, kapa ha ho nqalo eo re ka e hlophisang holima lefatše, eo e—e Moea oa Molimo o ka bang le tokelo ea ho aha ho eona. Empa sena re se nyehela Uena e le sesupo sa lerato la rōna le maikutlo nqa ho Uena, Morena. Re U leboha ka lintho tsotle tseo U re etselitseng tsona.

⁸⁵ 'Me, joale, moaho le litša li ne li khetheloe khale koana, tšebetsong ena, 'me re U leboha ka mehopolo e fetileng. 'Me joale, Morena Molimo, kamoo pono e bontšitseng, lilemong tse fetileng, li hlalosa sena, ke bone meaho ea khale eo batho ba kileng ba kena ho eona, 'me e ne e lokisitsoe e nchafalitsoe, eaba ke rongoa ho khutlela mose oane oa noka.

⁸⁶ Joale, Morena Molimo, Mohloli oa maholimō le lefatše, re eme re le batho ba mohlape oa Hao. Re eme re le—le—le—le batho ba 'Muso oa Hao. 'Me 'na, le molebeli, le kereke, le batho, nqalo ena re e khethela tšebeletso ea Molimo o Matlaohle, ka Lebitso la Jesu Kreste, Mora oa Hae, bakeng sa tšebeletso ea Molimo, le bakeng sa tšabo le hlonephō ho Molimo. 'Me Evangelī e phalle etsoa nqalang ena ho fiħlela E qositse lefatše ho tsoa ka likħutlo tse 'ne tsa phikoloho, ho tla bona Khanya ea Molimo e tsoang ho sona. Joalokaha U entse mehleng e fetileng, bokamoso bo menahane hangata ho feta.

⁸⁷ Ntate, joale re ikhethela tšebeletso, ka Lentsoe, ka sohle se ahileng ka ho rōna. Morena, phutheho le batho, ba ikhethela hoo le bona, hoseng hona, ho utloa Lentsoe. 'Me rōna, joaloka bareri, re ikhethela, "Ho bolela Lentsoe; nako e tšoanelā, leha e sa tšoanele; ho khalema, ho laea ka mamello eohle." Joalokaha ho ngoliloe mono holima lejoe la motheo, lilemong tse mashome a mararō tse fetileng. U itse, "Nako e tla ba teng eo batho ba ke keng ba mamella Thuto ea pholoh, empa ba tla ipokella baruti, ka baka la ho hlochlona litsebe tsa bona; 'me ba tla khelosoa 'Neteng, ho isoa litšomong." Morena, re lekile ho tšoara Lentsoe ho le tlisetsa batho, re ke re bululeloe re natlafatsoe ka boikitlaetso bo menahaneng habeli. Morena, ereha karolo tse peli tsa Moea li theohela holima nqalo ena, Moea o Halalelang o ke o . . .

⁸⁸ Joaloka mohla khethelo ea tempele, mohla Salomone a rapelang; Moea o Halalelang, ka sebolepho sa Topallo ea Mollo le ea Leru, o kene monyako o kapele, oa potela kamorao ho Likerubime, oa fetela Nqalang e Halalelang eaba O phomola teng. Oho Molimo! Salomone o itse, "Etlereha batho ba Hao ba kene mathateng nqa efe, ba sheba Nqalo e Halalelang ena ba rapela, u tle u ba utloe u le Leholidōng."

⁸⁹ Morena, a Moea o Halalelang, hoseng hona, o kene pelōng efe le efe, holima moea ofe le ofe o nehetsoeng ka mona. 'Me Bibebe e boletse, ha thoe, "Khanya ea Molimo ea eba khōlō basebeletsi ba ba ba sitoa ho sebeletsa, ka baka la Khanya ea Molimo." Oho Morena Molimo, e ke e iphete re sa inehela Uena, 'moho le kereke, tšebeletsong ea khethelo. 'Me ho ngoliloe ho thoe, "Kopang, 'me le tla fuoa."

⁹⁰ 'Me re inehela, 'moho le monehelo oa kereke, hoseng hona, ho Uena, bakeng sa tšebeletsong, bakeng sa Maseli a letsatsi la morao, bakeng sa Maseli a nako ea mantsiboea; hore re tle re tlise matħeliso le tumelo ho batho emeng ba shebeletse ho Khutla ha Monyali, ho apesa Monyalua ka Evangelī ea Kreste, ho amoheloa ke Morena Jesu. Re nehela sena, le 'na ka bona, Moena Neville, le phutheho, tšebeletsong ea Molimo, ka Lebitso la Jesu Kreste. Amen.

Le ka lula fatše.

⁹¹ Davida o itse, “Ka thaba ha ba itse ho ’na, ‘Ha re eeng ka tlung ea Morena.’” ’Me ho be joalo ho rōna, hore, etlere ha ho thualo, re tla thabela ho phuthehela tlung ea Morena. [Phutheho e re, “Amen.”—Mong.] Amen.

⁹² Joale, ka mora tšebeletso e nyenyane ea khethelo, ke na le hora joale.

⁹³ ’Me, joale, le hopole joale seo re khakoletsoeng sona; tšabong, khalalelong, khutsong pela Morena, ho rapela ka pela Morena. Le apare hlompho eo le ka e khonang, ka tlung ea Morena. ’Me, joale, ’me ha tšebeletso e qhalana, hang feela ha tšebeletso e tsoile, le tsoe mohahong. Lea bona? ’Me hoo ho fa mohlokomeli nako ea ho kena le ho e hloekisetsa khetlo le latelang, le ho hlophisa. ’Me ha ho pherekano ka tlung ea Morena. ’Me...?...’Me kea kholoa lōna... nqalo e tla be e hlekehile metsotsong e leshome-hlano ka mora tšebeletso. Le kholisehe ho ba mosa ruri. Le tsukutle matsoho a e mong le e mong, le meme mang le mang ho boela a khutla.

⁹⁴ ’Me—’me re lebeletse, veke e tlang ena joale, e ’ngoe ea litšebeletso tse mahlonoko tse kileng tsa tšoaroa kahara tabernakele. Re e shebeletse. Joale, ke—ke...e ne eso ntlhakele hofihlela ntho...nako e telele, nako e se e tsamaile, lihoreng tsa morao maobane bosiu, thapeleng, eaba ke qala ke bona ntho e ’ngoe. Ka hona, ke kholoa e tla ba nako e khōlō, ke kholoa e tla ba eona, ha Morena a ka re thusa. Joale, joale, eitseha ke re, “nako e khōlō,” joale, ke tlil’o bua taba ka seo, hoseng hona. Lea tseba, seo motho a reng se “seholo,” ka linako tse ling ha se seholo. Empa seo Molimo a reng se “seholo,” motho o se bitsa bothoto; ’me seo Molimo a se reileng “bothoto,” motho o se bitsa se seholo. Ha re hopoleng ke hona, bea Lentsoe ka leng sekaleng.

⁹⁵ Joale, litšebeletso li telele. Li tla huloa, hobane ke tšebeletso e thata, ke thuto e ngata, boineelo. ’Me ke sa tsoa...

⁹⁶ Moo ke lulang teng, batho ba leka feela, ba batla ho mphepa eng le eng, empa...Ho itsoe, “Be, ’mele oa hao o theohile haholo, Moena Branham, ntho e ’ngoe le e ’ngoe.” Empa ke tšebeletsong kamehla. Ke tlameha ho tloha mona bosiu ba Sontaha se tlang, ho finyella e ’ngoe ka potlako, hang ka potlako, koana Meksiko. Ka hona, ke ntho e thata. Ka hona, empa ke ntse ke leka ho tēla ho ja haholo, ’me—’me ke ntse ke itlhophisa.

⁹⁷ ’Me ke thabile, hoseng hona, ho bona Moena Junior Jackson, le—le Moena Ruddell, le—le bareri ba fapaneng, le ba joalo, ba leng teng. Molimo a le hlohonolofatse bohle.

⁹⁸ Joale ke—ke batla ho—ho bua le lōna hoseng hona ka sehlooho seo ke ngotseng lintlha tsa sona fatše mona. ’Me ke batla ho bala pele Bukeng ea Esaia, khaolo ea 53. Joale, ha le sa phetla, ke batla ho etsa tsebiso, kapa tse peli.

⁹⁹ Ke hore, bosiung bona, ke batla ho bua ka Buka *ena*, ho E hlamelia lipakeng tsa mongoaha oa kereke ea ho qetela ho fihla pulong ea Tiiso. Joale, ho na le sekheo se sephara mono.

¹⁰⁰ 'Me, pele, mohla ke ne ke qeta mengoaha ea kereke, ke buile hape mono ka liveke tse mashome a supileng tsa Daniele, tse e hlahlamang hang, hobane li tlamañane kahare. 'Me eaba ke re, "Joale, ha nka tšoarana le Litiiso tse Supileng, ke tlameha ho qeta ka liveke tsena tsa Daniele tse mashome a supileng pele, hore li tlamañane le Litiiso." Eaba ho sala ntho e le 'ngoe e bulehile, eona e le khaolo ea 5, e mabapi le Buka e Tiisitsoeng Hasupa. 'Me re tla tšoarana le eona bosiung bona.

¹⁰¹ Re batla ho leka ho qala pejana bosiung bona. Le reng ka... Le se le buile ka eona, ha ke re, ho qala pejana nakong? [Moena Neville o re, "E."—Mong.] Le reng, le ka fihla mona ka bo supa? [Phutheho e re, "Amen."] Ho lokile. Ha re qaleng tšebeletso ea tlaoaelo ka halofo ka mora tšeletela, tšebeletso ea lipina, 'na ke tla fihla mona ka ea bosupa. 'Me hara veke re tla qala pejana ho nako. 'Me—'me rōna, joale, re tlela...

¹⁰² Ha ho batho ba ratang ho bina joaloka Bakreste. Re rata 'mino. Re rata lintho tseo.

¹⁰³ Empa joale re—re kena nthong e 'ngoe joale. Re—re kahara Lentsoe, lea bona, ka baka leo ha re—ha re luleng Nthong eo joale. Re tla etsa joalo. Rea—rea ruta. 'Me le eleloa khatello ea ka, lea bona, hobane, ha nka ruta phoso, ke tla lokela ho ikarabella. Lea bona? Ka baka leo ha kea lokela ho nka se buang ke motho. Ke tšoanel... E tšoanetse ho tla ka tšusumetso. 'Me kea lumela Mangeloi a Supileng, A tšoereng Lialuma tse Supileng tsena, a tla e aba. Lea bona?

¹⁰⁴ 'Me joale ho Esaia, khaolo ea 53 ea Esaia, temana ea 1, kapa tse peli. Ke batla ho botsa potso ena.

¹⁰⁵ Joale, taba ena ha e amane le Litiiso tse Supileng, ho hang. Ona ke Molaetsa feela. Hobane, ke tsebile hore ke tla tšoara khakolo, 'me ke ne sa tlo khona ho kena nthong Eo kaha ke ne ke sa tl'o fumana nako. Empa ka nahana, bakeng sa tšebeletsonyana ea khethelo, tšebeletsonyana ea sehopotso ho kereke ena, kapa tšebeletsonyana ea khethelo, ke rialo, ba—ba ka... nka hloka nako ea ho kena ho seo ke batlang ho se bua, lea bona, pulong ena ea Buka ena, ke tla etsa joalo bosiung bona. 'Me joale ena ke tšebeletsonyana feela, ke hore, e—e tla tlamañana le Eona hantle, leha ho le joalo.

¹⁰⁶ Ka hona, joale, mamelang Lentsoe ka leng. Le Le tšoare. 'Me—'me haeba le E qotsa liteping, kapa nthong efe, joale u tsepame le Thuto ea teipi eo. Se bue letho haese seo teipi e se buang. Bua hantle feela seo teipi e se buang. Lea bona? Joale, hobane, lintho tse ling tseo, re tla utloisia tse ngata hona joale, hobaneng E utloisisoa ka phoso. Lea bona? 'Me le kholisehe, ho bua feela seo teipi e se buang. Se bue letho le

sele. Lea bona? Hobane, ha ke E bue ka bona. Ke Eèna ea E buang, lea bona. 'Me hangata, pherekano, batho ba hlah 'me ba re, "Be, *Sekete-kete o itse E bolela hore-le-hore.*" E tlohele feela—feela kamoo E leng kateng.

¹⁰⁷ Lea bona, le Bibele re e batla e le joalo. Hantle feela kamoo Bibele E buang kateng, re E batla e le joalo, feela—feela ka mokhoa Oo. U se ke ua itlhalosetsa Eona. E se e hhalositsoe, u a bona. Joale:

Ke mang ea lumetseng seo re se bolelang? 'me letsoho la MORENA le bonahetse ho mang?

¹⁰⁸ Ha nke ke boele ke e bale joale, ka hlokomelo.

Ke mang ea lumetseng seo re se bolelang? (Potso!) 'me letsoho la MORENA le bonahetse ho mang?

¹⁰⁹ Ka mantsoe a mang, "Haeba u lumetse seo re se bolelang, letsoho la Morena le senotsoe." Lea bona?

Ke mang ea lumetseng seo re se bolelang? 'me letsoho la MORENA le bonahetse ho mang?

¹¹⁰ Joale ke boetse ke batla ho bala Bukeng ea Evangelii ea Mohalaleli Mattheu, khaolo ea 11 ea Mohalaleli Mattheu. 'Me, joale, le tle le tšoere lipampiri tsa lõna le linthro, hobane khafetsa re a... Ha u sa tšoara sehatisi, u—u tle u tšoere... pampiri ea hao re tle re khone ho e tšoara. Khaolo ea 11 ea Mohalaleli Mattheu, litemana 25 le 26, 11:26 le 27. Ho lokile, Jesu o bua, thapelong. Ke batla ho qala pejana ho moo. Ha re e etseng temana ea 25 le ea 26. Kea kholoa ke lona leo ke le tsebisitseng, leha ho le joalo, kaha ke le tšoaila Bibeleng ea ka mona.

Nakong eo Jesu a bua a re, Kea u rorisa, Ntate, Morena oa leholimo le oa lefatše, hobane taba tsena u li patetse ba bohlale le ba masene, 'me u li koaholletse ba banyenyane.

E, Ntate ho joalo: hobane ke kamoo u ithatetseng kateng.

¹¹¹ Le tšoare Mangolo a mabeli ao. "Ke mang ea lumetseng seo re se bolelang? 'Me letsoho la Morena le bonahetse ho mang?" "Eaba Jesu o leboha Molimo haele moo liphiri A li patetse ba bohlale le ba masene, 'me a li senolela masea a batlang ho ithuta, hobane ho khahlile Molimo." Joale, ho tsoa therong ena, kapa con-...

¹¹² Ho tsoa palong ea Lengolo lena, ke rala therou ena: *Molimo O Ipata Ka Ho Nyatseha, A Ntano Itšenola Ka Ho Tšoana.* Joale, ke lula ke e pheta molemong oa liteipi, molemong oa liteipi, lea bona, hoba ba—ba ntse ba O hatisa. Lea bona? *Molimo O Ipata Ka Ho Nyatseha, A Ntano Itšenola Ka Ho Tšoana.*

¹¹³ Ho a makatsa ho nahana hore Molimo o ka etsa ntho e joalo. Molimo o Ipata ka nthoana e nyatsehang hoo ba bohlale

ba e fosang ka milione oa limaele; a ntano hlanoha hantle, ka eona ntho eo, nthoana e nyatsehang e tlang ka ho nyatseha ha tsela ea Hae ea ho sebetsa, ebe O itšenola hantle hape. Ka hopola e tla rala e—e therō, eo re ka e lekolang pele re kena ho—ho—ho Thuto e khōlō ea Litiiso tse Supileng. Ba bangata ba Mo fosa kamoo A Itšenolang kateng.

¹¹⁴ Joale, banna ba tšoere mehopolo ea bona ka seo Molimo a tlamehang ho ba sona le seo Molimo a tlang ho se etsa. Ke khafetsa ke etsa tlhahiso ea khale, ho thoe, motho esale motho. Motho kamehla o rorisa Molimo ka seo A se entseng, 'me kamehla o shebile seo A tlang ho se etsa pele koana, 'me o hlokomoloha seo A ntseng a se etsa. Lea bona? Lea bona? Ba e fosa joalo. Ba hetla morao ba bona nthohali eo A e entseng, feela ha ba bone ntho e nyatsehang eo A e sebelisitseng, ho e phethisa. Lea bona? Ebe ba sheba pele 'me ba bona ntho e khōlō e tlang ho tla, e tla etsahala, athe, makhetlo a robong holima a leshome, e se e ntse e etsahala mathokong a bona. 'Me e nyatseha hoo ba sa e boneng. Lea bona?

¹¹⁵ Tsatsi le leng, e—e monna holimo mona Utica... 'Me haeba ba habo ba le teng mona, ha ke e bue ka morero ofe—ofe o khohlahetseng ho pepesa monna eo. E ne e le e—e mokaubere oa Ntoa ea Bana ba Thari. 'Me kea kholoa e ne e le... Ha ke tsebe lehlakore leo a neng a le emetse, empa kea kholoa e ne e le Lerabele. Empa, e—e le mosalumele, 'me a tseka ka hore ha ho ntho e kang Molimo. O ne a lula Utica. A bitsoa Jim Dorsey. Mohlomong batho ba bangata ba mo tsebile.

¹¹⁶ O mphile mahapu a mangata, ke sa le monyenyan. O ne a lema mahapu tlase nokeng, mono nthong—tlase mono. 'Me e le motsoalle e moholo oa ntate. Empa tsatsi le leng, a re, e 'ngoe ea lintho tse tsoileng ka mahetla tseo a kileng a li bolelloa, khahlano. Joale, ke ne ke le moshanyana matsatsing ao. Empa, khahlano le tumelo ea hae, e mo qositseng ho tloha a tsamaea a lihile hlooho ea hae 'me a lla. 'Me ka utloisia hore, ka sena, monna eo o bile a sokolohela ho Kreste ka pokoa le lilemo tse mashomerobeli-hlano.

¹¹⁷ O ile a botsa ngoanana e monyenyan, tsatsi le leng, a tsoa sekolong sa Sontaha, hobaneng a senya nako ea hae ka ho etsa ntho e joalo ka eo? A re, kahobane a lumetse hore Molimo o teng. 'Me Mongh. Dorsey a rialo, a re, "Ngoana tooe, u fositse haholo, ho lumela ntho e kang eo."

¹¹⁸ 'Me ho thoe ngoanana o ile a inama a khola e—e palesa e nyenyan ho tsoa... mobung, a e hlotha lipetaleng tsa eona, 'me a re, "Mongh. Dorsey, na u ka mpolella na ntho ena e phelang joang?"

¹¹⁹ E ne e le eona. Eitse ha a qala a khutla a batlisisa, o ne a ka re ho ngoana eo, "Be, e mela holima lefatše." Ebe potso e

boela e hlanoha, “Lefatše lona le hlahile kae? Peō eo e fihlile joang mono? E etsahetse joang?” Joalo, le joalo, le joalo, ho e khutlisetsa morao hofihlela a e bone. Lea bona?

¹²⁰ Hase lintho tse khōlō tse tlakomang tseo re lekang ho li nahana, empa Molimo o netefatsoa ke linthoana tse nyatsehang, ho nyatseha. Ka hona, ho khahlile Molimo ho Itšenola, le ho Ipata; ebe o Ipata, le ho Itšenola, ka ho nyatseha, ka linthoana tse nyatsehang. E—e feta holima hlooho ea motho.

Hobane, ha u ka re, “Hobaneng Molimo o lokileng o ka etsa joalo?”

¹²¹ Ke hobane motho a bopiloe, tšimolohong, ho se leke ho iphatela. Motho o bopetsoe ho itšetleha ho Molimo ka botlalo. Re bapisoa le likonyana ke hona, kapa linku. Nku ha e khone ho itsamaisa; e tlameha ho ba le molisa. ’Me Moea o Halalelang o tlameha ho re tsamaisa. Ka hona, motho o bopiloe joalo.

¹²² Molimo o bopile mesebetsi ea Hae eohle e nyatseha hakana, ho utloisisoa ke ba nyatsehang. ’Me Molimo o Ipopa ka ho nyatseha, le ba nyatsehang, a tle a utloisisoa ke ba nyatsehang. Ka mantsoe a mang, O itse, ho Esaia 35, kea kholoa. O itse, “Leha sethoto se ka tsamaea teng, se ke ke sa lahleha.” E nyatseha haholo!

¹²³ ’Me re tseba Molimo a le moholo haholo, re lebeletse ntho e itseng e khōlō, re fosa ntho e nyatsehang. Re khoptjoa ke ho nyatseha. Re fosa Molimo joalo, ka ho khoptjoa ke ho nyatseha. Molimo o nyatseha hoo baithuti ba matsatsi ana, le ba matsatsi ohle, ba Mo fosang ka limaele tse milione. Hobane, bohlaleng ba bona, ba tseba ho se letho ho bapisoa le Eèna, o moholo haholo; empa, tšenolong ea Hae, O e nyenyefatsa hoo ba e tlolang holimo ’me ba e fosa.

¹²⁴ Joale, ako hlahlobe taba Eo. E hlahlobe kaofela ha Eona. ’Me lōna baeti ba koano, ha le fihla liphaposing tsa limotele tsa lōna, nkang lintho tseo le li nahanisise. Ha re na nako ea ho E qhaqholla kamoo E tšoanetseng ho qhaqholloa, empa ke batla le etse joalo ha le fihla moteleng, kapa hoteleng, kapa hohle moo u lulang teng, kapa lapeng. Le phuthehe ’moho le E hlahlobise.

¹²⁵ Ho Mo fosa kamoo A Itšenolang; hobane O phahame haholo, feela, o Ipata ka ho nyatseha, ho Itsebisa ba banyenyane. Lea bona? U se ke ua leka ho fumana ntho e khōlō, hobane O e tlola holimo. Empa mamela ho nyatseha ha Molimo, ’me u tla fumana Molimo hantle mona mokhoeng o nyatsehang.

¹²⁶ Bohlale bo bentšitsoeng, ba lefatše, bo rutehileng, ba Mo fosa kamehla. Joale, ha ke mona... ’Me ke tseba mesuoe ea sekolo mona, e mebeli kapa e meraro, eo ke e tsebang, e lutse mona. ’Me ha kea tla koano ho hohlana le sekolo le thuto, le ho leka ho tšehtsa ho se rutehe. Hase morero oa ka mona. Empa,

taba ke ena, batho ba e toboketsa haholo hofihlela bona, esita le kahara lik'holeshe tsa thupello, ebile ba fosa eona ntho eo Molimo a e behileng ka pela bona.

¹²⁷ Ke ka baka leo ke seng khahlano le baena ba kahara mekhatlo ea malumeli, ke mpa ke le khahlano le tsamaiso ea mekhatlo ea malumeli, hobane e leka ho iphamisa, 'me—'me—'me e ruta bareri ba eona hofihlela tulong ea *hore-le-hore*, hofihlela, haeba ba sa kena sekolo ka tšoanelo le thuto, ba ntšetsoa kantle. 'Me—'me ba tlameha ho fetisoa tekong ea mahloko a kelello, le lintho tse joalo. Ha ke khlooe e kile ea eba thato ea Molimo ho fetisa moreri hlahlobong ea mahloko a kelello, empa ho mo hlahloba ka Lentsoe. Lea bona? Ke—ke—ke kamoo Molimo a hlahlobang motho oa Hae eo A mo romang, ho tšoara Lentsoe.

¹²⁸ "U rere Lentsoe!" Joale, kajeno re rera filosofe, re rera tumeloana le tsamaiso ea mokhatlo oa bolumeli, le lintho tse ngata hakana, re tlöhela Lentsoe, hobane ba re ha Le ka ke la utloisiso. Le ka utloisiso. O tsepisitse ho e etsa. Joale re Mo kopa ho e etsa.

¹²⁹ Joale mona re tla qotsa batho ba 'maloa metsotso e 'maloa.

¹³⁰ Ha re elelloeng matsatsi a Nohe. Letsatsi la Nohe, Molimo o bone bohlale ba lefatše bo toboketsoa haholo 'me bo hlomphuo, eaba O romela molaetsa o nyatsehang ka monna ea nyatsehang, ho ba bontša boholo ba Hae.

¹³¹ Joale, rea tseba hore letsatsing la—la—la Nohe, ho thoe tsoelopele e ne e le matla, mohlang oo, ebile ka tsoelopele ea rōna ea mehla ea joale, ha re eso finyelle letheba leo. 'Me kea lumela qetellong bo tla fihleloa, kaha Morena oa rōna a itse, "Joaloka matsatsing a Nohe, ho tla ba joalo ho Tleng ha Mora motho." O bapisitse ka lintšoantšo tse 'maloa.

¹³² 'Me ba hahile lipiramite le lifinkse mono Egepeta, ba haha lintho tsa litonana tseo re se nang matla a tsona, kajeno, ao re ka a sebelisang ho li haha. Ba ne ba khona ho—ho—ho noka, ba khonne ho noka 'mele, ba o ntlaufatse o shebahale e le oa tlahoo hoo le kajeno o ntseng itšoanelia. Rōna ha re khone. Kajeno ha re khone ho noka setopo. Re haelloa ke thepa e tšoanetseng. Ba ne ba tsoaka mebal e—e manamang ka thata, lilemo tse likete tse 'ne kapa tse hlano tse fetileng, o sa itšoanelia le 'mala oa mohlang oo. Lea bona? Ha re na lintho tse joalo kajeno.

¹³³ Lintho tse ngata tse khōlō tsa tsoelopele ea mehla eo li bua kamoo li phahametseng tsoelopele ea rōna ea joale. Le ka nahana sekhahla sa tsoelopele le mahlale a saense, haele moo re sietsoe lifika tse khōlō hakana, tse supang tsoelepele e kaalo. Ebile—ebile e tlamehile ebe ebile tsoelopele ea tonana, be, mekolokotoane ena, kamoo saenese le—le tsoelopele ea sejoale le thuto e—e neng e le e—e

tlameho bathong. "Ba tšoanetse. E ne e tlameha ho etsoa." Kea kholoa, motho ea sa balang, a batla a le sieo hara bona, ho hang.

¹³⁴ 'Me ka hona, eitse Molimo, ha o batlisisa hara moruo o moholo oo, kahara litsamaiso tsa bona, ha o a khona, mohlomong, ho fumana monna ea tšoanetseng, eaba O fumana motho ea sa balang, koana, sehoai se bitsoang Nohe, moalosi oa manku. Eaba O mo nea molaetsa oa Hae ho o bolella batho, o nyatseha haholo, ka nqa borutehi ba bona—ba bona ba letsatsi leo, hoo batho ba bileng ba khoptjoa ke ho nyatseha ha molaetsa. 'Me, molaetsa oo, leha ho le joalo, ka pela sefahleho sa mahlale a saense keha o, "Feteletse! Ebe lipakapaka li ka moma pula joang, athe pula e ne e le sieo holimo mono?" Lea bona? Le molaetsa o nyatsehang oa—oa ho haha areka, ho haha ntho ho kena kahara eona, athe ha ho na metsi a ho sesisa. Khele, eaba o fetoha lehlanya. 'Me a fetoha e—e—e—e... seo re ka se bitsang, ke kopa tšoarelo ka polelo ea mehla ena, ea "moiloa."

¹³⁵ 'Me bonnyane batho bohole ba Molimo ke "moiloa," lea bona. Ke bona. Ke thabetse ho ba e mong oa bona. Ka hona, lea tseba, ba—ba fapanie le—le sekhhahla sa tsoelopele ea sejoale, ka baka leo ba fetoha bailoa, mokhelo. O bitsitse batho ba Hae, "Moloko o khethiloeng, ba iloang, ba hlollang; empa ke baprista ba moea, sechaba sa boreneng, se hlahisetsang Molimo mahlabelo a moea, litholoana tsa melomo ea bona, ba rorisa Lebitso la Hae." Ha se le—ha se le batho bao! O ba fumane.

¹³⁶ 'Me lemohe, joale, e tlamehile ebe ebile ntho ea tonana letsatsing leo, haele moo lehlanya le hlahile le etela kereke; lehlanya, le ntseng le rera evangeli e bonahalang e fapohile tloaelo ka bottlalo, e thulana le tumelo ea bona. 'Me boramahlale ba saense, "Khele, e—e ne e le bohlanya bo paala feela." Ba khonne ho paka hore ha ho pula mono!

¹³⁷ Empa moalosi ea nyatsehang enoa oa manku o lumetse, "Efèla ha Molimo o itse pula e tla na, pula e tla na." Lea bona?

¹³⁸ 'Me le ka e bapisa le kajeno, mabapi le motho ea folisoang. Ba re, "Ke maikutlo feela. Nka u kholisa ka mahlale a saense hore mofetše, kapa ntho e tiileng, kapa—kapa—kapa hore ntho eo e sa le teng mono." Empa, ho molumeli ea nyatsehang, e nyametse. Lea bona? Hobane, ha a sheba ntho eo, o shebile tsepiso, kamoo le eëna Nohe a entseng kateng.

¹³⁹ Na ha le bone, "Joaloka matsatsing a Nohe, ho tla ba joalo ho Tleng ha Mora motho"?

¹⁴⁰ Ho latela mahlale a saense, ha ho motho... Ngaka e ka re, "Sheba mona, lethopa la hao le sa le teng. Mofetše oa hao o sa le teng. Sephaka sa hao se holofetse sa mohlamonene. U a hlanya."

¹⁴¹ 'Me, le hopole, moea oo o tsoa matsatsing a Nohe, o itse, "Ha ho pula holimo mono. Re ka thunyetsa lihlomo tsa rōna khoeling, 'me ha ho pula mono." Empa haeba Molimo a buile pula e tla ba teng mono!

¹⁴² "Hobane tumelo ke kholiso ea lintho tse lebeletsoeng, ke pontšo e tiileng ea lintho tse sa bonoeng." 'Me tumelo e iphomolela khetlo la ho qetela holima Lentsoe la Molimo. Ke hona moo e iphomolelang teng. Lea utloisia? [Phutheho e re, "Amen."—Mong.] E iphomolela holima Lentsoe la Molimo.

¹⁴³ Nohe o e phomolitse teng, "Molimo o boletse." Ke phetho. Joale haeba le ka elelloa hape, ebile, joale, Nohe, ka ho lumela tse joalo, e ne e le lehlanya.

¹⁴⁴ 'Me le kajeno batho ba lumelang kolobetso ea Moea o Halalelang. Joale, kereke e re, "Batho bana ke mahlanya. Ke mphi ea batho ba fehluoeng, ba kenoeng ke maikutlo, ke batho ba harohileng letsoalo." Empa le hanyenyane ha ba tsebe hore ke thuto ea Lentsoe la Molimo. Ke tsepiso.

¹⁴⁵ 'Me, ho Nohe, ho sa tsotelehe lipuo tse ngata tsa bona, "Monnamoholo eo o hlakane hlooho; ho latela saense o fositse; 'me—'me—'me, kelello ea hae, e phoso." Empa, ho Nohe, e ne e le Lentsoe la Morena, eaba Nohe o tiisetsa ho lona. Atha ba bohlale le ba masene ba khopiloe ke ho nyatseha ha eona, eaba ba lahlehloa ke botho ba bona. Ke e—e—e khalemelo e kakang joale, ke eona, ho moloko oo!

¹⁴⁶ Batho ba bangata ba re, "Holane ka phela morao mono!" Che, u ne u tla itšoara ka ho tšoana. Hobane, kajeno, ho boela ho hlahisoa ntho e tšoanang, feela ka sebopinho se sele, kajeno Le sa ntse le ba khothometsa joaloka bao mohlang oo.

¹⁴⁷ Ntle le pelaelo, matsatsing ao, bareri ba bona ba ne ba atile, empa keha Nohe a bululetsoe ke Molimo. 'Me Nohe a sheba kantle a bona se mothating oa ho hlaha, 'me a tseba hore moloko o mofebi le o khopo, ha kaalo, Molimo a ke ke a o mamella. Ebe e re ka etsang, kajeno, atha re bona ntho e tšoanang! Sodoma le Gomora ea mehla ea joale, lea bona, batho ba khopo, ba mofebi, ba bentšitsoe ka thuto hoo ba khoptjoang ke ho nyatseha ha boiponahatso ba Molimo ba Boleng ba Hae le ba Lentsoe la Hae, ho bontša Lentsoe la Hae.

¹⁴⁸ Ha ho motho lefatšeng, Rosella, hore ebe...kapa, le—le ea ka buang hore—hore ha re bone ponahatso ea Lentsoe la Molimo 'moho le rōna. Eona tsepiso ea matsatsi a bofēlo, oona Maseli a mantsiboea a neng a tla chaba, re batho ba filoeng monyetla haele moo re e bona. Atha, mono, ho lefatše le bentšitsoeng ka thata, e patetsoe bona. Jesu o itse ho Molimo, Ntate, A re, "U Ithatetse ho e patela bona. E, Ntate, U e patile." Ho lumella, ka bohlale ba bona . . .

¹⁴⁹ Lea bona, bohlale ke bona bo qalileng bo thetha polokoe ea tšila ea sebe, tšimolohong; hoba Eva o batlile bohlale mohla

a na a kopana le Satane, eaba Satane o mo nea bona, lea bona. 'Me bohlale bo thulana le Lentsoe. Ha re koptjoe ho ba bohlale. Re koptjoa ho lumela se seng se boletsoe. Ka baka leo, lea bona? Empa, kajeno, barutehi ba Le bentša hakana, 'me ba Le hloma koana, ba itlhalosetsa Lona, joalo le kamehla. Ba etsa joalo le kajeno; ka tekanyo e lekanang. Joale, batho, empa eona . . .

¹⁵⁰ Kapa, batho mohlang oo ba e fositse, joalokaha ba e fosa 'me ba etsa kajeno. Ntho e tšoanang. Ba etsa ntho e tšoanang. Hobane, bona . . . Lebaka leo ba e fositseng, hobane ba ne ba le bohlale haholo ho e lumela. Lea bona? Joale, molaetsa o ne o nyatseha hona, hoo ba bohlale ba neng ba le bohlale haholo ho lumela ho nyatseha ha molaetsa. Oh, khili! Molimo oa o etsa o nyatsehang haholo, 'Neteng, hoo ba bohlale le ba hlalefileng ba sitiloeng ho o bona, hobane o ne o nyatseha haholo. Be, ke hona ho phahamisang boholo ba Molimo hakana; hobane, e re a le moholo ka ho fetisisa, a ka Inyenyeftatsa hakana.

¹⁵¹ Banna kajeno, ba itšupa e se ba Molimo, ba phahame 'me ba leka ho iphamisa ho feta, 'me ba itlhalosa ba ikalakatisa, 'me, "Bishopo e Moholo, Ngaka Mopapa ea Halalelang," ntho efe le efe, ba iphethola seo ba seng sona ruri. 'Me Molimo, o phahameng hakaale, o Itheolela nthong e nyatsehang. Ho nyatseha ke bona boholo.

¹⁵² Re tea sefofane sa jete, re tsoibila rokete ho ea . . . ho . . . kapa ho likolosa e—e—e misale phikolohong. 'Me re etsa lintho tsena tsohle, feela, ha re khone ho bopa qoba e le 'ngoe ea joang. Uh-huh. Amen. Le reng ka eona? Empa sebakeng sa ho khutla le sheba se entseng joang boo, le ho amohela oona Molimo o bopileng joang, re leka ho tea misale o ka fihlang mono ka sekhhahla se fetang sa o ka teoang ke motho e mong. Lea bona?

¹⁵³ Re bohlale haholo 'me re hlalefile, ka likerekeng tsa rōna, re haha moaho oa didolara tse milione, kapa moaho oa didolara tse limilione tse leshome, empa, feela, le ho leka ho haha o fetang oa Methodise, kapa Baptise e haha o fetang oa Mapresbeteriene, 'me Mapentekosta a kenetse lephallo la likhoto. Empa lebaka la eona, ke lena; rōna, feela, re bohlale hona re bopeletsoe litseleng tsa rōna hoo re sitoang ho ikokobetsa ho lemoha Molimo kahara mishone o monyenyanek'honeng. Lea bona? Ke hantle. Be, ke hore, re khoptjoa ke ho nyatseha. Ba entse joalo kamehla.

¹⁵⁴ Joale, bao, keha ba—keha ba hlalefile haholo ho lumela molaetsa o nyatsehang hakaalo. Keha o sa bentšetsoa lipatlisiso tsa mahlale a saense ea bona ka ho lekana. Ke ha o sa—o sa phatsime, molaetsa o ne o sa lekana, lenaneo la thuto ea bona ea letsatsi leo. Lea bona? Ba ne ba ithutile ho tseba ka Molimo o leng teng, ba ithutile ho tseba boholo ba Hae, eaba ba leka ho ikaha ka boholo ho lekana le Eèna. Athe, kamehla mokhoa oa ho nyoloha ke ho theoha.

¹⁵⁵ Joale, ke mang ea tsebang hore Poulu ea Leboea ke Leboea, kapa Poulu ea Boroa ke Leboea; kapa Poulu ea Leboea ke Boroa, Poulu ea Boroa ke Leboea? Holimo ke hokae kanthe tlase ke hokae? Re leketla sebakeng. Re re, “Poulu ea Leboea e holimo.” U tseba ka’ng? Poulu ea Boroa e ka ba ka Leboea. Lea bona, ha u tsebe. Re hopole ke hona, ’me Lentsoe lena . . .

¹⁵⁶ Ho ka thoe, “U ka rialo joang, Moena Branham, ho re, ‘Holimo ke tlase’?”

¹⁵⁷ Ho latela Lentsoe la Jesu Kreste! O itse, “Ea ikokobetsang o tla phahamisoa, empa ea iphamisang o tla kokobetsoa, a theoleloe fatše.” Ka baka leo, hantle-ntle, holimo ke tlase, ’me tlase ke holimo.

¹⁵⁸ Joaloka mohalaleli oa khale a buile Chicago, ha thoe . . . Monna, moreri ea itseng oa mokhatlo o itseng, o kile a ema pela Mapentekosta a ’maloa. A hlaphisitse lihlalefo tsa hae ’moho. Eaba o ema mono o sebelisa mantsoe ao Mapentekosta a sa tsebeng letho ka oona, a nyolohela mono, ’me a e bona e sa nyallane le batho ba Pentekosta. Eaba o nyolohela mono, a pepile peta, e ne e le “Sekete-kete Ngaka e Halalelang,” lea tseba, ea tsoang sekolong sa *hore-le-hore* mono Chicago. Eaba o a qamaka, keha batho bao ba Mapentekosta ba ntse ba shebana. Ba sa tsebe le seo a buang ka sona; a balile haholo, a le masene, a hlalefile. Keha ba sa tsebe.

¹⁵⁹ Ntho e kang ea mosenatoro ea itseng, kapa monna ea sa tsoa iketela botonakhōlō eaba o a hloleha. Ke boleletsoe ke Tuck Coots. Mohla ke ne ke tšoere lepato la Mama Ford, ke bua ka tsoho, kholiso ea tsoho, “Ruri joaloka letsatsi ha le chaba, le ’na ke tla tsoha joalo. Ruri joaloka joang bo shoang ka Sehla, lehlaku le foforeha sefateng, le boela le khutla hape. Ha lefatše le iphikolosa mopotolohong oa lona, le tlamehile ho tsoha hape.”

¹⁶⁰ Tuck o itse, “Ke ile ka ananela Molaetsa oo, Billy.” E le ha ’na le Moena Neville re lutse ka koloing. Eaba ke re, “Tuck . . .” A re, “Ke ananela Melaetsa ea hao.”

Ka re, “Tuck, ha ke na thuto,” ka rialo.

A re, “Boo ke bona botle ba eona.” Lea bona?

¹⁶¹ ’Me, joale, a re o kile a tloha ho ea bona . . . Be, kea kholoa monna eo o tla ntšoarela, ha kea ikemisetsa . . . Adlai Stevenson, lea tseba. A re o mo mametse metsotso e leshome le metso e mehlano. ’Me Mongh. Ke Stevenson sebui se hloahloa, ho thualo, lea tseba, ho fihlela Tuck a itse . . . Kea kholoa o fumane thuto ea k’holeshe. A re keha a lutse mono eaba o a khaleha. ’Me a re a khaleha, a ntse a mo mametse, metsotso e leshome le metso e mehlano. Empa ho re, “Ka thuto ea k’holeshe, a utloisia mantsoe a hae a ’maloa feela; a bentšitsoe haholo.” A re, “Ha u eso mpone ke robala ka tšebeletsong efe ea hao, ha ke re, Moena Branham?”

¹⁶² Ka hona, lea bona, ke ho nyatseha ha Eona, ho nyatseha feela, ke hona moo Molimo o robetseng teng.

¹⁶³ Joale, ba ne—ba ne ba hlalefile haholo, letsatsing leo, ho utloisia moevelo oa mokhoa o nyatsehang oa Molimo ho etsa lintho. O ne o sa bentšetsoa bona. O tlameha ho bentšoa, O tlameha ho phatsimisoa haholo, ho seng joalo ba e fosa. Joale, empa, Jehova e moholo o ne a patiloe Lentsoeng la Hae. 'Me O Itsebisitse batho ba lumetseng Lentsoe la Hae, ka ho ba pholosa, le ka ho phethisa molaetsa o nyatsehang. Molaetsa o nyatsehang oa Nohe, Molimo o phethahalitse. Joale le elelloe taba eo.

¹⁶⁴ Joale, hape, letsatsing la Moshe, le hlokomele nako e 'ngoe ea tokoloho.

¹⁶⁵ Molimo ha o le mothating oa ho lokolla batho ba Hae, Molimo o romella batho Molaetsa. 'Me, O nyatseha haholo, kamoo re tla e tšoara manollong ea Litiiso tsena. E ne e le morero oa ka ho tlisa sena pele. Ke hore, re fumana manollo ea Litiiso tseo e nyatseha haholo, ba—ba—ba bohlale ba E fosa, ka limaele tse milione. Lea bona? Ke tsepile Molimo ho ntlotsetsa Eona. Lea bona? Lea bona? E feta ka holimo. 'Me ke ba ka leo ke ileng ka hopola ka Molaetsa ona, hoseng hona, hore o tla tšoaneleha, ho haha motheo, mabapi le ho nyatseha ha Molimo, lea bona, kamoo Molimo a Ipatang ka ho nyatseha.

¹⁶⁶ Nahanang feela, ba ka qhaqha liathomo 'me ba etsa eng le eng; empa haele ho ama bophelo, ha ba tsebe le moo bo tsoang teng. Qoba e paala ea joang, 'me Molimo o ipatile kahara eona. Ba ka tsoibilela rokete khoeling, 'me—'me ba thunyetsa rada mono, kapa eng hape, feela ba sitoa ho hhalosa bophelo ba qoba la joang. Ke hantle. Lea bona? Ke kahobane bo ke ke ba hhalosoa. Bo nyatseha haholo, ba bo tlolisa mahlo.

¹⁶⁷ Joale le hlokomele Moshe, mohla Molimo a tla loela bana ba Israele, ho latela Lentsoe la Hae. Eèna, O ile a etsa'ng? A khetha lelapa le nyatsehang. Ha re na nalane ea lona. Lea bona, haese feela "mora oa Levi," ke phetho seo re se tsebang. Lea bona? 'Me ka baka leo re...le mohats'a'e. Koana, mohlomong e—e le molubi ea paala oa seretse, ho latela mohopolo oa lefatše, kantle mane a bopela sera litene. E ne e le lekhoba le paala feela Israaeleng, empa Molimo o khethile lelapa leo ho hlahisa moloaneli; lelapa le paala feela la Mojuda. A se ke a ea lata lesika la borena le likhalala, kapa ho hong, kapa esita le ho lata moprista ea itseng. A nka lelapa la tloaelo, le paala. Lea bona? Ho nyatseha! Lemohang seo A se entseng, mohlang oo, O hlahisitse ngoana, motho ea paala feela. A se ke a ...

¹⁶⁸ A ka be—A ka be a tlotsitse letsatsi, hola A batlile, ho ba loela. A ka be a tlotsitse moea ho ba loela. A ke be a tlotsitse Lengeloi ho ba loela. Oh, alleluia! Molimo a ka etsa sohle seo A batlang ho se etsa.

“Be, u tseba joang, Moena Branham?”

¹⁶⁹ Molimo a ke ke a fapoha lenaneo la Hae. Ke baka leo re tsebang hore, letsatsing lena, E tlameha ho nyatseha. Lea bona? Joale, kamehla O sebetsa ka ho nyatseha. Empa Molimo, tšimolohong, o nong o ka tlotsa letsatsi ho bolela Evangel, kapa meeä ho bolela Evangel, kapa Lengeloi ho bolela Evangel, empa O tlotsitse banna ka morero oo, 'me le ka mohla ha A e fetoh. Ha A eso tlotsé mono ho... Ha A eso tlotsé mekhatlo ea malumeli. Ha A eso tlotsé lihlopha tsa banna. O tlotsitse banna ho bolela Evangel; e seng machine, kapa lihlomo tsa machine, kapa Boleng bofe ba Lengeloi. E ne e le motho!

¹⁷⁰ 'Me mohla A ne a lokolla batho tlase mono, O rometse motho ea nyatsehang, ea tsoetsoeng ke lelapa le nyatsehang hara sehlopha sa makhoba. Oh, khili! Ke Molimo o mokakang Oo, o Itšenolang ka ho nyatseha!

¹⁷¹ Joale lemohang. Eaba O mo koetlisa bohlaleng ba lefatše, a tle a hholehe, ho supa e se bohlale bo tlang ho re loela. Re loeloa ka tumelo. A mo tlohela ho fumana thuto e kaalo hoo a beng a ka ruta Baegepete bohlale; a hlalefile haholo. Molimo oa aha le lelapa le nyatsehang leo, mohlomong, le sa khone le ho ngola lebitso la lona. Eaba Moshe o hlahleloa sekolong se phahameng ho fetisa, a fuoa thuto ea tonana, a ka ruta mesuhe bohlale. A ka ruta bahlalefi. E. Molimo oa mo lumella ho finyella hoo hore A tle a khone ho Ipepesa ka ho nyatseha, ho bontša hore bohlale ha bo amane le eona ka letho. Eaba Moshe o hboleha hampe bohlalefing ba hae. O mo lumeletse ho e finyella ka morero oa Hae, hore a tle a hbolehe. A hla a hboleha, a oela tlolong.

¹⁷² Ha ho le joalo, ke ho bontša, “Hase ka matla, kapa ka cheseho,” empa hase ka bohlale ba Egepete, hase ka bohlale ba likolo tsa rōna, hase ka matla a lik’holeshe tsa rōna tsa thupelo, empa hase ka bokaalo ba mekhatlo ea rōna, hase ka matla a thuto ea sekolo sa rōna, “empa ka Moea oa Ka, ho bolela Molimo.” Bohlale ba hae bo ne bo nyametse bo fihlile qetellong, mohla a ne a kopana le Molimo sehlahleng se tukang mono. A rola lieta tsa hae a ikokobetsa boikokobetsong, a lebala bohlale ba hae bohle.

¹⁷³ Molimo, o tlisang tokollo, oa tlameha ho mo koetlisetsa bohlaleng, ho mo lumella ho hboleha, ho supa ha u ka ke ua itšetleha ka letsoho la kutloisiso ea hao, kapa ka kutloisiso ea motho mang. Oa mo lumella ho hboleha, ho bontša letsoho la Hae. Lea e bona na? [Phutheho e re, “Amen.”—Mong.] Molimo o e ntse ka morero oo, ho Ipepesa ka boikokobetso. Eaba O lumella Moshe ho phahama ka ho fetisisa, a bile—a bile a ka hlahlama faro. E ne e le mogenerale oa senatla. Ho latela nalane, o ile a hapa, Moshe ka sebele, mafatše a mabapi. 'Me eitseha a ikakhela mosebetsing oa Morena, ka talenta eohle

ea hae, Molimo oa mo hlabisa hlohlilingoane ka hlooho, hore A tla a mo sunye kantle mane lehoatateng ho mo khokhatha ntho eohle; le ho ipontša eëna, ka boikokobetso, oa mo roma ka molangoana letsohong la hae, ho loela batho.

¹⁷⁴ Athe, o hlolehile ka koetliso ea sesole, ka thuto, ka thuto ea mahlale a saense. 'Me o sitiloe le ka matla a sesole. Eaba O mo nea molangoana o khopo o tsoang lehoatateng, A e sebetsa ka eëna. Molimo ka boikokobetso, ka ho nyatseha! Molimo o no o le kahara molamu le kahara Moshe. 'Me ha feela Moshe a tšoere molamu, keha Molimo a o tšoere, hobane Molimo o no o le ka ho Moshe. Ehlide.

¹⁷⁵ Lemohang, "Hase ka matla, hape hase ka—ka borena, empa e le ka Moea oa Ka." Empa ke ka tumelo e nyatsehang!

¹⁷⁶ Moshe o itsebile e tla ba moloaneli, ka thuto ea 'mè oa hae. Eaba o ikoetlisa matleng a sesole, ho e finyella, ea mpa ea hloleha. Lea bona? O ne a utloisia, a ena le thuto, ea mpa ea sitoa ho sebetsa. A lokela ho e lebala eohle, ho finyella ntho e nyatsehang ea ho nka Molimo Lentsoeng la Hae, eaba o loela batho. E, monghali.

¹⁷⁷ Molimo o loela ka (eng?) tumelo Lentsoeng la Hae. Haesale ho lutse joalo. Re ka e sheba ha nako e re lumella. Re sa saletsoe ke metsotso e ka bang mashome a mabeli le ho hong kathoko. Re ne re ena le . . .

¹⁷⁸ Re ka sheba e—e Kaine le Abele, kamoo—kamoo Kaine a lekileng ho khahlisa Molimo ka botle bo itseng.

¹⁷⁹ Mokhoa o mong, batho ba nahana, "Ke ka—ka liphutheho tsa litonana, tse apereng ka makhethe, ka moprista ea nang le—ea nang le . . . bareri ba apereng likobo, le lik'hoaere tse apereng, le lintho tsohle tsa—tsa maiketsetso, ke hona ho khahlisang Molimo." Na le bona motso oa eona? Kaine o lekile hona hoo. 'Me o hahile aletare, ntle le pelaelo a e khabisitse.

¹⁸⁰ Ebile monna eo o ne a tsepahetse. A khumama. A nahana, "Ha nka tsepahala feela, ha e etse phapang ea letho." Phapang e teng. U ka tsepahala ka phoso.

¹⁸¹ Lemohang, o—o hahile aletare le hona, a batla, a e hloma lipalesa a e hlophisa, a teka litholoana tse hlabosang, 'me a nahana, "Ruri, ea moholo, ea halalelang, ea hloekileng, Molimo o motle o tla amohela sehlabelo seo." Empa, lea bona, o e hlophisitse ka bohlale ba hae. O e hlophisitse ka mehopolo ea hae.

¹⁸² 'Me le kajeno ho a tšoana. O—o . . . Ba e hlophisa ka bohlale ba bona, ka thupello ea bona, ka thuto ea bona le ka lihlophollo tseo ba ithutileng tsona.

¹⁸³ "Empa Abele, ka tšenolo, ka tumelo, o hlahiselitse Molimo sehlabelo se molemo ho feta." Ho se bohloeki ba letho mono, ka chebo ea sona, ha re bua ka botho. Thakanyana leo, a le qotsa ka molala a le qhaneha ka lekala la morara, ka mokhoa

oo, a le hulela aletareng ena. Ho se botle bo bokaalo mono. A le beha holima aletare, a e hlahlatha qoqotho ka—ka lejoe le bohale, mali a eona a ba a hafatseha a mo qaphaletsa, e ntse e lla, e shoa. E ne e le pono e nyarosang, lea bona, ho shebelloa. E ne e nyatseha, leha ho le joalo.

¹⁸⁴ Ka ho nyatseha, o tsebile a tsoetsoe ke 'ma'e le ke mali a ntata'e, a tsoeletsoe maling a 'ma'e, ka mali a ntata'e; 'me mali ke ona a hlahisitseng tlolo, ka hona mali ke ona a tla e khutlisa. "Eaba o hlahisetsa Molimo sehlabelo se molemo, kaha a e senoletsoe."

¹⁸⁵ 'Me baena ba bang, kajeno, ba nahana hore ba jele liapole le lipere! 'Me ke bone ntho e feteleng ho feta tsatsi le leng, pampiring. Ba itse, "Joale ba kholisitse ho thoe Eva ha a ja apole." Hono, kea—kea kholoa ba re, "E ne e le aporik'hote." Ka hona, oh, le bona mothapo oa moea oo!

¹⁸⁶ 'Me ba buile, ba re, "Ka tšoanelo Moshe ha a parola Leoatle le Lefubelu. Ha thoe, e—e ne e le seholpha sa mahlaka tlase mono, leoatle la mahlaka. 'Me o fetisitse bana ba Iseraele leoatleng la mahlaka. Holimo moo e—e leoatle le fellang, holimo mono ho fumanoa seholphahali sa mahlaka. 'Me Moshe o parotse leoatle, empa o parotse leoatle la mahlaka; lea tseba, ke joanng, bo bolelele, bo tšoanang le litule le lintho, ke tsona tseo a li parotseng mono." Masaoana a makakang!

¹⁸⁷ Athé, "Metsi," Bibele e itse, "eaba metsi a arohana ka ho le letona le ka ho le letšehali, Molimo oa fokisa e—e moea o matla oa bochabela ho a phetla." Lea bona? Lea bona?

¹⁸⁸ Bona, ba batla ho e hakanya ka mokhoa oa bona. 'Me esale ba hloleha joalo, 'me ba tla 'na ba hloleha. Lea tseba, lintho tsena tsohle!

¹⁸⁹ 'Me Kaine e ne e le papiso ea motho oa kelello ea nama kajeno, e leng morapeli kantle. O batla ho etsa ntho kantle, empa o a...O tsamaea kerekeng, 'me—'me o etsetsa e—e moaho lintho tse ngata.

Kerekeng e 'ngoe feela, 'me ha u ingolise ho Eona.

¹⁹⁰ Tsena ke diloje. Lea bona? U ingolisa le loje ea Methodise, loje ea Baptise, loje ea Presbeteriene, loje ea Pentekosta.

Empa u tsoalloa Kerekeng. E, monghali. Lea bona?

¹⁹¹ Tsena tsohle ke diloje. Hase likerekeng. Ke diloje. 'Me ha ho ntho e kang "kerekeng" ea Methodise, kapa "kerekeng" ea Pentekosta. Che, ha ho ntho e joalo. Che, ntho eohle e phoso. Lea bona? Tseo ke...Ke hantle. Tseo, ke diloje tseo batho ba ingolisang ho tsona.

¹⁹² Empa u tsoalloa kahara Kerekeng ea Molimo o phelang, 'me ke 'Mele oa Jesu Kreste oa Sephiri o ntseng o boptjoa.

¹⁹³ Joale, empa, ho khahlile Molimo ho senolela Abele sephiri sa Hae, ka tumelo e paala maling a tšolotsoeng. Oh, ekare nka fumana nako ea likalika mono nakoana. Lea bona?

¹⁹⁴ Athé, 'me Kaine, ka bohlale ba hae bohle, monna ea masene! "Oh," u re, "joale, Moena Branham, u itse o... U leka ho mo etsa mohlalefi ea rutehileng?" E ne e le eëna. O ne a le masene... Le ka sala—le ka sala mothapo oa hae morao. Shebang bana ba hae. Mang le mang oa bona e ne e le boramahlale ba saense, le lingaka, le banna ba masene, mang le mang.

¹⁹⁵ Empa, ha le sala lesika la Setha morao, ba ne ba ikokobelitse, bafumanehi, le lihoai, le ba joalo, ho fihla tlase koana tšenyehong.

¹⁹⁶ Empa bana ba Kaine ba ne ba le masene, sehlopha sa bohlalefi. Esitile bao, ho thoe, ba teile koporo, ba tea limetale; e le lihahi. 'Me e ne e le monna ea masene.

¹⁹⁷ Kanthe—kanthe, banna ba bang bana ba ne ba ahile litenteng, ba alosa manku a bona, 'me ba phomola litšepisong tsa Molimo. Lea bona? Lea bona? Le bona seo e neng e le sona? Joale le ka sala masika a bona morao la theoha, le bone haeba e sa loka. Lea bona? Ba ne ba itšetlehile ka tšepiso ea Molimo.

¹⁹⁸ Nohe o ne e khethoe joalo, o tsoile mofuteng oa batho bao. Le Pauluse o ntšitsoe joalo mohlapeng oa habo. Lea bona? Ka mokhoa o joalo, John Wesley, Martin Luther, le ba bang hape. Le uena u seo u leng sona kajeno ka mokhoa oo, lea bona, ntho e tšoanang, ho ikokobetsa, ho lumela tšepiso e nyatsehang ea Molimo.

¹⁹⁹ Joale, lemoha, ho khahlile Molimo ho—ho tsebahatsa. Joale, kamehla Molimo o tla nètefatsa hore ke 'Nete kapa che. Lea bona? Joale, batho ba bangata ba leka ho itšunya nthong eo Molimo a lutseng hole le eona ka milione ea limaele. Ke hantle. Empa ha u bona Molimo a khutla, hore E... ho E thasisetsa, ho thoe, "*Hoo ho nèpahetse, Hoo ho nèpahetse, Hoo ho nèpahetse,*" u a tseba hore E lokile.

²⁰⁰ Joale, mohla lihlabelo li ne li behiloe holima aletare, Molimo o hanne kutloisiso ea hlalefo ea hae ka Molimo. Empa eitseha A bona Abele, ka tumelo e nyatsehang ho lumela hore e ne e se liapole kapa litholoana tsa tšimo, empa e ne e le mali; o e lumetse ka tumelo, ka tšenolo e tsoang ho Molimo. Molimo oa nètefatsa Adama ka ho amohela sehlabelo sa hae. Lea bona?

²⁰¹ Re nahana joalo le ka ho rapella bakuli, ntho efe feela. Jesu o itse, "Ekare ha le lula ho 'Na, le Lentsoe la Ka le ahile ka ho lôna, le ka kopa seo le se batlang 'me le tla se neoa.'"

²⁰² Joale ha re ntse re theoha hantle, ka potlako joale, re saletsoe ke metsotso e mashome a mabeli.

²⁰³ Lemohang, letsatsi la Elia, Molimo o no o khethe ho Ipata kahara motho ea tlase. Joale le ka e nahana feela. Ke

Molimo o khethileng. E ne e le khetho ea Hae. Hopolang, borabi ba ne ba le teng, baprista. Banna ba baholo ba le teng matsatsing ao. Esita le Khosi Akabe, ka sebele, e ne e le Mojuda. A tšoere banna ba baholo naheng, letsatsing leo. Empa Molimo oa Ipata kahara monna ea tlase; e se morutehi; che, e se monna ea lebitso oa lefatše, mohlalefi ea qahameng oa sesole kapa ho hong; che, a se na lebitso le leholo. Ebile ha re tsebe ntata'e le 'ma'e. Ha re tsebe letho ka lesika la hae. Ke sehoai sa khale feela sa tloaelo nga e 'ngoe, ea hlahisitsoeng ka morero ho behoa moporofeta. Molimo o mo baballa ho iphelela a inotši feelleng. Ntho eo re e tsebang feela, o tsoile a ntse a tiila, a kena hantle a nyatsa tsamaiso eohle ea bokereke. Khele!

²⁰⁴ Le tseba seo ba se nahanneng ka eèna? “U tsoa sekolong sefe?” Lea bona? “Ebe o ikamanya le mokhatlo oa bolumeli bofe? Na ke setho sa Bafarisi, bona Basadusi,” kapa ebang ba ne ba tšoere eng? E ne e se setho sa tsona, empa eaba o nyefola ntho eohle. Lea bona? Ke Molimo o khethileng ho etsa joalo.

²⁰⁵ Empa, monna ea tlase, a se na thuto. Ha re fumane moo a kileng a kena sekolo. Ha re fumane letho ka eèna. Ke monna ea tlase feela, empa ho khahlile Molimo ho ipata kahara monna eo oa tloelo. Molimo, morao mono, ka monna enoa oa tloaelo, a ipatilie kahara motho. Le khona ho e thuisa na? [Phutheho e re, “Amen.”—Mong.]

²⁰⁶ Molimo o ipatile kahara “mosollane o sa balang,” ka nqa ea lefatše. Hobane, lea tseba, bao—bao ba mo qositse ka tsohle, a ba a bitsoa “moloi,” Elia. Baporofeta bohle ba qosoa, ka hoo, lea bona.

²⁰⁷ Ka baka leo, le eèna Jesu o qositsoe e le e mong, lea bona, “Belsebule; ea hlanyang.” Ha thoe, “Khele, U a hlanya. Yaa, rea tseba U na le modemona. U—U hlakane hlooho ea Hao.” Lea bona?

²⁰⁸ Mohlang oo O itse ho bona, “Mohla E fihlang matsatsi a bofèlo, hore ba tla bla... e tla ba nyefolo, ho etsa joalo.” O ile a ba tšoarela, empa e ke ke ea tšoarello matsatsing ana a bofèlo. E tla tlameha ho phetetsoa, ka karohano ea Bosafeleng, “E ke ke ea tšoarello, lefatšeng lena leha e le lefatšeng le tlang ho tla.”

²⁰⁹ Empa Elia o nkiloe e le monna ea hlakaneng. Le ka nahana mohla a hananelang... E—e keha basali ba kuta moriri oa bona ba etsisa matsatsi a mehla ena, kea kholoa, 'me ba itaka ba tšoantsisa Jesebebe, mofumahali oa pele oa naha. 'Me—'me bareri bohle ba itahlile le lefatše le ntho eohle. 'Me eaba ho hlaha'ng? Ke mona ho hlaha Elia oa khale, a nyatsa ntho eohle, ho qala koana ho Jesebele ho theohela tlase.

²¹⁰ “Khele,” ba nahana, “ha rea tlameha ho u mamela! Re na le baruti.”

²¹¹ Ehlile, ba ne ba sa tlameha, empa koana e ne e le moruti oa bona. E ne e le moruti oa Jesebele. Keha a sa e batle. Oa hae mohlomong o ne a fapane. Empa, empa, o ne a romiloe ke Molimo, e ne e le eèna. Lea bona? E ne e le moruti ea rometsoeng ho eèna ke Molimo. O ne a mo hloile, empa e ne e le moruti ka ho tšoana. Lemohang.

²¹² 'Me eaba Elia o ikokobetsa 'me a tsepama le seo Molimo a se buileng, hakana, ha ba ha khahla Molimo ho okha Moea oo oa Elia 'me oa tsepisa ho O tšela hararō leetong ho qala mohlang oo. Lea bona? Amen. 'Me O e entse. Amen. Ehlile, O e entse. Ehlile. O E tsepisitse, hore E tla fihla. 'Me O theohetse holima Elisha, mohlahlami oa hae; oa ntano theohela holima Johanne Mokolobetsi; 'me, ho latela Malakia 4, O tlameha ho khutlela mona hape letsatsing la ho qetela. Lea bona?

²¹³ Molimo o ratile Moea oo holima rameru eo ea tlase, ea sa rutehang a tsoa motšeо mono morung nqa e 'ngoe. 'Me, ka hona, O ne o utloa Lentsoe la Hae hakana, hoo A bileng a re, "Elia, etsa *sena*," ebe Elia o a se etsa. 'Me Molimo oa Ipata ka mono, ka ho nyatseha hoo!

²¹⁴ Bohle ba itse ho eèna, "Mosollane oo oa khale, le se ke la amana le eèna ka letho," le lintho tse joalo.

²¹⁵ Empa ka tsatsi le leng, mohla a—a tsofalang, a phumuha lefatla, 'me eèna—'me matšoala a hae a lepeletse, a pulufetse, meriri ea hae e 'maloa e leketlile mahetleng a hae; ka liphaka tse moketla, linama li pheuleha ho tsona joalo; a theoha ka tsela eo a tobile Samaria, mahloana ao a leletse nqa sebakeng, a tšoere molangoana o khutlahaneng letsohong la hae. A sa khahlise ha a talingoa, empa keha a tsoere "HO RIALO MORENA" ea letsatsi leo. A sa holoketse ka Eona. A sa hoelee. A sa re, "Joale, Akabe e *moholo*." O nyolohile a re, "Esita le phoka e ke ke ea theoha leholimõng ke sa e bitsa." Alleluia! Lea bona? Molimo o hlomphile ho nyatseha ha hae.

²¹⁶ Joale, lea bona, leha koana e tlie e nyatseha, 'me mang—le mang a le khahlano le eèna, mang le mang a batla ho mo tšoara ka qoqotho. Setlamo sohle sa tšebeletso ea bolisa, ntho eohle, e batla ho mo tšoara ka qoqotho, ke 'nete, ho leka ho mo falatsa, ntho eohle. Empa, ka ho nyatseha hoo, leha koana ba sa tšehe tsatsi matšolo a hae le sohle seo a se entseng. Mang le mang a mo sheba e le mosollane. Molimo o ne a Ipatile.

²¹⁷ Empa mohla peō eo e jetsoeng, e ne e butsoa, Molimo oa Iponahatsa ka ho romela Mollo o tsoang Leholidmõng oa chesa sehlabelo. Molimo o ipata ka ho nyatseha, o ntano Itšenola hape. Lea bona? Ehlile. Ho khahlile Molimo ho etsa joalo. Esale A e sebetsa joalo. E, monghali. Joale, re Mo—Mo fumana a tsepisitse lintho tsena.

²¹⁸ Bothata ba eona, kajeno, batho ba röna ba bangata, re batla ho ba tjena, lea tseba, ho topeloa seminari-, ho khoesa bolumeli-,

'me kelello ea rōna e sekamela thuto, ebile Molimo ha o khone ho re sebelisa. Molimo a ka nea motho ho qala ntho, oa mo nea tšebetso ea lentsoe; ntho ea pele u a tseba, o tla khotsofatsa seo ba bang ba se buang, 'me, ntho ea pele lea tseba, o tla ithara ka seshoba sa lintho. 'Me ebe Molimo o tlosa matsoho a Hae holima hae, a mo tlohele a le mong. Lea bona? Lea bona?

²¹⁹ Ebe moo A lekang ho Ipatlela monna e mong, motho ea tlang ho e phethisa. Lea bona? O tlameha ho fumana ntho e tla—e tla nka Lentsoe la Hae, e tla nka tšenolo e Mokhethoa 'me e sa suthe ka Eona, e tla lula hantle mono holima Lentsoe. O—O e sebetsa joalo. Haesale A e sebetsa joalo.

²²⁰ Motho ha a ruteha hakana a ba masene, ke hore, o leka ho ikenyetsa boitthalosetso ba hae. Be, joalokaha ba bua, "Kolobetso ea Moea o Halalelang," ba re, "oh, e ne e baletsoe letsatsi le leng." Empa, ha ba sa etse joalo, be, "E ne e sa etsetsoa letsatsi le leng, empa, ke tla u bolella, ha O sa theoha joalokaha O entse ka Letsatsi la Pentekosta. Re amohela Moea o Halalelang mohla re lumelang." Le—le lintho tshole tsa mafuta eo, lea bona. 'Me ha u bua ka kolobetso ka Lebitso la Jesu Kreste, bao...moo Bibele e rutang joalo; be, u re, "Be, empa, k'holeshe ea thupelo e re! Le *Sekete-kete* o re!" Ke hona ho tenyetseha. Lea bona? Molimo a ke ke a sebelisa motho ea joalo. Lea bona?

²²¹ A ka lumella motho ho otlakoa naheng eohle joalo, 'me monna a lelekoe a jeoe litševo, a songoe, le ntho eohle ka mokhoa oo. Empa mohla makhaolakhang a sebele a fihlang, Molimo o a ema o Inétafatsa hantle ka hona ho nyatseha hoo.

²²² E nyoloha hantle, joaloka palesa. Peō, ekare ho felile ka eona, e a shoa e oela mobung. Ha u cheka peōnyana eo, e bolile, 'me ekare e senyehile. Empa mono ho tsoa bophelo bo boelang bo lhalisa palesa e 'ngoe.

²²³ Molimo ka ho nyatseha. O sebetsa joalo. Kamehla, mokhoa oa ho nyoloha ke ho theoha. Ako ikokobetse. Le ka mohla u se re, "Be, ke fumane *sena le sane*." Ha u na letho. Feela—feela u hopole, haeba u fumane mohau oa Molimo, ako lebohe feela, 'me u ikokobetse ka ona. Lea bona, lula u ikokobelitse.

²²⁴ Joale ka tla lokela ho potlaka, hobane litšupanako...Ha ke batle ho le tšoarella halelele haholo, hobane ha ke batle ho le khathatsa, lea bona. Re na le nako e telele vekeng ena le hona.

²²⁵ Joale, 'me joale re fumana batho ba rua masene hona 'me ba rutehile.

²²⁶ Joale ke batla ho supa e mong. Ba—ba bang ba fetella haholo ka lehlakoreng le leng, ba fetoha mahlanya, ho leka ho tlala borapeli. Joale, rea tseba hore re fumana sehlopha se joalo. Lea bona? Ba fetela ka lehlakoreng le leng.

²²⁷ Ke hona moo ke fapanang le sehlopha sa baena ba ikhutseng mona nakoana e fetileng ba tlohela—ba tlohela

tsela ea Leseli. Bao, ha ba khona ho mamella ho bona mohlolo o etsoa ba sa ipope ngatana, eaba ba ipopa ngatana holimo Canada 'me—'me ba bopa sehlopha sa batho ba tlang ho hlahisa 'me ba etsana baapostola le baporofeta, le lintho. 'Me eaba e a khehlemana. Lea bona? 'Me e tla etsa joalo kamehla. Lea bona? Ba fetoha... Ba utloa hore erekaha ba le... hore ha ba... Ba nyatsa lintho tse ling haholo, le—le lintho, hoo ba tšelang moeli ho fetela mose oane. Lea bona?

²²⁸ Lehlakore le leng le qahame le hlalefile haholo, le hatsetse le monyemo, ba hana ntho efe le efe mono. Atha ba bang ba fetela lehlakoreng le leng, lehlakore le leng ke la sehlopha sa maikutlo a hlahafetseng, 'me sona se hana Lentsoe.

²²⁹ Empa Kereke ea makhonthe ea mannete e lula bohareng ba tsela. Joale, ha u ka elelloa, e—e—e ruile tsebo ea Bibele ea seo Molimo a se buileng, 'me ke—ke ea moea le pelō ea eona e futhumetse ka ho lekana, 'me ke tsela feelsa. Esaia o e boletse e tla ba joalo. O itse, ““Mila o tla ba teng...””

²³⁰ 'Me lōna bahlohonolofatsoa, ba halalelang, metsoalle e khabane ea kereke ea Nazarene, motsamao o monyenyan e matla o qaliloeng ke Molimo, empa ba fumane'ng? Eareha Molimo a qala a bua ka lipuo kahara kereke, keha ba topetsoe borapeli ba hoamme seteiseleng, ba e bitsa “diabolosi.” 'Me na le bona se ba hlahetseng? Lea bona? Lea bona? Bao, bao, “Re halalela ho le feta.” 'Me—'me re fumana lintho tseo tsohle li fetoha peō 'me li shoa. Lea bona? Le lona—lona lehlakore le leng.

²³¹ Joale, lehlakore leng le fetoha bohlanya. Lehlakore le leng lea hatsela le kena seteiseleng.

Joale, Esaia o itse, ““Mila o tla ba teng...””

²³² 'Me Manazarene, le batho ba bangata ba khale ba khalalelo, ba ne ba tloaetse ho re, ““Mila oa khale o bokoang! Ho bokoe Molimo! Re nyoloha 'mila oa khale oa khalalelo!”” Empa, le hopole, hantle ha a rialo.

²³³ O itse, ““Mila o tla ba teng, le,”” le ke lekopanyi, “le tsela.” 'Me o ke ke oa bitsoa 'mila oa khalalelo, empa, “Tsela ea khalalelo.”

²³⁴ Joale, 'mila oa khalalelo, batho ba leka ho ikhalaletsa. 'Me ha u etsa joalo, ho joalokaha ke buile pele, e ka re e... E batla e itšoanela leha lettlaka le leka ho itlhoma masiba a leeba, ho le fetola leeba, atha tlhaho ea lona e sa le ea lettlaka. Lea bona? Lona, ke... E ka re lekhoaoba le lekang ho itlhoma e—e masiba a lephoi, kapa a pikoko, 'me le re, “Lea bona, ke nonyana e ntle.” Lea bona, ke ntho ea maiqapelo.

²³⁵ Empa pikoko ha ea tlameha ho toutes hore e tla mela masiba a pikoko kapa che. Leeba ha lea tlameha ho toutes hore le tla mela masiba a leeba kapa che. Ha feelsa tlhaho ea lona e le ea leeba, le tla mela masiba a leeba.

²³⁶ 'Me, lea bona, batho ba khalalelo ba qalile ba re, "Basali ba tšoanetse ho holisa moriri oa bona le matsoho a malelele a seaparo, le—le lintho tsena tsohle, le mese e melelele, 'me ba se ke ba roala lipalamonoana tsa lechato kapa mabenyanane a mofuta ofe." Lea bona, e fetoha khalalelo ea maiqapelo. Lea bona? Lea bona? Eo—eo—eo ke khalalelo ea maiketsetso. Empa Kereke ea makhonthe ea Molimo o phelang ke... 'Me le shebe se hlahetseng mokhatlo oa bolumeli. Joale bohole ba kuta moriri oa bona, joaloka Mapentekosta, le—le ba joalo. 'Me—'me bao bohole, mohlomong, ba roala lipalamonoana le lintho tse joalo. Shebang Mapentekosta, lilemong tse fetileng, kamoo ba neng ba harinya ntho eo, lea bona, 'me, "Rōna, re kereke! Rōna, re kereke!"

²³⁷ Kereke ke 'Mele oa Kreste. Ke motho ka bomong, hara batho ba bang, ea tsoaletsoeng 'Musong oa Molimo. O tsoang kahare o tsoela kantle. O iphelela ka boona.

²³⁸ Ha u kope nku ho beha boea... kapa, ho hlahisa boea, ke rialo. Nku ha ea tlameha ho hlahisa boea. E re, "Joale, monongoaha mong'a ka o batla boea. Ke tlameha ho sebetsa ka matla." Che, e tlameha feela ho itulela e le nku. Ke hantle. Boea bo tla imelela... Bo tla etsa joalo. Bo tla etsa joalo. E tla bo beha hobane...

²³⁹ 'Me ha re koptjoe ho hlahisa litholoana. Re tlamehile ho hlahisa tholoana, lea bona, ho beha litholoana. Lea bona? Re tlamehile beha tholoana. 'Me ha feela u le sefate sa Molimo sa tholoana, ka Lentsoe la Molimo, Lentsoe la Molimo le tla Inètiefatsa. Se tla beha tholoana ha feela Lentsoe le le teng ka mono. Jesu o itse, "Ekare ha le lula ho 'Na, le Lentsoe la Ka le lula ka ho lōna, le ka kopa seo le se batlang 'me se tla etsoa." Lea bona? Ha u e fehle. Ha u iphuluhe. E se e le teng mono, 'me e tsoelapele joalo le joalo.

²⁴⁰ Joale ha re tsamaeeng, re potlake feela joale, ho setse metsotsotso e 'maloa feela, 'me re tla koala.

²⁴¹ Joale, joale, ba bang ba tsamaea bohole ba bohlanya. Joale, ba leba lehlakoreng le leng. 'Me ba nahana, kahobane ba qhomela holimo-le-tlase, kapa ba fehla tšisimoho kapa maikutlo, ho bua ka lipuo, kapa—kapa—kapa ba porofeta ntho e tsoatsoileng ea nēpa, kapa ntho e kang eo, ba e hopola e le Eona, hore—hore ba O fumane. Empa, hase eona.

²⁴² Jesu o itse, "Ba bangata ba tla tla ho 'Na ka letsatsi leo, ba re, 'Morena, na ha kea porofeta ka Lebitso la Hao? Ka Lebitso la Hao ka etsa mesebetsi e matla, ka leleka bademonia?" O itse, "Tlohang, ha Kea ka ka le tseba le ka mohla." Lea bona? Hase eona. Hase eona, motsoalle.

²⁴³ Ka lona lebaka leo... 'Me, ka lipuo, tseo e leng bopaki? Ke lumela ho bua ka lipuo, empa ha ke li lemohe e le bona feela bopaki ba Moea o Halalelang. Che, monghali. Bopaki ke tholoana ea Moea. Lea bona? Yaa. Joale, lea bona, ke ka

hona ke sa lumellanang le khato ea baena ba Pentekosta, ka mokhoa oo, ba re, "Motho ea buang ka lipuo, o na le Moea o Halalelang." Kea fapania. Hase pontšo ea hore u na le Moea o Halalelang. Lea bona?

²⁴⁴ Ke utloile bademona ba bua ka lipuo ka potlako eo ba e khonneng, ba noa mali lehateng la motho, 'me ba bitsa diabolosi.

²⁴⁵ Ke bone Maindia a tšoara linoha a ikhara ka tsona, mono—mono—mono nakong ea mohobelo oa pula kantle koana Arizona; ba phahamisa matsoho a bona ka mokhoa *oo*, ba mathe ba potoloha. Ngaka ea setso e qatsoha, e itlhaba ka litseenene. Le ho beha pensile fatše, ebe e ngola ka maleme a sa tsejoeng, e ntano fetolela. Lea bona?

Ka hona, le se ke, le se ke la mpolella eona. Ke holile haholo bakeng sa eona. Lea bona?

²⁴⁶ Ka hona e—e tholoana ea Moea ke...Jesu o itse, "Ka litholoana tsa bona," e seng ka lipuo kapa ka maikutlo, "empa le tla ba tseba ka tholoana ea bona." Lea bona? Ke eona tholoana ea Moea. Ke Molimo o Ikoahollang ka boikokobetso, bonolo, 'me letsatsi ka leng ho a tšoana. Ntho e teng, ka monna ea lulang le Lentsoe. Nako le nako ha a bona Lentsoe, o Le thasisetsa ka "amen," ho sa tsottelehe seo batho ba bang ba se buang. Seo, o a Le lumela, ua bona. Ke hantle. Lea bona?

²⁴⁷ Empa rea fetella, ke hona, re itšetleha ka bohlanya, ebe Satane o kena hara batho. Ke mosebetsi oa Satane oo. 'Me ke rakhoebo oa makhonthe. 'Me o kena hara batho, ba ikhopola ba O fumane kahobane ba tsolela holimo-le-tlase. Kanthe ba hloile moahisane? Che. Lea bona?...ho—ho bua lintho, le ho bua ka lipuo ka makhethethe, le lintho tse kang tseo.

²⁴⁸ 'Me, le hopole, u ka bua ka lipuo tsa makhonthe tsa Moea o Halalelang u ntse u se na Moea o Halalelang. Bibele e itsalo. "Leha nka bua ka lipuo tsa batho le tsa Mangeloi, ke se na lerato, ha e nthuse letho. Ke tšoana le koporo e llang, le simbala e molomo o moholo." Bakorinthe ba Pele 13. Lea bona? Ka baka leo ha u...Ha e sebetse, ua bona.

²⁴⁹ Methodise e itse, "Ha re ne re hoeletsa, re O fumane," empa ha ba khona. Nazarene e itse, "Ha ba ne ba phela khalalelo, ba O fumane," empa ha ba khona. Pentekosta e itse, "Re bua ka lipuo; re O fumane," empa ha ba khona. Lea bona? Lea bona?

²⁵⁰ Molimo, o Ikoaholla, e seng ka maikutlo. Che, hoo... Maikutlo, koana, a tsamaea le Oona. Na le bona nqalo eo? E ithobile hoo mang le mang a ka E bonang, haeba u—haeba u sa leke ho maneha, ho sutela monahano oa hao ho Eona, ua bona, mehopolo ea hao ka bouena. Ke Molimo.

²⁵¹ Joale, ba fetoha sehlopha sa mahlanya. Hape, *mona* ke lehlakore le fofo le le batang; *mona* ke mahlanya ka

lehlakoreng le leng; 'me *mona* Monyaluoa o tsamaea a otlolohile hara ntho eohle, a hlabela mahlakore a mabeli mokhosi. Ke hantle. Molimo o Le nètefatsa ha A ntse a tsamaea joalo, Lentsoe la Hae.

²⁵² Joale, oh, ke tlameha ho tlola lintho tse ling tsena hobane ke tšoere tse ngata haholo mona. 'Me ke—ke na le... Nako ea ka e felile. Ke tla potlaka ka lebelo leo nka le khonang joale.

²⁵³ Ho qala Edene, e qalile Edene, ho—ho porofetiloe Messia ea tlang; ho qala koana Edene.

²⁵⁴ Joale ke tlil'o tlola Mangolo a ka a 'maloa ao ke a ngotseng mona, le lintlha, ho qetella Molaetsa feela, ka nako, ha nka khona. Molimo o ipata ka boikokobetso. Joale, ke tla bua ka potlako, empa, koana, ke—ke batla hore le tšoare sena. Lea bona?

²⁵⁵ Ho qala Edene, ho porofetiloe ka Messia ea tlang ho tla. Ha lekanngoa hore E tla ba motho oa semelo sefe. Re ka likalika nako e telele. Le tseba Bibele, seo A tlang ho ba sona, hore E tla ba motho oa semelo sefe. Moshe o its'e, "Morena Molimo oa lōna o tla hlahisa Moporofeta, ea joaloka 'na." Ba tsebile hoba Messia e tla ba moporofeta, le mokhoa oa tšebetso ea Hae e tla Mo feheletsa. Baporofeta bohole ba lekantse seo A tlang ho se etsa. Ba e buile ka lipapiso. Eaba e feta holima lihlooho tsa bona koana, le koana tlasa bona kaofela. Lea bona? Lea bona? Ea feta tlasa e mong, 'me ea tlola e mong holimo. Lea bona?

²⁵⁶ Mohla A ne a fihla temeng ea nako, batho bao A rometsoeng ho bona keha ba fupile boithhalosetso ba bona ba seo A tlang ho ba sona, ka boithhalosetso ba mehopolo ea bona.

²⁵⁷ Bibele ha eso fetohe le ka mohla. Bibele e tšoana kamehla. Ke ka hona ke reng, "Lengolo le itsalo, ke ntano tsitlallela Hoo, 'Bibele ha e a tla ka ho itlhalosetsa ha motho.'"

²⁵⁸ Ka hona, Bamethodise, Mabaptise, Mapentekosta, se lekeng ho itlhalosetsa Lona ka bolōna, ho re, "Ha Le bolele Hoo. Le bolela sena."

²⁵⁹ Le bolela hantle seo Le se buileng, hantle feela. Motho o its'e, "Ho ka ba joalo joang?" Ha ke tsebe joang. Hase 'na ea tlamehang ho bua. Ke Molimo o tlamehang ho e hlokomela. Ke Eèna Ea e buileng, e seng 'na, lea bona, 'me O tla hlokomela ba Hae ka Sebele.

²⁶⁰ Empa joale, empa, Messia enoa o ne a porofetiloe. Baporofeta ba Mo boletse kamoo a tlang ho fihla kateng, le seo A tlang ho se etsa mohla A fihlang. Empa, boithhalosetso ba bona ka eona, hara batho! 'Me mohla A ne a fihla, keha A tloaelehile, a nyatseha, sehlopha sohle sa kereké sa ba sa khoptjoa ke eona. Na ho joalo? [Phutheho e re, "Amen."—Mong.] Mono, athe banna bao ba ne ba rutiloe...

²⁶¹ Monna a ke ke a behoa moruti, moprista, pele a tsoaletsoe lesikeng le ikhethileng, la Levi. 'Me, le nahane

feela, ntatemoholo-holo-holo-holo-holo-holo oa hae e ne e le moprista, a lutse kahara Lentsoe leo hantle, kahara tempele, bosiu le motšehare.

²⁶² Joaloka moprista oa Katolike kapa moreri ea—ea neeletsoang boreri ka hlahlamano, ho tloha molokong, ho fihla likerekeng tse itseng, le tse joalo, “Ntatemoholo-holo-holo oa ka e ne e le bishop ea Methodise. Ntatemoholo oa ka e ne e le bishop, le lintho tse joalo.” Lea bona?

²⁶³ Ntho eo eohle, ho phela kahara Lentsoe hantle, empa keha ba ichetetse tsela ea bona ka eona. ’Me keha bana ba bona ba e amohetse kamoo bontate ba e rutileng kateng. Hofihlela, bontate ba e rutile e fapohile tsela ea makhonthe hole, ’me keha ba bopile mokhatlo hona, hofihlela, mohla Moea o ne o leka ho hlahisa ’Nete, ha ba khona ho E amohela.

²⁶⁴ Le kajeno ho a tšoana. Ha kea ikemisetsa ho khohlala, empa e nèpahetse. Ho a tšoana le kajeno. Ba hlile—ba hlile ba e thatafatsa, le—le ka mokhoa o sele. Ba ruta tsa bona . . . Joaloka ho itsoe, “Molimo ha o na litloholoana.” Na le tseba seo? Molimo o na le bara, hape O na le barali, empa ha a na litloholoana tse tona le litloholoana tse tšeali. Motho mang le mang o tlameha ho lefa moputso o tšoanang le ho tla ka tsela e tšoanang. Kamoo ntata’o le eëna a tlileng, le uena u tšoanetse joalo.

²⁶⁵ Joale, ka hona, O ne a nyatseha haholo. Mohla Messia enoa . . . Lilemo tse likete tse ’ne, moporofeta ofe le ofe o buile ka Eëna; Davida o binne ka Eëna, le ho theoha joalo. ’Me mohla A ne a fihla, keha batho ba ipopetse menahano ea bona, ka seo A tlamehang ho se etsa, kamoo A tlang ho e etsa. Ntho eohle keha e hlalositsoe, e takiloe matlapeng le holima ntho eohle, hofihlela, mohla A ne a fihla ka ho nyatseha, ea senya feela—feelatutabomolimo ea bona. Lea bona, ha ba ka ba e tseba.

²⁶⁶ O tlie ho latela Lentsoe. Joale, na le lumela hoba Molimo o buile ka baporofeta, ha thoe Messia o tla fihla ka mokhoa o itseng? Ho hobe haele moo re hloka hora e ’ngoe ho haola mono le ho hlalosa mokhoa oa eona mohlang oo. Lea bona? Bohle re tseba kamoo e hlahileng, leha ho le joalo, boholo ba röna. Kamoo Molimo a Mo tlalehileng a tla fihla, le kamoo, “Uena, Bethlehemoa Judea, ha u monyenyan hara . . .” Le ho theoha mono kaofela, le kamoo A tlang ho sebetsa, le seo neng A tla se etsa. Lea bona?

²⁶⁷ ’Me, koana, O ne a nyatseha haholo! Ebile, baithuti ba baholo bao keha ba e tsoakantse, ba ba ba e fosa. Empa, lea tseba hoba Jesu ha a tla khahlano le Lentsoe. O tlie ho latela Lentsoe, empa khahlano le botoloki ba bona. Lea bona? O rutile lintho tse khahlano le thupello ea bokereke ba bona ka Eëna.

²⁶⁸ Joale, ba itse, joale, ho tea mohlala, “Mohla Messia a tlang, ruri, O tla nyolohela tempeleng a re, ‘Kaiafa,’ kapa ho moprista ofe e moholo, ‘Ke se ke fihlile.’ O tla fihla ka

litumeliso tsa Mangeloi a limilione tse leshome. Ebe Molimo o re, ‘Ho lokile, lōna mathaka, a tlase mono, le hlile le—le kereke e matla. Le batho ba Ka. Mona Ke tli'l'o sotha ntho ho lepeletsa liphasichi tsa Leholidō. Ke le romela Messia, hoseng hona. Ke tla e lihela hantle kahara setša mono, batho bohle ba tle ba eme ka mathoko.’ Ho re, ‘Ngaka *Sekete-kete*, uena le Ngaka *Sekete-kete*, le eme sehloohong, le Mo lumelise pele, lea bona.’”²⁶⁹

²⁶⁹ Joale le kajeno ba batla ba nahana joalo. Joale, kea tseba hore e batla e... E utloahala e le khopo. Empa ha ke etse... Ke mpa ke leka ho taka ntlha.

²⁷⁰ “‘Me—’me, mono, e tla etsahala joalo. ‘Me haeba e sa etsahale joalo, ha ea loka; ke antikreste. Lea bona? Ha e sa etsahale joalo feela, ke antikreste, lea bona, e ke ke ea eba eona. ‘Me ka hona, hape, ho tla ba le... Hape, ntho e latelang e tla theoha, e tla ba tumeliso ea Mangeloi a limilione tse leshome, a tšoereng liletsa. ‘Me a tla ema kahara setša mono, moo Salomone a hahileng tempele, ‘me, oh, holimo-le-tlase mona, nqalong ena eo ho shoeletseng bahalaleli le bahale, le ba joalo!’”

²⁷¹ “E,” Jesu o itse, “lōna baikaketsi! Lōna bana ba diabolosi!” Ha thoe, “Le khabisa mabitla baporofeta, athe bontata lōna ke bona ba ba kentseng teng.” Ke hantle. Ke hantle. Lea bona? “Ke banna ba bakae ba lokileng le baporofeta ba rometsoeng ho lōna, ‘me le bolaile e mong le e mong oa bona!” Lea bona? Empa seo A se bitsitseng se “lokileng” mohlang oo ke sefe? Ke seo ba se bitsang, “mahlanya le mesollane.” E.

Mono, ba ne ba e hopotse e tla hlaho joalo.

²⁷² Empa, mohla, A ne a fihla setaleng, a tsoaloa ke—ke moroetsana, ka ntate oa nakoana oa ‘metli ea paala, le ka—ka ngoanana, ea sa tsejoeng. Lea bona, hase morali oa moprista e moholo, le eng hape. O—O tlide joaloka... o qalile e le mofumahatsana ea phetseng tlase kahara—kahara nthoana, naheng ea khale e khohlahetseng e bitsoang Nazaretha. ‘Me e le monna shoetoeng ke mosali ea paala; mosali oa hae a shoele. A ena le bana ba ‘maloa; Josefa. ‘Me—’me o ne a lebelelitsoe. Eaba hape O fihla a qhoaetsoe lebitso le lebe, le ho qala. Ba Mo tlalehile a tsoaletsoe bonyatsing. Oh, khili!

²⁷³ Taba eo ea hla ea kurutletsa temalo ea bona ka thata. Lea bona? Likakanyo tsa thuto ea bona ha lia khona ho e metsa. Botoloki ba bona ba Mangolo ha boa tseba letho le joalo, empa koana e ne e le HO RIALO MORENA. Oh, khili!

²⁷⁴ Kea tlakasela, ha ke e nahana, ‘me ntho eo ke e bona e boela e hlaho. Molimo a ke ke a fetoha le ka mohla.

²⁷⁵ Hora ea leshome le metso e ‘meli e se e otile. Re tla etsa feela... Na nka qetela, kapa feela... [Phutheho e re, “Che. Qhoba.”—Mong.] Kea le leboha. Tholang nakoana feela,

lea bona. [“No tsoelapele feela.”] Joale, taba ena, mona ke hahela Molaetsa o tlang motheo, lea bona. ’Me ke tla leka ho le qhalanya ka potlako feela, mohlomong metsotsong e latelang e leshome kapa e leshome-hlano, haeba re ka khona. Molimo a le hlohonolofatse.

²⁷⁶ Lemohang, joale, e nyatseha haholo, hoo e—e—e bileng ea fosa letheba, ho bona. Empa e otile botsekeng ho Molimo. Lea bona, e otile Lentsoe. O tlie hantle kamoo A boletseng. Empa, bao, botoloki ba bona bo ne bo fositse. Botoloki ba moloaneli mehleng ea Moshe bo ne bo fositse. Botoloki ba mehla ea Nohe bo ne bo fositse, lea bona, Molimo o tla ho latela Lentsoe la Hae.

²⁷⁷ ’Me Jesu o tlie, ’me O—’me O rutile lintho tse khahlano. “Ekare ha U le Messia, etsa *hore-le-hore*,” lea bona. “Ekare ha U le eèna, theoha sefapanong u re pakele eona hona joale.” Lea bona? Empa Molimo o ne a sa soasoe le batho. Molimo o etsa feela lintho tse khahlehang le tse molemo.

²⁷⁸ Ba hopotse motho Ea joalo a tlamehile ho lepella a teetsoe hare a thoholetsoa ke Mangeloi. Empa O tlie ka setala. ’Me, ho latela setso sa bona se bentšitsoeng, e n e le bosaoana ho motho ea tloaelehileng ho nahana hore Molimo o Matlaohle, Jehova e moholo ea matla, Mong'a lefatše le ea hlolileng ntho eohle, o hlollehile ho hlaphisetsa Ngoana oa Hae ka Sebele nqalo eo a tsoalloang ho eona, e molengoana ho feta holima qubu ea moiteli. Ho ka ba joalo... Lea bona?

²⁷⁹ E ne e le eng? Molimo ka ho nyatseha. Ke sona se Mo entseng ea moholo hakaalo. Lea bona, setso sa thuto ha se khone ho inyenefatsa hakaalo; lea bona, ha se khone ho e mamella. Empa Molimo o phahame hoo A ileng a Itheolela nthong eo, ho se le liaparo tse apesoang Ngoana Hae ka Sebele. E nahaneng! ’Me lefatše... Ha ho a fumanoa sebaka tlung ea baeti. Eaba O feta a kena setaleng sa likhomo, ke nthoana—ke nthoana ea chebele, ke—ke lehaha le lenyenyan, joalo, motšeо mosikong oa leralla. Eaba Mora Molimo o hlahela holima moalo oa joang. Oh, keha e fapane haholo le kopano ea holimo mane...

²⁸⁰ Le ’mè oa Hae e se e tla ba ’mè. A fihleloa e le moimana, oh, likhoeli le pele ba lebeletsoa lenyalong... kapa le pele a nyaloa. Lea bona? E se e tla ba ’mè. ’Me batho ba e bone, ’me ba tsebile litaba li eme tjena. ’Me, Maria, pelōng ea hae, o tsebile se ntseng se etsahala.

²⁸¹ Le Josefa keha a sa utloisise. Empa eaba Lengeloi la Morena le ipontša eèna bosiu, la re, “Josefa, u mora oa Davida. U se ke ua tšaba ho inkela Maria mosali oa hao, kaha ho se letho le lebe, empa ke ketso ea Moea o Halalelang.” Eaba ke phetho. Monna eo, Josefa, ea holehaneng le Molimo hakaalo, hoo Molimo o bileng oa bua le eèna.

²⁸² Empa kajeno re itikentsa ka lijase tsa bokereke ba rōna ho fihleloa ho se letho le ka buisanang le rōna, haese sehlopha sa

bokereke ba rōna. Ha ke batle ho khohlahala ke tlala bokhopo, ka hona ke tla e tlohela hona mono. Lemohang. Empa le utloisia seo ke se bolelang. Lemohang.

²⁸³ Setala e ne e le bosaona, ho bona, bao ba mathumisa. Ha re fumane le rekoto ea mohla A tsamaileng sekolo letsatsi le le leng; 'me koana, mohla a leng lilemo tse leshome-peli, moshanyana ea paala o ile a tarakanya baprista lihlooho kahara tempele, ka thuto ea Hae. Oh, khili! E ne e le eng? Molimo o ne a Ipatile...?... Ke ikutloa ke halalela hona joale. Molimo o Ipata kahara moliko. Molimo o Ipata kahara Ngoana e monyenyane. Lea bona? Shebang, e tla ipepesa, ka mora nakoana, leha ho le joalo, lea bona. O ne A tlamehile joalo.

²⁸⁴ Enereha A kena literateng, batsoali, ntle le pelaelo, ba bue ba re, "Le se ke la bapala le Ngoana eo. Le se ke la amana le Eèna ka letho. 'Ma'e ke seotsoa se tlase, lea bona. 'Me, ntate le 'mè, Lesea le hlahile... Le pele ba chata, keha e se e le moimana. Le se ke la amana le eona ka letho."

²⁸⁵ Seo Maria a neng a se hopotse! Empa, holima tsohle, ho sa tsotellehe seo ba kantle ba se hopotseng, a 'na a nahanisisa lintho tsena tsohle. Ba li pata pelōng tsa bona. Ba tsebile. Ba ne ba sa khone ho e bua hampe.

²⁸⁶ Molimo o bua le motho oa Hae, ka linako tse ling, ho thoe, "Khutsa u re tu. U se ke ua bua letho ka eona."

²⁸⁷ Ke fumana batho likopanong tsa ka ba ba re, "Be, ha u le mohlanka oa Kreste, ua tseba ntho *ena* e a etsahala tlase mono."

²⁸⁸ Ehlide, ke e tsebile. Empa o tla etsang haeba A re, "Khutsa u re tu. U se ke ua bua letho ka eona"?

²⁸⁹ Nkile ka nka banna tsatsi le leng, 'me ka ba bontša, bukeng. "Ntho e buile, lilemo tse ngata tse fetileng," ka rialo.

Ho re, "Be, ke ne ke sa e utloisise."

²⁹⁰ Ka re, "Lea bona mono?" E ne e le eona, morao mona, ke ngotse letsatsi le ntho eohle, mohla e ne e etsahala morao mono. Batho ba bangata ba e bone bukeng mono. Ka re, "Mohlang oo sena se tla etsa *sena* le ka mokhoa *oane*."

²⁹¹ Ho re, "Be, hovaneng u sa bua letho ka eona?" E tso-... E ne e tlamehile joalo. Lea bona?

²⁹² 'Me Josefa o tsebile ntho e fapaneng. O tsebile hore Lesea leo e ne e le la Mang. Maria o tsebile hore E ne e le la Mang. Jesu o tsebile hore Ntate oa Hae e ne e le Mang. O itseng? "Ke tšoanetse ho ba mosebetsing oa Ntate oa Ka." E seng ho sehla patsi le—le ho betla monyako; empa mosebetsi oa Ntate oa Hae. Amen. A borella 'mè oa Hae, "Ha u utloisise ke'ng, 'Na, ke nako ea hore Ke be mosebetsing oa Ntate oa Ka?"

²⁹³ Joale, ba hopotse, "Ngoana enoa ea letlaila..." Ngoana ofe oa bonyatsi e batla e le mokhelo, o a hlopha, le hona. 'Me

ke moo, lea bona, empa, Molimo o ne a Ipatile. Mamelang. Molimo o ne a Ipatile kahara se hopotsoeng, ke lefatše, e le, "Tšila, bobolu, le bonyatsi."

²⁹⁴ Shebang, Molimo o Ipata kahara peō e shoeleng e bolileng, ho hlahisa bophelo. Lea bona? Lea e tšoara na? [Phutheho e re, "Amen."—Mong.]

²⁹⁵ Molimo o Ipata kahara mosajana ea hlatsoang, ea tlase. Kapa monna oa tloaelo ea khoaetseng tinara tlasa sephaka sa hae, ea akang mohatsa'e le bana a ba salisa hantle, 'me a tsoela kantle mono, 'me mohlomong a Ipatile kahara monna eo ho etsa seo arekabishopo a sa tsebeng letho ka sona. Lea bona? Ha u Mo utloe a butšoela manaka ho e romela kantle. Eèna, Molimo, o ithuela tlotliso, ke phetho. E utluoa ke ba tlase 'me ba nyakalla, lea bona.

²⁹⁶ Joale, Molimo o ne a Ipatile ka ho nyatseha ha Lesea, a Ipatile ka ho nyatseha ha lelapa le—le ithobileng. Molimo! 'Me bakereki, le banna ba phahameng, kelello, mohlalefi ea hloahloa, le—le bao bohole, le boHeroda, le ba joalo, ba letsatsi leo, le baNero, bao bohole ba e tlolisitse mahlo. Molimo o ipatile ka ho nyatseha.

²⁹⁷ Joale, ka potlako. Johanne Mokolobetsi, ho Esaia 40. Re ka tšoarana le eona ha le batla. Malakia 3. Eohle, yaa, le ka e tšoaea ha le batla. Esaia 40, kaofela, lea tseba, e bua ka khotsa ho ba...ka mokhoa oa eona. Mohlomong nka...Ho ka ba molemo ha nka—nka—nka e bala mona, haeba le na—le na le nako e kaalo. [Phutheho e re, "Amen."—Mong.] Ha re e etseng, motsotso feela. Re tla phetla mona Bukeng ea Esaia, kaholo ea 40, le—le ho bala mona ho bona seo a buang ka eona joale. Shebang mona, "Tšelisang, tšelisang batho ba ka." Joale, le hopole, mona e ne e le lilemo tse makholo a supileng le leshome le metso e 'meli. Shebang sehlooho sa litaba mono, lea bona. Lilemo tse makholo a supileng le leshome le metso e 'meli pele a tsoaloa, moporofeta ke enoa o bua ka eèna.

Tšelisang, tšelisang batho ba ka, ho bolela MORENA oa rōna.

Bolellang Jerusalema mantsoe a tšelisang pelō ea hae, le mo hoeletse, hore kholeho ea hae e felile, molato oa hae o lefiloe: le hoba o amohetse letsohong...MORENA habeli ho lekanang le libe tseo tsa hae kaofela.

Lentsoe...ea hoeletsang feelleng le re, Hlekang tsela ea MORENA feelleng, le latse tsela ea hae nahathote, 'mila oa Molimo oa rōna.

'Me liphula tsohle li katoe, lithaba kaofela le maralla ohle a kokobetsoe: libaka tse litutulu li batalatsoe, hohle moo ho leng makukuno...ho tla etsoa ho latsoe:

²⁹⁸ Oh, khili, khili! E ne e tla ba monna ea mokakang! Lea bona? Joale phetlang le 'na, ho Malakia, Buka ea ho qetela

ea...ke ea ho qetela ho baporofeta ba Testamente ea Khale. Joale, ho Malakia, mamelang mona. Malakia o e thonaka, hantle feela nakong qetelo, ka hona le kholisehe le se e lebale. Malakia, khaalo ea 3.

*Bonang ke tla lengosa la ka, le tle le hleke tsela
pela ka: 'me hang Morena, eo le 'matlang, o tla kena
tempeleng ea hae, e leng lengeloi la selekane, eo lōna
le le lakatsang: bonang, o a tla, ho bolela MORENA oa
makhotla.*

²⁹⁹ Le sa ntse le bua ka Johanne, “Ho roma lengosa la Ka pela Ka, le tle le hleke tsela.” Jesu o buile ka lona, ho Mattheu 11:10, ha thoe:

*Haeba le fèla le ka e amohela, ke eèna ea boleloang
moo ho ngoliloeng, Bona, ke roma pela sefahleho sa
me lenqosa la ka, . . .*

³⁰⁰ Lea bona? Ke hantle. Joale, kamoo sena sohle se builoeng! Mohlang oo, lilemo tse makholo a supileng, lenqosa le ne le tla fihla le etelle Messia pele. Empa mohla a fihlileng temeng, ka ho nyatseha ho hokaalo, ba mo fositse. Ba mo fositse.

³⁰¹ Joale, hopolang, e ne e le mora oa moprista. Be, bonang bosaoana ba hae ba ho se latele phaposi ea ntatae, ka ho khuttlela k'holesheng ea thupelo. Empa tšebetso ea hae e ne e le bohlokhoa haholo. Mohla a leng lilemo tse robong, o kene nahathote. Eaba o tsoa teng, a ntse a rera. Ba ile ba e fosa. O ne a le tlase haholo, a le tlase hakaalo, nqa thuto ea bona e thumisitsoeng ho lumela ho ea joalo. Ba ile ba nahana, monna enoa mohla a fihlang . . .

³⁰² Le reng ka, “Libaka tsohle tse litutulu li latsoe, liphula tsohle li katoe, hohle moo ho leng makukuno ho latsoe”? Davida o e bone, eaba o re, “Le—le lithaba li tla thala joaloka lipheleu tse ncha, mahlaku ohle a ope liatla tsa oona.” [Moena Branham o opile liatla tsa hae makhetlo a ’maloa—Mong.]

³⁰³ Eng? Na e etsahetse? Monnamoholo ea makhisa joalo, a sa ruteha ho hang, a itlamile ka letlalo la nku, o tlie a tetema a tsoa nahathote ea Judea, a ntse a re, “Bakang, hobane ’Muso oa Maholimō o atametse. Athe lōna sehlopha sa linoha, le se ke la re ka ho lōna, ‘Ke setho sa mokhatlo o itseng.’ Molimo a ka tsosetsa Abrahama bana le ka majoe ana.” Khili!

“Be, hase eèna eo. Re mo tseba e se eèna.”

³⁰⁴ Empa e ne e le eèna! Lea bona, o ne a hleka tsela. Lea bona? Ke hona mohla libaka tse makukuno li ne li batalatsoa. Ke hona mohla litutulu li ne li kokobetsoa. “Le se ke la re Abrahama ke ntata lōna. Le se qale la mpolella eona, hoba Molimo a ka tsosetsa Abrahama bana le ka majoe ana.” Libaka tse litutulu li ne li kokobetsoa. Oh, khili! Ke eona. E. Na le bona phapang? O boletse e le sona se tlang ho hlaha.

³⁰⁵ 'Me eitseha ba fihla, ba ile ba nahana, oh, khele, ba ne ba itokiselitse ho mo amohela, hola a kena mokhatlo oa bona. Empa kahobane... O tlide ka mokhoa oo, ka tsela e nyatsehang. Feela, ka tlhaloso ea Mangolo, libaka tse litutulu li ne li kokobetsoa. Keha ba sa batle ho e amohela, empa ba ne ba le joalo.

³⁰⁶ Moshaana, o hlile a ba kuta shoe. A ba bua letlalo. Ho re, "Lōna bomarabe! Lōna le linoha tsa joang! Kea le bolella, selepe se behiloe motsong oa sefate. 'Me sefate sefe se sa beheng litholoana, sea rengoa se lahleloa mollong. 'Na ke le kolobetsa ka metsi, e Mong o tla ka mora ka, Ea mphetang ka boholo; O tla le kolobetsa ka Moea o Halalelang le ka Mollo. 'Me seoloso sa Hae se letsohong la Hae. O tla fiela liotlo tsa Hae ruri. 'Me O tla lika-... ho chesa mooko; koro eona a e ise molikong." Amen.

³⁰⁷ Ke mohla libaka tse makukuno li ne li batalatsoa, lea bona, feela batho ha ba ka ba e tšoara. Empa e khema le Lentsoe hantle feela, hantle feela kamoo Lentsoe le e buileng. E nyatseha, hoo ba e fositseng. Ba sitiloe ho e bona.

³⁰⁸ Le se ke la foufala hakaalo. Lea bona? Le se ke la foufala hakaalo. Ka baka leo, le mamele, joale.

³⁰⁹ Ba ile ba e fosa. O ne a nyatseha haholo, ho latela tumelo ea bona e kakaretsang mabapi le motho ea joalo, hoo a bileng a e fosa. Hape, e ne e le eng? Molimo, e leng Lentsoe, o ipata ka ho nyatseha; hase moprista ea sothileng lepetu la hempe, ea masene, ka thuto.

³¹⁰ Jesu o ba botsitse hona hoo. O itse, "Le ne le tsoile ho bona'ng?" Mohla ho fihlang barutuo ba Johanne. Ho re, "Le ne le tsoile ho bona'ng? Ana le ne le tsoile ho monna ea apereng likobo tsa baprista, lea tseba, ea likobo li bonolo," A re, "e—e—e—e moreri oa mofuta oo?" A re, "Ana le ne le tsoile ho bona hoo?"

³¹¹ Ho re, "Che. Mofuta oo o aka masea, 'me, lea tseba, o pata bafu. Bao, ha ba tsebe letho ka sabole e leolitsoeng ka nqa tse peli ka pele mabaleng a ntoa. Ba neng ba tsoile ba hlahisa puo e itseng ea bohlalefi, ba etetse Tlelapo ea Kiwanis kapa ntho e itseng, lea tseba. Ba itoketse mono. Empa haele ho tsoela mono ntoeng, ho e tjamela, ha ba tsebe letho ka eona. Bao—bao, ba ahile matlung a marena. Ba itsoaka le likhalala tsa mofuta oo."

³¹² Empa ho re, "Ebe le ne le ile ho bona'ng? Ana le ne le tsoile ho bona lehlaka le tsukutloang ke moea ofe feela? Monna ea ka reng... Motha ea reng, 'Lea tseba, u setho sa—setho sa Bonngoe; empa ha u ka fallela koano Assemblies, ke tla u bolella seo ke tla se etsa, re tla—re tla e etsa...' 'Ke kholoa ke tla etsa joalo.' Huh! Lehlaka, le tsukutloang? E sang Johanne. Che, che. Che, che. 'Ha u ka tla, oa fetoha Mosadusi e sang Mofarisi, kapa ntho e itseng, le hona?' Ha lea bona ntho e tsukutloang ke moea; e sang Johanne." Che, monghali, moena; e sang eëna.

³¹³ O itse, “Ebe le ne le ile ho bona’ng? Moporofeta?” Ho etsa joalo ho qosa moporofeta, lea bona. A re... Joale, boo e ne e le bopaki ba moporofeta, lea bona, ba Lentsoe la Molimo le nang le eèna. Lentsoe le tla ho moporofeta. Lea bona? Ho re, “Le ne le ile ho bona’ng? Moporofeta?” Ho re, “E, ke hantle. Empa, Ke re ho lōna, ke ea fetisang le moporofeta, hoba e ne e le eèna.”

³¹⁴ Hobaneng a ne a fetisa le moprofeta? E ne e le lenqosa la Selekané, ehlide bo, ho hokanya tsela lipakeng tsa molao le mohau. E ne e le lejoesenotlolo, kahare ka mono, le kileng la boleloa.

³¹⁵ O itse, “Ha le ka e amohela, ke eèna eo moporofeta a ‘moletseng, ‘Bona,’ ho Malakia 3, ‘Ke ea romá lenqosa la Ka pela sefahleho sa Ka, lea bona, a tle a hleke tsela pela Ka.’” Lea bona? Oh, o ne a nyatseha haholo. Molimo o boela a ipata ka ho nyatseha.

³¹⁶ Le boele le shebe seo a se entseng. O rerile ka ho tla ha Kreste ea matla, “Seoloso sa Hae se letsohong la Hae. O tla... O ntse a hleka tsela ea Hae. Moshaana, ke re, O tla fiela liotlo tsa Hae ruri. O tla phutha matlakala, a fiele a chese, le hona. Ke hantle. Koro eona a e nke a e bokelle molikong.” Lea bona, o ne a bululetsoe.

³¹⁷ Empa mohla Jesu a ne a fihla, keha ba shebeletse... Le baapostola bao bohle, lea tseba, keha ba shebeletse ntho ea tonana. “Khele, khele! Oh, O a tla. Ke phetho. Moshaana, O tla ba moholo. O tla rahaka Maroma a falatse holima lefatše. Khele! Bagerike bao bona A ba lelekele nqa *ena*, le Maroma nqa *eane*, mohla A tlang.”

³¹⁸ Mohla A ne a fihla, keha e le mothoana ea ikokobelitseng ea tjebeloang koana le koana. E ne e le eng? Molimo o Ipatile ka ho nyatseha. Oh, khili!

³¹⁹ Eaba O ema qetellong ea Molaetsa oa Hae, ho re, “Ke mang ea ka Nqosang ka sebe? Sohle seo Bibebe e boletseng Ke tla se etsa... Ekare ha Ke sa etse mesebetsi ea Ntate oa Ka, le ka Nqosa. Empa Lengolo le itse Ke tla etsa’ng, leo Ke sa le etsang?” Sebe ke ho se lumele, lea tseba. “Ke mang ea ka Nqosang? Ekare ha Ke leleka bademona ka menoana ea Molimo, joale Mpotšeng na lōna le etsang ka eona.” Ho nyatseha!

³²⁰ Esitile A inehetse ho isa lefung! Empa, oh, hoseng hoo ha Paseka, allelua, ke hona moo A fietseng seotlo. A phophothela matlakala ntle, ke hantle, moena. E, ehlide bo. Koro eona ea koalhoa molikong. E robetse mono mobung, Bophelo Bosafeleng bo ahile kahara eona, e emetse Letsatsi le leholo leo re tla bua ka lona, ho Tla ha Morena, mohla bophelo boo bo boelang bo Phelisoa; ‘me re tla tsoha tsohong eo, re nkoe le Eèna ‘moho sebakeng, ho bokelloa Molikong. Athe matlakala a tla chesoaa koana; lekhapatla le ikuharileng, le lekileng ho

E hulela ka *mona* kapa ka *mane*, le tla chesoa ka mollo o sa timeng. Amen. Oh, na ha A babatsehe? [Phutheho e re, "Amen."—Mong.]

³²¹ Ba ile ba Mo fosa, Molimo ka ho nyatseha. Hobaneng? Hobaneng? Ha A rera ho latela lipeelo tsa bokereke. Ha A etsa joalo. Ha A rera joaloka moreri. Lea bona? O rerile joaloka e...O sebelitse lipolelo tse nyatsehang tsa Molimo, lipolelo tse kang "selepe se behiloe," lipolelo tsa "sefate," lipolelo tsa "linoha." Hase mosuoe ea itseng oa k'holeshe ea thupelo, ea kang oa bokereki ba letsatsi, ea kang Ngaka ea Bolumeli, Ngaka *Sekete-kete*. Ha a etsa joalo. O rerile joaloka rameru ea ka ntle koana. O buile ka lilepe, le lifate, le linoha, le lintho tse kang tseo, le koro, le meliko, le ntho eohle ka mokhoa oo. Kajeno, a ka nkuoa, kea kholoa, e le moreri oa sefala sa maiqapelo. Kea kholoa O bitsitsoe "moreri oa kutu" letsatsing leo, a eme holima kutu tlase mono pela Jordane. Mohlo... Molimo ka ho nyatseha, a ipatetse bohlale ba lefatše.

³²² Joale ha re fumaneng. Jesu o itse, "Kea U leboha, Ntate, lintho tsena U li patetse ba bohlale ba lefatše, u tla li senolela masea a batlang ho ithuta." Lea bona? Molimo ipata ka ho nyatseha, ka ho Kreste. Molimo o ipata ka ho nyatseha, ka ho Johanne. Lea bona? Feela... Lea bona, E—E ne e le... Nahanang feela, Molimo ka ho nyatseha, e leha a Ipatetse bohlale ba lefatše.

³²³ Joale re tla koala, motsotsong feela, kapa e mebeli, hoba ha ke sa batla ho le tšoarella ho feta mona.

³²⁴ Shebang, ha re emiseng motsotsuo feela, ka ntho e nkamang. Le nahane ka letsatsi leo re phelang ho lona, ho qetella taba ena. Le nahane ka letsatsi leo re phelang ho lona, mohla Molimo a theohelang kahara nqalo e ithobileng esale re ahile ho eona, ho folisa bakuli. Athe barui, le baikakasi, le barutehi ba qahameng, "Matsatsi a mehlolo a fetile. Pholiso ea Khalalelo ha se ntho e leng teng."

³²⁵ Le hopola Molaetsa oo ke o rerileng hantle setšeng sena sa mobu, hoseng mohla ke tla tsamaea, ka Davida le Goliathe?

³²⁶ Ho re, "U tla khahlana joang le lefatše le rutehileng kantle mono, Moena Branham, ka sena Sohle?"

³²⁷ Ka re, "Ho re ke khahlana le lona joang ha e batle 'na. Molimo o itse, 'Tsamaea.'" Lea bona? Ke phetho, lea bona. Ke Lentsoe la Hae. O E tšepositse. Hora e fihlile mona.

³²⁸ Mohla Lengeloi leo, le le bonang setšoantšong mono, le theohelang holima noka mono tsatsing leo, lilemo tse mashome a mararo tse fetileng Phupjane ena e tlang, kapa lilemo tse mashome a mararo le metso e meraro tse fetileng, ke rialo, Phupjane ena e tlang; ho itsoe, "Joaloka Johanne Mokolobetsi a ronngoe," ka pela batho ba likete tse hlano kapa ho feta, "hora e tlie eo Molaetsa oa hao o tla ralla lefatše."

³²⁹ Le sa hopola nyatso eo, ho mang feela oa lōna mono. Kea kholoa, Roy Slaughter, kapa bang ba bona ba lutseng mona, ba ka hopola letsatsi; kapa ba bang, Mof. Spencer, kapa—kapa mang oa batho ba holileng mona ba ka—ba ka e tsebang, lea bona; George Wright, kapa bang ba bona, lea bona, le tseba seo, hore ho bile joang. Empa na O e phethile? [Phutheho e re, “Amen.”—Mong.] E khonne.

³³⁰ ‘Me hape khabareng, mohla ba se ba latotse, ’me ho thoe, “Ke pholiso ea kelello feela.” Eaba Molimo o hlanoha a romela matsipane oa khale, ea semumu ka mono, eaba o folisoa ke Matla a Molimo.

³³¹ Lyle Wood le Banks, mohla re ne re lutse tlase mono, ’me u tseba ’Nete ea Molimo e nēpahalitsoeng. Mohla, hlatoana, ea khale e shoeleng, e sa tsebisahaleng, e robetseng holima metsi. Eaba Moea o Halalelang o bua, letsatsi pele ho moo, hore O tla ba bontša Khanya ea Hae le ho etsa ho hong ka eona. ’Me mono hosseng hoo, eare ho sa engoe mono, Moea o Halalelang oa theohela sekepeng seo, eaba ke ema ke buisana le hlapi eo. E robetse holima metsi, e se e shoele, sebaka sa bohare ba hora; mahanagan a eona le likahare li tsoule le molomong oa eona. Ea boela ea phela, ’me ea sesa e itšoanelia le hlapi efe. Ke eng? Molimo o Ipata ka ho nyatseha.

³³² Molimo o ka tsosetsa Abrahama bana le ka majoe ana. Molimo o ka folisa matsipane, kapa hlapi, kapa eng le eng. Haeba A tlisa Molaetsa oa Hae, ’me batho ba sa O lumele, Molimo o ka tsosa matsipane ho O lumela. Alleluia! Molimo o ka tsosa hlapi e shoeleng. O ka tsosa matsipane ea shoeleng. A ka khona. A ka etsa sohle seo A batlang ho se etsa.

³³³ Ke khalemelo e kakang ho sechaba sena! Holima E ba khopa, ’me ba ngangisana ka Eona, ’me, “Ha u a etsa *sena* le ho etsa *sane*.” Ebe Molimo o romela phootsoana e nyatsehang kahare. Lea bona? Ke khalemelo e kakang! E ne e le eng? Molimo ka ho nyatseha, lea bona, o Iponahatsa boholo, oh, khili, ho khalema banna ba moloko ona, kapa ho se lumele ha bona.

³³⁴ Joale, hona joale ba nahana joaloka kamehla, e tlameha ho etsoa ka tsela ea bona. “Joale, efèla ha pholiso ea Khalalelo e le teng...” Joalokaha, ke boleletsoe ke monna oa Mokatolike. Mothaka, bosiu bo bong, o mpoleletse ka eona. Lea tseba ka eona. Ho re... Ayers enoa, eo ke tlolaheng ho ea ’mona mabapi le moshanyana oa hae mono Houston, o itse—o itse, “Be, joale, efèla—efèla holane e le neo ea Molimo, e tla tlameha ho kena kahara kereke ea Katolike.” Lea bona? Lea bona? Yaa, le Mamethodise a ne a hopotse E tla tlameha ho kena kerekeng ea bona. Le Mapentekosta a ne a hopotse E tla tlameha ho tla kerekeng ea bona. Empa ha E a kena ho efe ea bona.

³³⁵ E tla ka Matla a tsoho ea Jesu Kreste ea Iponahatsang. Ke hantle. Ehlide, O etsa joalo. Yaa. E shebeng feela. U se ke ua E lumella ho u feta. U E boloke tlasa pelō ea hao—ea hao, 'me u E hopole. O E nahanisise mono.

³³⁶ E tlameha ho tla ka tsela ea bona, bakeng sa bona, e tsoa mokhatlong oa bolumeli ba bona. "Me ha e sa sebetse joalo, hase Eèna, lea bona. Ke saek'holoji e paala, kapa ke diabolosi. Ke e—ke e... Hase Molimo. Hobane, holane e Molimo, A ka be a tlide," ka tsela ea bona, lea bona, "ho latela kamoo re Le tolokileng."

³³⁷ Jesu o ne a tlamehe ho tla joalo ho Bafarisi. E ne e tlamehile joalo. Lea bona? Haeba ntho ea bona... Haeba Molimo a tla—a tla ba romella e—e Messia, mokhoa oa ho tla ha Hae keha ba o tolokile kaofela. 'Me kahobane A tlide ka mokhoa o fapaneng, eaba, "E ne e se Messia. E ne e le ntho e itseng ea bonyatsi. E ne e le Belsebule." Empa keha e le Molimo o ipatileng ka ho nyatseha.

³³⁸ Moetellipele eka khona ebe monna ea rutehileng eo bona... Be, e mong, ntle le pelaelo... Letsatsi ka leng, selemo se seng le seng, yaa, ba ne ba tlotsa bareri ba bona ba ba roma ho tsoa boromuoia, ho ea tsoma le ho ea thaotha; e mong le e mong a nahane, "Moetelli eo o tla hlaha mona." Empa Molimo o mo hlahisitse nahathote eo ho se nang k'holeshe ea thupelo ho hang, lea bona, le lintho tse joalo. Lea bona? Molimo o Ipata ka boikokobetso le ka ho nyatseha.

³³⁹ Empa joale beang butle. Ho koaleng, re bua sena. Empa ho latola Molaetsa o nyatsehang oa Molimo; ho—ho—ho O latola, tsela e nyatsehang ea Molimo, ke hona ho timetsoa ka Bosafeleng. Joale, e hakaalo... Re bua ka ho nyatseha ha Eona, 'me batho ba nahana, be, ba ka E tšeha ba E tlola holimo, 'me ba E tšoare ka ho rata ha bona, empa ke karohano ea Bosafeleng hole le Molimo.

³⁴⁰ Ba shoeleng matsatsing a Nohe, 'me ba sa utloa molaetsa oa hae, ba timetse. 'Me Jesu o ile a ba bolella ba tlamiloe ka mahlaahlela a lefifi, lefung la Hae, pele A nyoloha. 'Me O ile liheleng, ho ea bolella meeaa e neng e le teronkong, e sa kang ea baka mamellong ea matsatsi a Nohe; mohla molaetsa o nyatsehang oa Molimo, o tlileng ka monna ea nyatsehang, o ne o boleloa. O ile teng. A re, "Nohe o boletse Ke tla fihla mona, 'me Ke 'na enoa." Ke hantle. Lea bona?

³⁴¹ Bao ba sa kang ba utloa molaetsa oa moporofeta eo, Moshe kantle mono nahathote, a o filoe ke Molimo, o nt̄efalitsoe ruri ka Topallo ea Mollo, athe ba nt̄selitsoe kantle nahathote. Eaba ba leka ho ema ba bopa mokhatlo ka oona, ba timetse ebile ba shoelle nahathote, mang le mang oa bona; ntle le babeli, Joshua le Kalebe.

³⁴² 'Me koana, e—e Bafarisi keha ba foufetse ba sa bone, eaba ba hetla ba re, "Bontata rōna ba jele manna, ba jele manna nahathote."

³⁴³ 'Me Jesu o itse, "E mong le e mong, oa bona, o shoele." Ba bone Khanya ea Molimo. Ba tsamaile Leseling la... Ba tsamaile Leseling. Ba tsamaile Leseling la Topallo ea Mollo. Ba tsamaile ka pela Sefahleho sa matla a Eona. Ba tsamaile linqalang tseo ba li hleketoeng ke Moea o Halalelang ho tsamaea ho tsona. Ba jele manna a theohile Leholimōng, a hhahisitoeng ke Molimo. 'Me, ba lahlehile, ba ile liheleng. "Bao, e mong le e mong, o shoele." Ha u nka lentsoe leo, ke "likarohan ka Bosafeleng" hole le Sefahleho sa Molimo. "Bao, e mong le e mong, o shoele." Lea bona?

³⁴⁴ Mang le mang ea latotseng Jesu o timetse. Le bona seo ke se bolelang? Ho hanelo ho nyatseha hoo ha Molimo! Hase nthoana feela... U re, "Be, ke entse phoso." Ha u e sebetse joalo. Molimo ha o e amohele ka mokhoa oo. U timela, ka Bosafeleng. Re mpe re nahane ka ntho e 'ngoe. Joale, taba eo e tlameha ho suptjoa ke Molimo ka nèpahalo, lea bona, 'me haeba, ho le joalo, leo ke lona Lentsoe ja Hae. Lea bona? Oh! Joaloka bao ba hanetseng Moshe, ba hanetseng Elia, ba hanetseng Johanne, ba hanetseng Jesu, oa matsatsing a bona.

³⁴⁵ Mona, ke batla ho le bolella nthoana e itseng. 'Me, hape, ke kholoa ke sa hlabe hise haholo. Empa, shebang. Nkile ka biletsoa Houston, Texas, ho leka ho fumana teballo. Ka phutha batho 'moho, ho rera molaetsa, ho fumana batho ba tekenang teballo ea—ea mothaka enoa le mosetsana. Le tseba bothata boo ba neng ba kene ho bona. Kea kholoa le e balile pampiring. E ne e le ngoana oa lenyalo la Mongh. Ayers.

³⁴⁶ 'Me Mongh. Ayers ke eëna ea katlatitseng setšoantšo sa Lengeloi la Morena, seo le se bonang hantle mane. Ke Moroma oa Katolike; 'mohatsa'e e le Mojuda. Eaba o nyala ngoanana enoa oa Mojuda. Ba sa khone ho qoqa ka borapeli, le ka lintho tseo, ka mokhoa oo. 'Me Ted Kipperman, ea sebetsang le eëna khoebong, a ena le Douglas Studios.

³⁴⁷ Eitseha a fihla mono, moo Mongh. Best, Ngk. Best, kereke ea Baptist, a ileng a soka setebele sa hae tlasa nko ea Moena Bosworth, a e sisinya, a ba a re, "Joale katlatza setšoantšo sa ka, joalo." Ho re, "Ke tla qotsa letlalo la monnamoholo ke le fanyehe phaposing ea ka ea ho bala, e le sehopotso sa pholiso ea Khalalelo."

³⁴⁸ 'Me pele ke ea Houson, Texas, ke laetsoe ke Morena Molimo ho ea teng. 'Me ke fihlile mono ka Lebitso la Morena. 'Me le tseba ngangisano le lintho tse hlahileng. Le e balile libukeng, le linthong tse joalo. 'Me ea hlaha joalo. Eaba bosiu boo... Ho leka ho itsamaela ka boikokobetso feela.

³⁴⁹ "Khele," ba rialo, "ke sehlopha sa litlatla." Ngk. Best a re, "Bao hase letho ke sehlopha sa litlatla." Ho re, "Ha ho batho

ba joalo ba lumelang pholiso ea Khalalelo, le lintho tse joalo. Ke bohashana ba kalaka e motsarana.” Ha ba tseba hoba e ne e le Molimo ka ho nyatseha. “Khele,” ho re, “monna eo ha a fumana le thuto ea melao ea puo.”

³⁵⁰ O ne a bentšitsoe ka likhau tsohle tsa sekolo, a hopola a tla bipetsa Moena Bosworth, ka mokhoa ofe. Empa ha Lentsoe le fihla, keha a sa khone ho nonyana matla le eèna le ka karolo ea ’ngoe holima leshome. Lea bona? ’Me Moena Bosworth o ne a tseba moo a emeng teng. Batho ba habo ba bangata, ba lutse mona hantle, ba bone ngangisano eo. Eaba ke eo.

³⁵¹ Eaba o re hafela joalo, a re bitsa mphi ea litlatla. Ho re, “Ebile batho ba pholileng likello ha ba e lumele.”

³⁵² Moena Bosworth a re, “Be butle.” A re, “Ke batho ba bakae motseng ona,” ba ka etsang likete tse mashome a mararo bosiu boo, ba lutse hara röna ka mokhoa oo, “Ke batho ba bakae ba motse ona mona, ba kenang likereke tse khölö tsena, tse khabane tsa Baptise, ba ka kholisang ka setatemente sa ngaka ba folisitsoe ke Matla a Molimo esale Moena Branham e kene motseng, emang.” Ha ema makholo a mararö. “Le reng ka taba eo?” Keha e le eona. Molimo o na a ipatile ka ho nyatseha. Eaba o re, “Moena . . .”

³⁵³ A re, “Tlisa mofolisi eo oa Khalalelo. Ke batla ho ’mona a loea motho, ke tla ba bea leihlo selemo ho tloha kajeno.” ’Me Ted Kip . . .

³⁵⁴ ’Me Ayers mono, eèna ea nkileng setšoantšo, a re, “Mongh. Branham ke mouelli feela. Ke bone mosali, a metse kotolana qoqothong, ka mokho oo, ’me,” ho re, “eaba o upella mosali. Tsatsi le hlahlamang ha ke qoqa le eèna, keha kotolana ea hae e nyametse.” Ho re, “Monna eo o ne a mo upile.” ’Me, oh, a hla a nkohohlopa. A re ke tlameha ho lelekua motseng, ebile ke eèna ea tlamehang ho e etsa, lea bona, le lintho tsohle ka mokhoa oo. Lihloohto tse khölö keha li hlahile lehlakung le kapele la *Houston Chronicle*.

³⁵⁵ Ka se ke ka bua lentsoe. Ke ile koo ho etsa mosebetsi oa Ntate, ’me e le phetho; tsepama le Lentsoe leo. O ne a nthometse mono, ’me ke mosebetsi oa Hae.

³⁵⁶ Bosiung boo ha ke tsoa tlase mono, ka re, “Ha ke—ke—ke—ke mofolisi oa Khalalelo. Ha ke eèna. Motho ea rialong,” ka re, “ba phoso.” Le ho re, “Ha ke batle ho bitsoa mofolisi oa Khalalelo.” Ka re, “Haeba Ngk. Best mona a rera pholoso, a ke ke a rata ho bitsoa Mopholosi oa Khalalelo.” ’Me ka re, “Hape, haeba ke rera pholiso ea Khalalelo, ha ke batle ho bitsoa mofolisi oa Khalalelo. Empa le eèna o re hase Mopholosi oa Khalalelo; ruri, hase eèna. Le ’na ha ke mofolisi oa Khalalelo. Empa, ‘Empa re folisitsoe ka metopa ea Hae,’ ke mpa ke supa Hoo.” Lea bona?

'Me ka hona, eèna, "Masaoana!" Lea tseba, a ntse a likoloha.

³⁵⁷ 'Me ka re, "Empa haeba Sefahleho sa Molimo le neo ena, Lengeloi lena la Morena, haeba E belaeloa, E ka kholisoa." Nakong e kang eona eo, ke enoa a hlaha, a ntse a hoba a theoha. Ho re, "Ha ke sa hloka ho bua joale. O se a mpueletse." 'Me eaba kea tsoa.

³⁵⁸ 'Me eaba ke kena Houston, motseng o moholo oo, o mong oa metse e metle ka ho fetisia naheng, hohle. Ha ke kena mono, tsatsi le leng, keha motse oo e le sekhobo ho o bona. Literata li silafetse. Likhaontara tsa sebaka seo, hantle tlase Texas Avenue; 'me eaba ke kena Rice Hotel, moo likhalala tsa limovi li neng li fihlela teng, ka theohela mokatong oo o katlase, k'hefing eo, 'me siling e hohломela kahare, polastara e oetse fatše, le litšila le tšilafalo. 'Me pherekano e hara bareri e feta eo ke eso ka kapa ke e utloa bophelong ba ka.

³⁵⁹ Hobaneng? Ho hana Leseli ke ho tsamaea lefifing. Bana ba bona ke bao ba ngotsoe letotong la polao joale. Hantle. Molimo o ile oa theoha. Mohla ho nyatseha ho neng ho pepesoa 'me ho latoloa, eaba Molimo o Ipontša ka ho nyatseha.

³⁶⁰ 'Me teng ba katlatsta setšoantšo seo se haotseng lefatše. Esita le boramahlale ba saense ba Le tlalehile e le bona feela Boleng bo kaholima tlholeho bo kileng ba katlatsoa foto nalaneng eohle ea lefatše; se fanyehiloe kahara Washington, DC, ka holong ea bonono ba tsa borapeli. Ke seo, ho nyatseha ho bonahalitsoe, mohlang oo. Lea bona? Lea bona? Molimo o Ipata ka ho nyatseha, a ntano Iponahatsa. Lea bona?

³⁶¹ Joale, O ne a Ipatile lefung la Kreste, empa a Iponahatsa tshong. Oh, khili! Le joalo-joalo, le ka khona, röna feela... re ka khona... Ha e felle; ke ho lula o bua feela. Empa ke moo, lea bona.

³⁶² Ho latola hore leseli la letsatsi le chabile, ke ho kena mokatong o katlase le ho koalla mahlo a hao leseli. 'Me ke hantle. 'Me, le hopole, mokhoa o le mong oo u ka bang phoso, ke ho hana leseli pele. Lea bona? 'Me ho hana ho bula mahlo a hao, u tla phela lefifing. Lea bona? Ha u hana ho sheba, u tla bona joang? Lea bona? U hlokomele lintho tse nyatsehang. Ke lintho tse nyenyane tseo u sa li etsang, hase lintho tse khōlō tseo u lekang ho—ho li etsa. Oh, khili!

³⁶³ Hape, shebang mona, e reng ke le boelle. Ho Mal-... ho Mattheu 11:10, O itse, "Haeba le ka e amohela, enoa ke eèna." Lea bona? "Ke eèna ea rometsoeng ka pela Ka." E ne e le ho nyatseha.

³⁶⁴ O kile A botsoa tsatsi le leng, ha thoe, "Horeng bangoli ba bua ba re..."

³⁶⁵ A, A re, "Mora motho o nyolohela Jerusalema. Ke tla neeloa matsohong a baetsalibe, 'me ba tla bolaea Mora motho. 'Me O tla shoa, 'me O tla tsoha hape ka letsatsi la borarō." Ho re, "Pono ena le se ke la e bolella motho, holimo mono."

³⁶⁶ 'Me barutuo, joale le ka e nahana, barutuo ba tsamaileng le Johanne, ba qoqileng le eëna, ba jeleng le eëna, koana nahathote, ba lutse mabopong, eaba ba re, "Horeng baruti ba re Elia eka khone a tle pele? U re U nyoloha ho ea thakhisoa, le ho boela u tsoha. U Messia, hloella terone. Joale horeng bangoli... Mangolo a röna ohle a bua mona, Mangolo a bua a hlakile, ho re, pele Kreste a fihla, Elia o tla fihla pele." Yaa. Lea bona?

³⁶⁷ O itse, "O se a tlide, 'me ha le a ka la tseba." Joale, bao e ne e le bomang? Barutuo.

³⁶⁸ Mona ke tlil'o hlabevisa, nakoana feela joale, empa ha kea ikemisetsa, lea bona; metsotso e latelang e 'maloa, lea bona, motsotso o le mong feela, kapa e mebeli, hore le utloisise kannete. Na le khona ho nkutloa? [Phutheho e re, "Amen."—Mong.]

³⁶⁹ Shebang! "Horeng?" Bona banna ba tsamaileng le Kreste, "Horeng Mangolo, pele, a re Elia eka khona a tle?" 'Me e ne e le basokolloa ba Johanne ka sebele, 'me ha ba mo tseba. "Horeng Mangolo a rialo, baruti?" Le bona seo ke se bolelang? Lea bona? "Horeng Mangolo a re Elia o tlamehile a tle pele?" Barutuo ba tsamaileng le eëna, "Horeng Mangolo a re o tlamehile ho tla pele, pele ho lintho tsena, 'me a busetse lintho tsohle?" O e phethisitse, ho batho ba ka etsang halofo ea tosene, 'me e le phetho se leng teng. Lea bona? Ke phetho se neng se tlamehile ho e amohela. Ke sona se neng se tlotselitsoe ho e bona.

³⁷⁰ Jesu o itse, "O se a tlide, 'me ha lea tseba. Empa o entse seo Mangolo a 'moletseng a tla se etsa. O ba khutlisitse, lönä bohole le Nkamohetseng le lumetseng ho 'Na. O entse hantle seo Mangolo a 'moletseng a tla se etsa. Le bona ba mo entse seo Mangolo a ba boletseng ba tla se etsa. O se a tlide, 'me ha lea ka la tseba."

³⁷¹ Na le itokisitse? Ke batla ho le harola letsoalo nakoana. Le Hloibilo e tla ba joalo. E tla ba ntho e nyatsehang haholo, ntle le pelaelo e tla itšoanelo, Hloibilo e tla fihla le leng la matsatsi ana 'me ha ho motho ea tla tseba letho ka eona. Joale, le se ke, le se ke, le se ke la ema joale, le mpe le bale motsotso feela. Ruri joale kea koala. Hloibilo e tla hlaha ka ho nyatseha hona le likahlolo li tla theoha, 'me ba tla bona Mora motho, 'me ba tla re, "Na re ne re sa lokela ho fumana *hore-le-hore*? 'Me na Elia o ne a sa lokela ho romeloa ho röna? 'Me na Hloibilo e ne e sa lokela ho hlaha?"

³⁷² Jesu u tla re, "E se e fetile, 'me ha lea ka la e tseba." Molimo ka ho nyatseha. Lea bona?

³⁷³ Joale, vekeng ena re tla kena thutong e tebileng haholo ka . . . ? . . . Joale, lemohang, Hloibilo e tla tjena, ho tla kena ba 'maloa haholo ho Monyaluoa eo! E ke ke ea ba . . .

³⁷⁴ Joale na le bona kamoo mesuoe e tšoereng kateng? Ba takile lichate, 'me ba tloha, ba bontša mona ho nyoloha batho ba limilione tse leshome; Bamethodise bohole, haeba e le moreri oa Methodise; haeba e le Mopentekosta, Mapentekosta ohle a tla tla. E ke ke ea e ama ka letho.

³⁷⁵ E tla ba tjena, mohlomong ho tla tsamaea a le mong Jeffersonville, ho nyamele motho. Ba tla re, "Be, ha u eso . . ." Ba bang ba ke ke ba tseba. Georgia ho tla tsamaea a le mong. Lea bona? Ho tla tsamaea a le mong Afrika. Ha re re batho ba makholo a mahlano, ba phelang, ba tla fetoloa. Joale, oo hase—oo hase 'mele oa kereke. Enoa ke Monyaluoa. Eo hase kereke. Enoa ke Monyaluoa. Lea bona?

³⁷⁶ E—e kereke e tla nyoloha ka likete, empa mono ke mohla tsoho e hlahlamang. "Ha ba ka ba phela lilemo tse sekete li eso ho fete." Lea bona?

³⁷⁷ Empa, kahara Monyaluoa, holane batho ba makholo a mahlano ba ka tloha lefatšeng motsotsong ona, lefatše le ke ke la tseba letho. Jesu o itse, "E mong liphateng; 'me Ke tla nka e mong, ho sale e mong." Mono ke nakong ea bosiu. "Ba babeli masimong," koana lephakong le leng la naha, "Ke tla nka e mong 'me ho sale e mong. 'Me joaloka matsatsing a Nohe, ho tla ba joalo ho tleng ha Mora motho."

³⁷⁸ Nahana! Ntho eohle e tla be e itsamaela ka tloaelo feela. Ho tla feta Molaetsa oa cheseho, 'me, ntho ea pele lea tseba, ntho e 'ngoe, "Moreri enoa, ea tlohileng a ea kae, ha a ka a khutla. Ekaba o kene merung, ho ea tsoma. Empa ha a hlola a khutlile le ka mohla. 'Me thaka *lena* le ile nqa e 'ngoe. Le tseba se hlahlileng? Kea kholoa, ngoanana eo, mohlomong o—o nkuoe nqa e 'ngoe, lea tseba, motho o tšoere ngoanana eo a mo rusulla, mohlomong o mo lahletse nokeng. O ne a sa tsamaea le motho." Halofo ea eona . . . mashome a robong le metso e robong holima palo efe le efe . . . Ha ho ka thoe a le mong ho ba limilione tse lekholo ho ke ke ha tsejoa letho ka eona; lea bona, haese motho ea amanang le eëna, ea ka reng, "Ngoanana eo o nyametse. Khele, ha ke utloisise. Le ka mohla ha a eso tsamaee joalo." Che.

³⁷⁹ 'Me ha ba re, "E—e mabitla a tla buleha." Ebe mabitla a tla buleha joang? Athe, ha ke—ke na nako ea ho kena tabeng ena, seo ke neng ke se batlile. Ke tla tlameha ho tšoarana le eona, lea bona, ho le bontša ho nyatseha ha Molimo feela. 'Me k'halsiamo eo, photoshe, le ntho eohle, ebole—ebile . . . Ntho efe e kahare ho uena, limatheriale, li tlatsa khaba feela. Ke hantle. 'Me se etsahalang, e khutlala ho moea le ho bophelo. Molimo o bua feela, ebe moo Hloibilo e fihlang. Hase ho tsoela kantle

mono, ebe Mangeloi a theoha ka lifoholo a bula mabitla, a hotolla setopo sa khale se shoeleng mona. Ke eng? Se tsoaletsoe sebeng, le ho qaleng. Empa, ke O mocha, o entsoeng ka setšoantšo sa oona, lea tseba. Lea bona? Haeba re ena le *ona*, re tla boela re eshoa. Lea bona? Ha ho motho... U re, "Mabitla a tla buleha. Bafu ba tla tsoa ba tsamaea." E ka ba 'nete, empa ho bula hoo hase hoa puo ea hao ea ho bula. Lea bona? Ke hantle. Lea bona? E ke ke ea hlaha joalo.

³⁸⁰ E tla ba lekunutu, hobane O itse O tla "joaloka lesholu bosiu." O se a re boleletse eona, Hloibilo.

³⁸¹ Ke moo likahlolo li tla theoha; sebe, mafu a seo, maloetse, le ntho eohle. 'Me batho ba tla ikopela lefu ho ba tlosa, mohla kahlolo. "Morena, koluo ena e re oela joang, athe U itse Hloibilo e tla fihla pele?"

³⁸² O tla re, "E se e tlie, 'me ha u a ka ua tseba." Lea bona? Molimo o Ipata ka ho nyatseha. Oh, khili! Ke hantle. "Ke phetho, e se e hlahile, 'me ha lea tseba."

³⁸³ Horeng balumeli ba sa lumele lipontšo tse nyatsehang tsa ho Khutla ha Hae?

³⁸⁴ Ba shebeletse lintho tsena tsohle tseo Lengolo le li boletseng, le—le khoeli e tla fifala hara mpa...kapa letsatsi, hara mpa ea motšhare, 'me ho hlahe lintho tsa mefuta. Oh, hola feela re ena...Mona ke ngotse lintlha tsa eona, lea bona, ho bontša seo lintho tseo li leng sona. Re tla kena ho tsona manollong ea Litiiso tsena vekeng ena, leha ho le joalo, lea bona. Lea bona? Ke eo, e se e fetile, 'me ha lea e tseba. Bonang haeba e le eona, haeba Lengeloi la Morena le ka manolla Litiiso tseo tse hlahang. Le hopole, e tiisitsoe ka Lialuma tse Supileng tseo tse mohlolo. Lea bona?

³⁸⁵ Joale ke'ng? Horeng batho ba sitoa ho lumela ho nyatseha ho ithobileng ha sehlopha sa batho ba ikokobelitseng, lea bona, le eona—eona Puo ea lipontšo tsa Molimo? Horeng ba sa e lumele? Joaloka ha ho etsahetse pele, ponahatso ea Lentsoe la Molimo la mannete. Ke hore, ba bohlale haholo ebile ba rutehile haholo ho lumela tšobotsi e nyatsehang eo Lentsoe le ngotsoeng ka eona. Ba batla ho Le sutěla tlhaloso ea bona. "Ha Le bolele *sena*. Ha Le bolele *sane*." Lea bona? Le hlile le bolela Seo.

³⁸⁶ Mamelang. E reng ke bue sena, ka potlako, joale. Esita le lipono tseo Molimo a li hlasisang nqalang ena, ha li utloisisoe. Ke ka baka leo le nkutloang liteiping, ke re, "Bua seo liteipi li se buang. Bua seo pono e se buang." Joale, ha u phaphame u le seli, u tla bona ntho e 'ngoe. Lea bona? Kea kholoa ha kea tšoanelo ho e kokosa letsohong la ka ho le bontša eona. Lea bona? Lea bona? Lea bona? Lōna lea...E—e teng mona. Re qetellong. Lea bona? E, monghali. Barupelli ba mathumisa ba e fossa. Lipono tse nyatsehang, ha li senoloa ka ho nyatseha ho hokana, li tlola lihlooho tsa batho holimo. Lea bona?

³⁸⁷ Hobane ke bone pono, ka le bolella ntho eohle mabapi le ho ea tsoma holimo mono, 'me, lea tseba, e ile ea khopa batho. Athe Molimo o e rometse mono ka morero oo, le ho kutla le ho e hhalosa hape, ha bontšoa ho tsamaea ha 'mè oa ka, le lintho tse kang tseo. Le ho khutla e boleloa, le pele e hlahala. 'Me e hlahile hantle feela kamoo A e boletseng e tla hlahala. Lea bona?

³⁸⁸ 'Me, koana, Johanne o tsoile mono a ntse a paka. O itse, "Na ha ke Messia, empa ke lentsoe la ea hooang feelleng."

³⁸⁹ 'Me eaba bona barutuoa bao ba re, "Horeng ho, bangoli ba re Leng-... Mangolo a ruta ka Elia ea tšoanelang ho fihla pele?" Lea bona? Ho nyatseha ha Molimo, ho mela hantle feela holima lihlooho tsa batho.

³⁹⁰ Ha nke ke nke sena, ke ntano koala. Ke tla etsa joalo, ka thuso ea Molimo. Lea bona? Shebang. Joale tloong re e qhaqholle. Hape, ke—ke masoabi ho 'na ke re ho lōna ke tla tsamaea, ebile hape... Shebang. Ke masoabi ho le tšoarella. Empa, re tla be re khutlile, lihoreneng tse 'maloa feela.

Shebang, ha re nkeng lerotholi le paala la enke.

³⁹¹ Ntho e 'ngoe le e 'ngoe e entsoe ka morero. Le phuthehile mona hoseng hona ka morero. Ke jеле ha hao, Charlie; Nellie, u mphehetse, ka morero. Ke... Ntho e 'ngoe le e 'ngoe e entsoe ka morero. Kereke ena e hahiloe ka morero. Ha ho letho le sa etsetsoang morero le ka sepheo.

³⁹² Ha re nkeng lerotholi le paala la enke joale. Lea nkutloa na? [Phutheho e re, "Amen."—Mong.] Ha re nkeng lerotholi le paala la enke re le shebe. Ke eng? Ke lerotholi la enke. Le tsoa kae? Ho lokile. Ha re nkeng lerotholi lena la enke joale, lona, ha re re ke entse e ntšo. Joale, enke eo e etselitsoe morero. E ka ngola teballo ea ka kahara chan-... ea ntša chankaneng. E ka ngola tšoarelo ea ka ka ntšoa seleng ea lefu. Na ke 'nete? E ka ngola Johanne 3:16, 'me ka ho E lumela ea pholosa moea oa ka. Na ho joalo? ["Amen."] Kapa, e ka tekenela tumello ea lefu la ka. Lea bona? E ka nqosa Setulong sa Kahlolo. E entsoe ka morero. Na ho joalo? ["Amen."]

³⁹³ Be, ha re shebeng enkenyana eo re bone moo e tsoang teng. Joale, ke enke. E tsoakiloe, ka lik'hemik'hale le lintho tse joalo, ho fihlela e fetoha enke. 'Me e ntšo. Ha u ka e rothetsa liaparong tsa hao, e siea sekoli.

³⁹⁴ Empa re hlahisitse sehlahisoa se bitsoang semonyolli sa bolichi. Lōna basali le sebelisa bolichi ba Clorox. Be, ha ke tšoara lerotholi leo la enke 'me ke le rothetsa kahara bathe ea—ea bolichi, joale ho etsahetseng ka enke? Lea bona? Hobaneng? Ho sibolotsoe semonyolli sa bolichi, ke lik'hemik'hale tse sibolotsoeng tse hlahisitsoeng, 'moho, ho pshatla 'mala oo habohloko hakana hofihlela u sa u fumane. Joale, karolo ea bilicho boo ke metsi.

³⁹⁵ Metsi ke H₂O, e leng haedrojene le oksejene. 'Me haedrojene le oksejene 'moho, 'moho, ke liqhomane tse kotsi. 'Me, hape, hantle-ntle haedrojene le oksejene ke melora. Ke eona, ke hantle, ke melora ea lik'hemik'hale, ke melora ea lik'hemik'hale feela. Joale, ha u li tsoakanya, u fumana metsi. Empa, ha u e qhaqha, u fumana haedrojene le oksejene, 'me e lula e khutlela morao.

³⁹⁶ Joale, ha re kena mona, ha re nkeng... 'Me 'na kea hloleha. Joale mohlomong mona ho lutse mok'hemisi. 'Me joale ke batla ho e bua, hoba mono—hoba mono mok'hemisi a ka e mamela, ha ke tsebe motoako oo. Empa ke batla ho e hlalosa feela ka mokhoa oa ka o ithobileng, ke tsepile Molimo a tla Itšenola kahara eona.

³⁹⁷ Shebang, ke rothetsa lerotholi leo la enke kahara e—e—e semonyolli sa bolichi. Ho etsahalang? Hang feela koli e ntšo e a nyamela. U ke ke ua e fumana leha u tšoanetse, e nyametse. Ha u sa tla e bona le ka mohla. Ho etsahetseng? Joale, ha u bone letho le tsoang ho eona. Ha u khone. Hobaneng u sa khone? Hobane e qhaqhiloe.

³⁹⁸ Joale, saense e ka re, "E khutletse lieseteng tsa eona tsa mantlha."

³⁹⁹ Ebe liesete tsona li hlahile kae? Lea bona? Be, u re, "Li tsoa—li tsoa linthong tse itseng." Ke hantle. Ha re re, ho tea mohlala, tjena, "Meuoane ea mosi e bopile liesiti." Meuoane ea mosi eona e tsoa kae? "Be, eona, re ka rialo, meuoane ea mosi e entsoe ke limolek'hule." Limolek'hule tsona li tsoa kae? "Li tsoa ho liathomo." Liathomo tsona li tsoa kae? "Li tsoa ho lielektroniki." Tseo tsona li tsoa kae? "Leseli la k'hosmiki." Lea bona, u tloletse motšeо koana, moo mok'hemisi a sa fumaneng letho, joale. 'Me, haeba e le elemente le popo, e tlameha ho tsoa ho 'Mopi.

⁴⁰⁰ Ka hona, mona ha u a lula ka tšohanyetso. Ha kea le tšoarella hofihlela ho mashome a mararo ka morao ho leshome le metso e 'meli, kapa hora ea pele, ka tšohanyetso. "Maoto a ba lokileng a tsamaisoa ke Morena." Lea bona? Lebaka la eona le teng. Lebaka le teng la hore u lumele. Lebaka le teng la hore u se ke ua lumela. Joalo ka—ka enke eo feela.

⁴⁰¹ Joale ha re e qhaqholleng. Joale, ntho ea pele, ha re re, hoba re khutlele ho... Re tla e khutlisetsa motšeо koana bohole ba limolek'hule. Joale, re tšoere molek'hule, nka re, palo ea 1 atisa ka molek'hule 9, atisa ka molek'hule 12. Joale, holane ebile 11, 'mala o ka be o le mofubelu. Empa e—e ne e tlamehile ho ba 12, ho etsa botšo.

⁴⁰² Ebe moo re e theolelang ho athomo. E ne e le athomo. 'Me ⁹⁶ atisa ka +4³, e lekana le athomo 16¹¹. Holane ebile 16¹², mohlomong e ka e be le pherese. Lea bona? Ebe u lula u ntse u e pshatla u theoha.

⁴⁰³ E supa ntho e 'ngoe morao koana, le ho qala. Ke kelello ea tloaelo feela. Ke popo. E tlameha ho ba le 'Mopi. 'Me e tsoile ho 'Mopi, 'me ea reroa ea kenngoa kahara lintho tsena, tse fapaneng. Joale, saense ha e khone ho nka athomo B₁₆ atisa ka 12, atisa ka 14, atisa ka eng feela, ka mokhoa oo, ho etsa hoo. Ke Molimo o nong o tlameha ho etsa hoo.

⁴⁰⁴ E ntano theoleloa moo e kenang ho liathomo, ke hona moo saense e qalang e ama. E ntano kena ho limolek'hule, ebe moo ba qalang ba bona hantle ho feta. E ntano theoha, ho tsoa moo, e kena nthong e 'ngoe. Ebe, ntho ea pele, e kena ho lik'hemik'hale, 'me lintho tsena ba li momahanya 'moho.

⁴⁰⁵ Joale, mohla motho, pele a etsa sebe. Kea koala, empa le se ke la e fosa. Mohla motho a ne a etsa sebe, o ikarohantse le Molimo, eaba o tšela khohlo e khōlō, eaba o itlhoma kahara lefung ka lehlakoreng lena. O ile a tloha. Ha ho mokhoa oa ho khutla. Hantle feela. Ha ho mokhoa oo a ka khutlang kateng. Empa hoba a etse joalo, Molimo oa amohela phapanyetso, eona e le konyana, kapa pōli, kapa nku, kapa ntho e itseng, bakeng sa mali; eo Adama a buileng ka eona, kapa—kapa eo Abele a buileng ka eona, ka mose oane ho khohlo.

⁴⁰⁶ Ka mose oane, ke mora oa Molimo. Ke lehlomela le tsoang ho Molimo. Ke mojalefa oa lefatše. A ka khona ho laola tlhaho. O ka khona ho bopa ka lentsoe. Khele, ke 'mopi, ka sebele. Ke lehlomela la Molimo.

⁴⁰⁷ Empa, eitseha a parola, o arotse tokelo ea hae ea mora. Ke moetsalibe, ka tlhaho. O tlasa matsoho le bohlanka ba Satane.

⁴⁰⁸ 'Me Molimo o nkile sehlabelo, e leng k'hemik'hale, ea mali, empa mali a lipoho le lipōli a sitiloe ho hlala sebe. A mpile a koahela sebe. Haeba ke takiloe letheba le lefubelu letsohong la ka, 'me ke se koahela ka bosoue, letheba le lefubelu le sa le teng mono. Lea bona, le sa le teng.

⁴⁰⁹ Empa Molimo o rometse fatše, ho tsoa Leholumōng, bolichi ba sebe. E ne e le Mali a Mora oa Hae ka Sebele. Ke hore, ha sebe sa rōna se boletsoeng se lahleloa kahara bolichi ba Molimo, ako leke ho se fumana hape! 'Mala oa sebe o khutlela morao hara babuell, le tlase molapong oa nako, hofihlela se otla moqosi, Satane, 'me o se hloma holima hae hofihlela Letsatsi la Kahlolo.

⁴¹⁰ Ho etsahalang ka mora? O boelana le Ntate ka setsoalle se phethahetseng hape, o eme mose oane ho khohlo, mohopoloo sebe se khahlano le eēna o hlakotsoe. Lekhale, letheba la bolichi ha le bonoe kae kapa kae. O lokolohile. Alleluia! Joaloka Clorox eo, kapa enke eo e ke se hhole e fetoha enke hape, hobane e pshatliloe 'me e khutliselitsoe morao hape. 'Me ha sebe se boletsoeng se boletsoe 'me se innoe ho... Monna kapa mosali ea innoeng Maling a Jesu Kreste, a bolaea matšoao ohle. 'Me molek'hule o mong le o mong oa

sebe o khutlela morao ho diabolosi, 'me se hlongoa holima hae hofihlela Letsatsi la Kahlolo, teng qetello ea hae ea Bosafeleng e tlang ho ba ho lahleloa Letšeng la Molimo. 'Me khohlo e a katoa, 'me ha se sa hlola se hopoloa. 'Me monna eo o eme a beiloe ea lokileng, joaloka mora oa Molimo. Ho nyatseha!

⁴¹¹ Moshe, tlasa mali a lipoho le a lipōli, ka maipolelo a hae Lentsoeng la Molimo! 'Me Molimo o khonne ho nka monna ea nyatsehang eo, 'me oa kenya Mantsoe a Hae molomong oa hae. 'Me eaba o ipaka e le mohlanka oa Jehova, hobane o khonne ho tsamaea mono 'me Jehova o buile le eèna ka pono. A tsoa, a otlollela matsoho a hae nqa bochabela.

⁴¹² 'Me joale, le hopole, Molimo o buile le eèna. Ke mohopolo oa Molimo. Molimo o sebelisa motho. Molimo o buile le eèna. E lokile. O itse, "E-ea o otollele lere leo, le letsohong la hao, nqa bochabela, u re, 'Lintsintsi!'"

⁴¹³ Moshe, tlasa mali a lipōli eo, linku, a tsoa mono a tšoara lere leo, a le otlollela bochabela. "HO RIALO MORENA. Lintsintsi li be teng!" Ho eso utloeloe ka ntsintsi. A boela a khutla. E se e boletsoe. Ke mohopolo, joale o builoe, o hhalositsoe. Ke Lentsoe la Molimo lekhatheng leo. Le kene melomong ea motho, monna ea nyatsehang tlasa mali a poho, poho kapa pōli.

⁴¹⁴ Ntho ea pele lea tseba, ntsintsi e tala e qala fofa e likoloha. Ntho e latelang lea tseba, jarete ea tsona keha e etsa dipondo tse makholo a mahlano. E ne e le eng? E ne e le Lentsoe la Molimo, le builoeng ke Moshe, 'Mopi. Hobane, tlasa mali, o ne a eme ka pela Sefahleho sa Molimo, 'me Mantsoe a hae ka sebele e ne e se lentsoe la hae.

⁴¹⁵ "Ekare ha le lula ho 'Na, le Mantsoe a Ka a lula ka ho lōna, le ka kopa seo le se batlang, le tla se neoa." Ebe Kereke e eme kae?

⁴¹⁶ "Linqaqane li be teng!" 'Me ho ne ho se linqaqane naheng. Nakong ea hora, keha li tebile ka maoto a leshome, libakeng tse ling. E ne e le eng? E ne e le Molimo, 'Mopi, a Ipatile kahara monna ea nyatsehang.

⁴¹⁷ Joale ke batla ho le botsa taba. Ekare ha mali a poho kapa a pōli a sebelisitsoe joaloka bolichi, e leng a ka koahela feelang, a khonne ho emisa monna ho bua Lentsoe la Molimo le bopang 'me le hlahisitse lintsintsi, horeng le khoptjoa ke bolichi ba Mali a Jesu Kreste Ea khonneng ho bopa mesamane kapa ntho e 'ngoe ka polelo?

⁴¹⁸ Le se ke la etsa joalo, le se ke la khoptjoa ke ho nyatseha. Le lumele hore O sa lutse e le Molimo. Oh, khili! Teballo ea sebe! Oh, ekare nka be ke khona . . .

⁴¹⁹ Hape, ho Mareka 11:22, "Ekare ha u re ho thaba ena, 'Sutha,' 'me u sa belaele pelöng ea hao, u mpa u lumela seo u se buileng se tla etsoa, oh, u ka fumana seo u se boletseng."

⁴²⁰ Khele, ke tšoere maqephe a mane kapa a mararo. Re tlameha feela ho e tlohela. Kea le leboha.

⁴²¹ Molimo o Ipata ka ho nyatseha. Ha le bone na? Phoso e teng nqa e 'ngoe. Phoso e teng nqa e 'ngoe. Molimo ha o bolela taba, A ke ke a etsa leshano. O entse tšepiso. Lea bona? O ipata ka ho nyatseha. E nyatseha haholo!

⁴²² Barutehi le baithuti ba re, "Ah, ke... Oh, ke ho bala mohopolo kapa ho hong. U a tseba, ke e..."

⁴²³ Molimo o khona ho Ikhothomeletsa morao melapong ea nako, oa le bolella hantle se hlalileng morao koana, ho u bolella hantle seo u leng sona kajeno, le seo u tlang ho ba sona nako e tlang. Hoo ho sa etsoa ke bolichi ba Jesu Kreste, Ea ka tšoarang moetsalibe 'me a mo kenya kahare ka Mono ka bolichi, 'me o ema ka pela Sefahleho sa Molimo.

⁴²⁴ "'Me ekare ha le lula ho 'Na, le Mantsoe a Ka ho lōna; le ka kopa seo le se batlang, 'me se tla etsoa. Ea lumelang ho 'Na, mesebetsi eo Ke e etsang o tla e etsa le eèna."

⁴²⁵ "Le Nqosa ka'ng? Oh, na melao ea lōna ha e a bitsa bao Lentsoe la Molimo le ba fihletseng, baporofeta, na ha lea ba bitsa 'melimo'? 'Me le Nqosa ka'ng ha Ke re Ke Mora Molimo?" Ba sitoa ho e bona. Ba sitoa ho e bona.

⁴²⁶ Joale, Kereke, Melaetseng e tlang ho latela, ho qala bosiu bona ho tsoelapele, le se hlolehe ho e bona. Lea bona? Bonang letsatsi leo re phelang ho lona. 'Me, le hopole, hore Mali Jesu Kreste a lahlela sebe hole le uena hakana, ebile le mohopolong oa Molimo ha li fumanoe, hape le ka mohla. A tlosa sekoli sohle.

Koli e khubelu ea sebe,
A e hlatsoa sa lehloa.

Joale ka pela Terone,
Ka ho Eèna ke phethehile.

⁴²⁷ Oh, khili, nka phetheha joang? Nka phetheha joang? Ka baka la Mali; e seng 'na, empa Mali ao a ema lipakeng tsa Molimo le 'na. Kea E amohela. 'Me O e beha... Ke moetsalibe, empa Eèna ke Molimo. Empa k'hemistri e ema lipakeng tsa ka, sebolaea sebe, ka hona Molimo o mpona ke soeufetse joaleka—joaleka metsi a kahara—a kahara bolichi. Sebe sa ka se tlositsoe. Ha se khone le ho fihla ho Eèna, hobane mono ho robetse Sehlabelo.

⁴²⁸ Tumelo ea rōna ea ho lumela Lentsoe la Molimo le nyatsehang e kae? Feel a seo Molimo a se buileng, ako Mo nke Lentsoeng la Hae. Hona joale Molimo o Ipata ka ho nyatseha, kahara sehlotsaana se ikokobelitseng, empa le leng la matsatsi ana O tla Iponahatsa joalokaha A entse kamehla matsatsing a fetileng. Lea Mo rata na? [Phutheho e re, "Amen."—Mong.]

Kea Mo rata, kea Mo rata
 Hoba A nthatile pele
 O lefeletse poloko ea ka
 Fateng sa Kalvari.

⁴²⁹ Lea Mo rata? [Phutheho e re, “Amen.”—Mong.] Khele, na ha A babatsehe? [“Amen.”] Kea tšepa ke bile ke kholoa Molaetsa o tla hlahisa seo O neng o baletsoe ho se etsa, hore O tla le fihlisa moo le sa tl’o sheba lintho tse mahalihali. Kapa ntho e itseng... Etlere ha le bona boholo ba Molimo, le shebe kamoo e ikokobelitseng kateng, ’me ke hona le tlang ho bona Molimo. Le se ke la Mo batla...

⁴³⁰ Mohla Elisha a khohletseng motšeо kahara lehaha, ho fetile mosi, mali, sealuma, lehalima; ’me, lea bona, litšisimoho tsena tsohle tsa mefuta tseo re li fumaneng, mali sefahlehong le kahara matsoho, le litšisimoho le sohle. Ha ea khathatsa moporofeta eo ka letho. A mpa a ithoballa mono hofihlela a utloile Puo e sesane e khutsitseng, (E ne e le eng?) Lentsoe, eaba o ikhurumetsa sefahleho a tsoa a tsamaea. Lea bona, e ne e le Eona.

⁴³¹ Hopola, motsoalle, u se ke ua batla ntho e khōlō, ea tonana... U re, “Molimo, O bua ka lintho tse khōlō, tsa litonana. Nako ea tla eo ka eona ho tla fihla *sena, sane*, kapa se *seng*, lintho tse khōlō tsa litonana.” Kea kholoa le tšoara seo ke buang ka sona. Lea bona? “Lintho tse khōlō, tsa litonana, lea bona! ’Me, oh, mohla sena se hlhang, e tla ba ntho e khōlō, *tjena* ea tonana.”

⁴³² ’Me athe e tla be e ikokobelitse, hoo le tla fosa ntho eohle, tsoelapele feela. Lea bona? ’Me u tla hetla ’me u re, “Be, ntho eo ha eso hlahe...” Lea bona, e fetile hantle kaholimo, ’me ha u a ka ua E bona. Ho iphetela mohoalotso feela. Lea bona, e nyatseha haholo. Lea bona? Molimo o phela ka ho nyatseha, lea bona, e le ho Iponahatsa boholo. Boholo ba Hae bo etsoa ke’ng? Hobane A ka khona ho Inyenyeftsa.

⁴³³ Monna e moholo, ea phahameng a ke ke a inyenyeftsa; o tlameha ho ba motlotlehi. Lea bona? Empa le joale boholo ba hae h boa lekana. Mohla a holang ho lekana, ke mohla a theohelang fatše *tjena*, lea bona, a ikokobetse.

⁴³⁴ Joaloka mohalaleli oa khale ha a buile holimo mono Chicago, “Eaba thaka leo le a nyoloha, ka thuto tsohle le ka lintho.” Ho re, “A theoha, a shashariloe, hlooho e kobotetse. A tsoa, a hlotsoe.” A re, “Holane a nyoloha kamoo a theohileng, a ka be a theohile kamoo a nyolohileng.” Be, ke hantle. Lea bona?

⁴³⁵ Ikokobetse. Ikokobetse feela. Se leke ho ba semaka. Rata feela—feela Jesu. Lea bona? Ho re, “Morena, ekare ha bokhopo bo le teng pelōng ea ka, ha phoso e le teng, Ntate, ha ke batle ho ba joalo. U bo tlotsa. Ha ke batle ho ba joalo. Oh, ke tla batla ho balloa le bona, ka Letsatsi leo, Morena. ’Me ke bona Letsatsi leo le ntse le atamela.”

⁴³⁶ Le bone ha Litiiso tsena li qala, ha Molimo a ka re manollela Tsona. Hopolang, ke Eèna a inotši a ka e etsang. Re itšetlehile ka Eèna. Molimo a le hlohonolofatse.

⁴³⁷ 'Me joale ke kholoa molisa oa rōna o na le puo le lōna, ho bua; kapa ho e bua, ke rialo, le—le lōna, pele re kopana hape thapama ena. 'Me kea kholoa tšebeletso e tla... Tšebeletso ea lipina e ka mashome a mararo ka mora tšeleta, molisa? 'Me e... [Moena Neville o re, "E qala ka mashome a mararo ka mora tšeleta."—Mong.] Mashome a mararo ka mora tšeleta. 'Me ke... ["Menyako e buloa ka hora ea botšeleta."] Menyako e buloa ka hora ea botšeleta. Tšebeletso ea lipina e tla qala ka mashome a mararo ka mora tšeleta.

⁴³⁸ 'Me ha Morena a ratile, ke tla bua, bosiu bona, ka temana ea Buka e Tiisitsoeng Hasupa. 'Me ebe, Mantaha bosiu, ke mokalli oa pere e tšoeu. Labobeli bosiu... Ke mokalli oa pere e ntšo, Laborarō bosiu. Pere e putsoa, pere e tšebla. Le mokalli oa pere e khubelu. Ho ntano latela ea botšeleta... ea bone, ea bohlano, le ea botšeleta, e ntano ba Sontaha bosiu. Hoseng ha Sontaha se tlang, e ka ba tšebeletso ea pholiso. Ha ke tsebe.

⁴³⁹ Joale le hopole, re ikhethetse Morena, rōna le kerekemoho, ho sebeletsa Molimo. Molimo a le hlohonolofatse.

⁴⁴⁰ Ke—ke liehile nako ka hora e le 'ngoe. Na le tla ntšoarela? [Phutheho e re, "Amen."—Mong.] Ha ke—ke, lea bona, ha kea ikemisetsa joalo. Empa, lea bona, ke—ke tla hlola le lōna veke ena feela, ke ntano tsamaea hape. 'Me ha ke tsebe moo ke tla ea teng; hohle moo A bilettsang teng. 'Me ke batla ho nehela motsotsotso o mong le o mong oo nka o khonang, hobane ke batla ho ja Bosafeleng le lōna.

Molimo a le hlohonolofatse. Joale, Moena Neville.



TŠENOLO EA LITIISO TSE SUPILENG
(The Revelation Of The Seven Seals)

Melaetsa ena e leshome e reriloeng ke Moena William Marrion Branham e hlahisitsoe ka Senyesemane ka Hlakubele 17 ho haola ka Hlakubele 24, 1963, mane Branham Tabernacle, Jeffersonville, Indiana, U.S.A., eaba Tsio Ea Bosupa e ntsheletsoa ka Hlakubele 25 mane Sherwood Motel. Ka mora ho fumana liteipi tsa mantla tse hlakileng le tse sekolokoto, Melaetsa ena ea boela ea raloa ka tšobotsi ea joale. Boikhathato bohole bo entsoe ho fallisetsa Molaetsa o builoeng ho tsoa khatisong ea teipi ea makenete ho isoa leqepheng le tlantsoeng. Phetolelo ena ea Sesotho sa Boroa e ngotsoe mona e sa khaoloa ke ba Voice Of God Recordings.

Litokelo tsohle bukeng ena li babaletsoe. Buka ena e ke ke ea rekisoa, ea tlangoa bocha, ea fetoleloa lipuong lisele, kapa ea sebelisoa ho qela matlole ntle le tumello e chaeletsoeng ka lengolo ea William Marrion Branham Evangelical Association.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org